

עשה פרי<sup>pc</sup> אשר זרעו בו למינהו וירא  
אלהים כי טוב<sup>13</sup> ויהי ערב ויהי בקר יום  
שלישי פ

<sup>14</sup> ויאמר אלהים יהי מארת ברקיע  
השמים להבדיל בין היום ובין הלילה והיו  
לאתת ולמועדים ולימים ושנים<sup>15</sup> והיו  
למאורת ברקיע השמים להאיר על הארץ  
ויהי כן<sup>16</sup> ויעש אלהים את שני המארת  
הגדלים את המאור הגדל לממשלת היום  
ואת המאור הקטן לממשלת הלילה ואת  
הכוכבים<sup>17</sup> ויתן אתם אלהים ברקיע  
השמים להאיר על הארץ<sup>18</sup> ולמשל ביום  
ובלילה ולהבדיל בין האור ובין החשך  
וירא אלהים כי טוב<sup>19</sup> ויהי ערב ויהי בקר  
יום רביעי פ

<sup>20</sup> ויאמר אלהים ישרצו המים שרץ נפש  
חיה ועוף יעופף על הארץ על פני רקיע  
השמים<sup>21</sup> ויברא אלהים את התנינם  
הגדלים ואת כל נפש החיה הרמשת  
אשר שרצו המים למינהם ואת כל עוף  
כנף למינהו וירא אלהים כי טוב<sup>22</sup> ויברך  
אתם אלהים לאמר פרו ורבו ומלאו את  
המים בימים והעוף ירב בארץ<sup>23</sup> ויהי ערב  
ויהי בקר יום חמישי פ  
<sup>24</sup> ויאמר אלהים תוצא הארץ נפש חיה  
למינה בהמה ורמש וחיתו ארץ למינה  
ויהי כן<sup>25</sup> ויעש אלהים את חית הארץ

## Genesis

### בראשית

**1** בראשית ברא אלהים את השמים  
ואת הארץ<sup>2</sup> והארץ היתה תהו ובהו  
וחשך על פני תהום ורוח אלהים מרחפת  
על פני המים<sup>3</sup> ויאמר אלהים יהי אור ויהי  
אור<sup>4</sup> וירא אלהים את האור כי טוב  
ויבדל אלהים בין האור ובין  
החשך<sup>5</sup> ויקרא אלהים לאור יום ולחשך  
קרא לילה ויהי ערב ויהי בקר יום אחד פ  
<sup>6</sup> ויאמר אלהים יהי רקיע בתוך המים ויהי  
מבדיל בין מים למים<sup>7</sup> ויעש אלהים את  
הרקיע ויבדל בין המים אשר מתחת  
לרקיע ובין המים אשר מעל לרקיע ויהי  
כן<sup>8</sup> ויקרא אלהים לרקיע שמים ויהי ערב  
ויהי בקר יום שני פ  
<sup>9</sup> ויאמר אלהים יקוו המים מתחת השמים  
אל מקום אחד ותראה היבשה ויהי  
כן<sup>10</sup> ויקרא אלהים ליבשה ארץ ולמקוה  
המים קרא ימים וירא אלהים כי  
טוב<sup>11</sup> ויאמר אלהים תדשא הארץ דשא  
עשב מזריע זרע עץ פרי עשה פרי למינו  
אשר זרעו בו על הארץ ויהי כן<sup>12</sup> ותוצא  
הארץ דשא עשב מזריע זרע למינהו ועץ

c We read one or more accents in L differently than BHS. Often this notation indicates a typographical error in BHS.

p We read punctuation in L differently from BHS.

ושמים<sup>5</sup> וכל שיח השדה טרם יהיה בארץ וכל עשב השדה טרם יצמח כי לא המטיר יהוה אלהים על הארץ ואדם אין לעבד את האדמה<sup>6</sup> ואד יעלה מן הארץ והשקה את כל פני האדמה<sup>7</sup> וייצר יהוה אלהים את האדם עפר מן האדמה ויפח באפיו נשמת חיים ויהי האדם לנפש חיה<sup>8</sup> ויטע יהוה אלהים גן בעדן מקדם וישם שם את האדם אשר יצר<sup>9</sup> ויצמח יהוה אלהים מן האדמה כל עץ נחמד למראה וטוב למאכל ועץ החיים בתוך הגן ועץ הדעת טוב ורע<sup>10</sup> ונהר<sup>p</sup> יצא מעדן להשקות את הגן ומשם יפרד והיה לארבעה ראשים<sup>11</sup> שם האחד פישון הוא הסבב את כל ארץ החוילה אשר שם הזהב<sup>12</sup> וזהב הארץ ההוא טוב שם הבדלח ואבן השהם<sup>13</sup> ושם הנהר השני גיחון הוא הסובב את כל ארץ כוש<sup>14</sup> ושם הנהר השלישי חדקל הוא ההלך קדמת אשור והנהר הרביעי הוא פרת<sup>15</sup> ויקח יהוה אלהים את האדם וינחהו בגן עדן לעבדה ולשמרה<sup>16</sup> ויצו יהוה אלהים על האדם לאמר מכל עץ הגן אכל תאכל<sup>17</sup> ומעץ הדעת טוב ורע לא תאכל ממנו כי ביום אכלך ממנו מות תמות<sup>18</sup> ויאמר יהוה אלהים לא טוב היות

למינה ואת הבהמה למינה ואת כל רמש האדמה למינהו וירא אלהים כי טוב<sup>26</sup> ויאמר אלהים נעשה אדם בצלמנו כדמותנו וירדו בדגת הים ובעוף השמים ובבהמה ובכל הארץ ובכל הרמש הרמש על הארץ<sup>27</sup> ויברא אלהים את האדם בצלמו בצלם אלהים ברא אתו זכר ונקבה ברא אתם<sup>28</sup> ויברך אתם אלהים ויאמר להם אלהים פרו ורבו ומלאו את הארץ וכבשה ורדו בדגת הים ובעוף השמים ובכל חיה הרמשת על הארץ<sup>29</sup> ויאמר אלהים הנה נתתי לכם את כל עשב זרע אשר על פני כל הארץ ואת כל העץ אשר בו פרי עץ זרע זרע לכם יהיה לאכלה<sup>30</sup> ולכל חית הארץ ולכל עוף השמים ולכל רומש על הארץ אשר בו נפש חיה את כל ירק עשב לאכלה ויהי כן<sup>31</sup> וירא אלהים את כל אשר עשה והנה טוב מאד ויהי ערב ויהי בקר יום הששי פ

**2** ויכלו השמים והארץ וכל צבאם<sup>2</sup> ויכל אלהים ביום השביעי מלאכתו אשר עשה וישבת ביום השביעי מכל מלאכתו אשר עשה<sup>3</sup> ויברך אלהים את יום השביעי ויקדש אתו כי בו שבת מכל מלאכתו אשר ברא אלהים לעשות פ **4** אלה תולדות השמים והארץ בהבראם ביום עשות יהוה אלהים ארץ

p We read punctuation in L differently from BHS.

כאלהים ידעי טוב ורע<sup>6</sup> ותרוא האשה כי טוב העץ למאכל וכי תאווה הוא לעינים ונחמד העץ להשכיל ותקח מפריו ותאכל ותתן גם לאישה עמה ויאכל<sup>7</sup> ותפקחנה עיני שניהם וידעו כי עירמם הם ויתפרו עלה תאנה ויעשו להם חגרת<sup>8</sup> וישמעו את קול יהוה אלהים מתהלך בגן לרוח היום ויתחבא האדם ואשתו מפני יהוה אלהים בתוך עץ הגן<sup>9</sup> ויקרא יהוה אלהים אל האדם ויאמר לו איכה<sup>10</sup> ויאמר את קלך שמעתי בגן ואירא כי עירם אנכי ואחבא<sup>11</sup> ויאמר מי הגיד לך כי עירם אתה המן העץ אשר צויתך לבלתי אכל ממנו אכלת<sup>12</sup> ויאמר האדם האשה אשר נתתה עמדי הוא נתנה לי מן העץ ואכל<sup>13</sup> ויאמר יהוה אלהים לאשה מה זאת עשית ותאמר האשה הנחש השיאני ואכל<sup>14</sup> ויאמר יהוה אלהים אל הנחש כי עשית זאת ארור אתה מכל הבהמה ומכל חית השדה על גחנך תלך ועפר תאכל כל ימי חיך<sup>15</sup> ואיבה אשית בינך ובין האשה ובין זרעך ובין זרעה הוא ישופך ראש ואתה תשופנו עקב<sup>16</sup> אל האשה אמר הרבה ארבה עצבונך והרנך בעצב תלדי בנים ואל אישך תשוקתך והוא ימשל בך<sup>17</sup> ולאדם אמר כי שמעת<sup>c</sup> לקול

האדם לבדו אעשה לו<sup>1</sup> עזר כנגדו<sup>19</sup> ויצר יהוה אלהים מן האדמה כל חית השדה ואת כל עוף השמים ויבא אל האדם לראות מה יקרא לו וכל אשר יקרא לו האדם נפש חיה הוא שמו<sup>20</sup> ויקרא האדם שמות לכל הבהמה ולעוף השמים ולכל חית השדה ולאדם לא מצא עזר כנגדו<sup>21</sup> ויפל יהוה אלהים תרדמה על האדם ויישן ויקח אחת מצלעותיו ויסגר בשר תחתנה<sup>22</sup> ויבן יהוה אלהים את הצלע אשר לקח מן האדם לאשה ויבאה אל האדם<sup>23</sup> ויאמר האדם זאת הפעם עצם מעצמי ובשר מבשרי לזאת יקרא אשה כי מאיש לקחה זאת<sup>24</sup> על כן יעזב איש את אביו ואת אמו ודבק באשתו והיו לבשר אחד<sup>25</sup> ויהיו שניהם ערומים האדם ואשתו ולא יתבששו

**3** והנחש היה ערום מכל חית השדה אשר עשה יהוה אלהים ויאמר אל האשה אף כי אמר אלהים לא תאכלו מכל עץ הגן<sup>2</sup> ותאמר האשה אל הנחש מפרי עץ הגן נאכל<sup>3</sup> ומפרי העץ אשר בתוך הגן אמר אלהים לא תאכלו ממנו ולא תגעו בו פן תמתון<sup>4</sup> ויאמר הנחש אל האשה לא מות תמתון<sup>5</sup> כי ידע אלהים כי ביום אכלכם ממנו ונפקחו עיניכם והייתם

c We read one or more accents in L differently than BHS. Often this notation indicates a typographical error in BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

פניו<sup>6</sup> ויאמר יהוה אל קין למה חרה לך ולמה נפלו פניך<sup>7</sup> הלוא אם תיטיב שאת ואם לא תיטיב לפתח חטאת רבץ ואלו תשוקתו ואתה תמשל בו<sup>8</sup> ויאמר קין אל הבל אחיו ויהי בהיותם בשדה ויקם קין אל הבל אחיו ויהרגהו<sup>9</sup> ויאמר יהוה אל קין אי הבל אחיך ויאמר לא ידעתי השמר אחי אנכי<sup>10</sup> ויאמר מה עשית קול דמי אחיך צעקים אלי מן האדמה<sup>11</sup> ועתה ארור אתה מן האדמה אשר פצתה את פיה לקחת את דמי אחיך מידך<sup>12</sup> כי תעבד את האדמה לא תסוף תת כחה לך נע ונד תהיה בארץ<sup>13</sup> ויאמר קין אל יהוה גדול עוני מנשא<sup>14</sup> הן גרשת אתי היום מעל פני האדמה ומפניך אסתר והייתי נע ונד בארץ והיה כל מצאי יהרגני<sup>15</sup> ויאמר לו יהוה לכן כל הרג קין שבעתים יקם וישם יהוה לקין אות לבלתי הכות אתו כל מצאו<sup>16</sup> ויצא קין מלפני יהוה וישב בארץ נוד קדמת עדן<sup>17</sup> וידע קין את אשתו ותהר ותלד את חנוך ויהי בנה עיר ויקרא שם העיר כשם בנו חנוך<sup>18</sup> ויולד לחנוך את עירד ועירד ילד את מחויאל ומחויאל ילד את מתושאל ומתושאל ילד את למך<sup>19</sup> ויקח לו למך שתי נשים שם האחת עדה ושם השנית צלה<sup>20</sup> ותלד עדה את יבל הוא היה אבי ישב אהל ומקנה<sup>21</sup> ושם אחיו יובל הוא היה אבי כל

אשתך ותאכל מן העץ אשר צויתך לאמר לא תאכל ממנו ארורה האדמה בעבורך בעצבון תאכלנה כל ימי חיך<sup>18</sup> וקוץ ודרדר תצמיח לך ואכלת את עשב השדה<sup>19</sup> בזעת אפיך תאכל לחם עד שובך אל האדמה כי ממנה לקחת כי עפר אתה ואל עפר תשוב<sup>20</sup> ויקרא האדם שם אשתו חוה כי הוא היתה אם כל חי<sup>21</sup> ויעש יהוה אלהים לאדם ולאשתו כתנות עור וילבשם פ<sup>22</sup> ויאמר יהוה אלהים הן האדם היה כאחד ממנו לדעת טוב ורע ועתה פן ישלח ידו ולקח גם מעץ החיים ואכל וחי לעלם<sup>23</sup> וישלחהו יהוה אלהים מגן עדן לעבד את האדמה אשר לקח משם<sup>24</sup> ויגרש את האדם וישכן מקדם לגן עדן את הכרבים ואת להט החרב המתהפכת לשמר את דרך עץ החיים ס

**4** והאדם ידע את חוה אשתו ותהר ותלד את קין ותאמר קניתי איש את יהוה<sup>2</sup> ותסוף ללדת את אחיו את הבל ויהי הבל רעה צאן וקין היה עבד אדמה<sup>3</sup> ויהי מקץ ימים ויבא קין מפרי האדמה מנחה ליהוה<sup>4</sup> והבל הביא גם הוא מבכרות צאנו ומחלבהן וישע יהוה אל הבל ואל מנחתו<sup>5</sup> ואל קין ואל מנחתו לא שעה ויחר לקין מאד ויפלו

וילד את קינן<sup>10</sup> ויחי אנוש אחרי הולידו את קינן חמש עשרה שנה ושמנה מאות שנה וילד בנים ובנות<sup>11</sup> ויהיו כל ימי אנוש חמש שנים ותשע מאות שנה וימת<sup>12</sup> ויחי קינן שבעים שנה וילד את מהללאל<sup>13</sup> ויחי קינן אחרי הולידו את מהללאל ארבעים שנה ושמנה מאות שנה וילד בנים ובנות<sup>14</sup> ויהיו כל ימי קינן עשר שנים ותשע מאות שנה וימת<sup>15</sup> ויחי מהללאל חמש שנים וששים שנה וילד את ירד<sup>16</sup> ויחי מהללאל אחרי הולידו את ירד שלשים שנה ושמנה מאות שנה וילד בנים ובנות<sup>17</sup> ויהיו כל ימי מהללאל חמש ותשעים שנה ושמנה מאות שנה וימת<sup>18</sup> ויחי ירד שתים וששים שנה ומאת שנה וילד את חנוך<sup>19</sup> ויחי ירד אחרי הולידו את חנוך שמנה מאות שנה וילד בנים ובנות<sup>20</sup> ויהיו כל ימי ירד שתים וששים שנה ותשע מאות שנה וימת<sup>פ</sup>

<sup>21</sup> ויחי חנוך חמש וששים שנה וילד את מתושלח<sup>22</sup> ויתהלך חנוך את האלהים אחרי הולידו את מתושלח שלש מאות שנה וילד בנים ובנות<sup>23</sup> ויהי כל ימי חנוך חמש וששים שנה ושלש מאות שנה<sup>24</sup> ויתהלך חנוך את האלהים ואיננו כי לקח אתו אלהים<sup>פ</sup> ויחי מתושלח שבע ושמונים שנה ומאת

תפש כנור ועוגב<sup>22</sup> וצלה גם הוא ילדה את תובל קין לטש כל חרש נחשת וברזל ואחות תובל קין נעמה<sup>23</sup> ויאמר למך לנשיו עדה וצלה שמען קולי נשי למך האזנה אמרתי כי איש הרגתי לפצעני וילד לחברתי<sup>24</sup> כי שבעתים יקם קין ולמך שבעים ושבעה<sup>25</sup> וידע אדם עוד את אשתו ותלד בן ותקרא את שמו שת כי שת לי אלהים זרע אחר תחת הבל כי הרגו קין<sup>26</sup> ולשת גם הוא ילד בן ויקרא את שמו אנוש אז הוחל לקרא בשם יהוה פ

**5** זה ספר תולדת אדם ביום ברא אלהים אדם בדמות אלהים עשה אתו<sup>2</sup> זכר ונקבה בראם ויברך אתם ויקרא את שמם אדם ביום הבראם<sup>3</sup> ויחי אדם שלשים ומאת שנה וילד בדמותו כצלמו ויקרא את שמו שת<sup>4</sup> ויהיו ימי אדם אחרי הולידו את שת שמנה מאת שנה וילד בנים ובנות<sup>5</sup> ויהיו כל ימי אדם אשר חי תשע מאות שנה ושלשים שנה וימת<sup>6</sup> ויחי שת חמש שנים ומאת שנה וילד את אנוש<sup>7</sup> ויחי שת אחרי הולידו את אנוש שבע שנים ושמנה מאות שנה וילד בנים ובנות<sup>8</sup> ויהיו כל ימי שת שתים עשרה שנה ותשע מאות שנה וימת<sup>9</sup> ויחי אנוש תשעים שנה

וכל יצר מחשבת לבו רק רע כל  
 היום<sup>6</sup> וינחם יהוה כי עשה את האדם  
 בארץ ויתעצב אל לבו<sup>7</sup> ויאמר יהוה  
 אמחה את האדם אשר בראתי מעל פני  
 האדמה מאדם עד בהמה עד רמש ועד  
 עוף השמים כי נחמתי כי עשיתם<sup>8</sup> ונח  
 מצא חן בעיני יהוה פ  
<sup>9</sup>אלה תולדת נח נח איש צדיק תמים  
 היה בדרתיו את האלהים התהלך  
 נח<sup>10</sup> ויולד נח שלשה בנים את שם את  
 חם ואת יפת<sup>11</sup> ותשחת הארץ לפני  
 האלהים ותמלא הארץ חמס<sup>12</sup> וירא  
 אלהים את הארץ והנה נשחתה כי  
 השחית כל בשר את דרכו על  
 הארץ פ<sup>13</sup> ויאמר אלהים לנח קץ כל  
 בשר בא לפני כי מלאה הארץ חמס  
 מפניהם והנני משחיתם את  
 הארץ<sup>14</sup> עשה לך תבת עצי גפר קנים  
 תעשה את התבה וכפרת אתה מבית  
 ומחוץ בכפר<sup>15</sup> וזה אשר תעשה אתה  
 שלש מאות אמה ארך התבה חמשים  
 אמה רחבה ושלשים אמה  
 קומתה<sup>16</sup> צהר תעשה לתבה ואל אמה  
 תכלנה<sup>1</sup> מלמעלה ופתח התבה בצדה  
 תשים תחתים שנים ושלשים  
 תעשה<sup>17</sup> ואני הנני מביא את המבול מים  
 על הארץ לשחת כל בשר אשר בו רוח

שנה ויולד את למך<sup>26</sup> ויחי מתושלח  
 אחרי הולידו את למך שתים ושמונים  
 שנה ושבע מאות שנה ויולד בנים  
 ובנות<sup>27</sup> ויהיו כל ימי מתושלח תשע  
 וששים שנה ותשע מאות שנה וימת פ  
<sup>28</sup>ויחי למך שתים ושמונים שנה ומאת  
 שנה ויולד בן<sup>29</sup> ויקרא את שמו נח לאמר  
 זה<sup>c</sup> ינחמנו ממעשנו ומעצבון ידינו מן  
 האדמה אשר אררה יהוה<sup>30</sup> ויחי למך  
 אחרי הולידו את נח חמש ותשעים שנה  
 וחמש מאת שנה ויולד בנים ובנות<sup>31</sup> ויהי  
 כל ימי למך שבע ושבעים שנה ושבע  
 מאות שנה וימת פ<sup>32</sup> ויהי נח בן חמש  
 מאות שנה ויולד נח את שם את חם ואת  
 יפת

**6** ויהי כי החל האדם לרב על פני  
 האדמה ובנות ילדו להם<sup>2</sup> ויראו בני  
 האלהים את בנות האדם כי טבת הנה  
 ויקחו להם נשים מכל אשר בחרו<sup>3</sup> ויאמר  
 יהוה לא ידון רוחי באדם לעלם בשגם  
 הוא בשר והיו ימיו מאה ועשרים  
 שנה<sup>4</sup> הנפלים היו בארץ בימים ההם וגם  
 אחרי כן אשר יבאו בני האלהים אל בנות  
 האדם וילדו להם המה הגברים אשר  
 מעולם אנשי השם פ  
<sup>5</sup>וירא יהוה כי רבה רעת האדם בארץ

l BHS has been faithful to the Leningrad Codex where there might be a question of the validity of the form and we keep the same form as BHS.

c We read one or more accents in L differently than BHS. Often this notation indicates a typographical error in BHS.

אל התבה זכר ונקבה כאשר צוה אלהים את נח<sup>10</sup> ויהי לשבעת הימים ומי המבול היו על הארץ<sup>11</sup> בשנת שש מאות שנה לחיי נח בחדש השני בשבעה עשר יום לחדש ביום הזה נבקעו כל מעינת תהום רבה וארבת השמים נפתחו<sup>12</sup> ויהי הגשם על הארץ ארבעים יום וארבעים לילה<sup>13</sup> בעצם היום הזה בא נח ושם וחם ויפת בני נח ואשת נח ושלושת נשי בניו אתם אל התבה<sup>14</sup> המה וכל החיה למינה וכל הבהמה למינה וכל הרמש הרמש על הארץ למינהו וכל העוף למינהו כל צפור כל כנף<sup>15</sup> ויבאו אל נח אל התבה שנים שנים מכל הבשר אשר בו רוח חיים<sup>16</sup> והבאים זכר ונקבה מכל בשר באו כאשר צוה אתו אלהים ויסגר יהוה בעדו<sup>17</sup> ויהי המבול ארבעים יום על הארץ וירבו המים וישאו את התבה ותרים מעל הארץ<sup>18</sup> ויגברו המים וירבו מאד על הארץ ותלך התבה על פני המים<sup>19</sup> והמים גברו מאד מאד על הארץ ויכסו כל ההרים הגבהים אשר תחת כל השמים<sup>20</sup> חמש עשרה אמה מלמעלה גברו המים ויכסו ההרים<sup>21</sup> ויגוע כל בשר הרמש על הארץ בעוף ובבהמה ובחיה ובכל השרץ השרץ על הארץ וכל האדם<sup>22</sup> כל אשר נשמת רוח חיים באפיו מכל אשר בחרבה מתו<sup>23</sup> וימח את כל היקום אשר על פני האדמה מאדם עד

חיים מתחת השמים כל אשר בארץ יגוע<sup>18</sup> והקמתי את בריתי אתך ובאת אל התבה אתה ובניך ואשתך ונשי בניך אתך<sup>19</sup> ומכל החי מכל בשר שנים מכל תביא אל התבה להחית אתך זכר ונקבה יהיו<sup>20</sup> מהעוף למינהו ומן הבהמה למינה מכל רמש האדמה למינהו שנים מכל יבאו אליך להחיות<sup>21</sup> ואתה קח לך מכל מאכל אשר יאכל ואספת אליך והיה לך ולהם לאכלה<sup>22</sup> ויעש נח ככל אשר צוה אתו אלהים כן עשה ׀

**7** ויאמר יהוה לנח בא אתה וכל ביתך אל התבה כי אתך ראיתי צדיק לפני בדור הזה<sup>2</sup> מכל הבהמה הטהורה תקח לך שבעה שבעה איש ואשתו ומן הבהמה אשר לא טהרה הוא שנים איש ואשתו<sup>3</sup> גם מעוף השמים שבעה שבעה זכר ונקבה לחיות זרע על פני כל הארץ<sup>4</sup> כי לימים עוד שבעה אנכי ממטיר על הארץ ארבעים יום וארבעים לילה ומחיתי את כל היקום אשר עשיתי מעל פני האדמה<sup>5</sup> ויעש נח ככל אשר צוהו יהוה<sup>6</sup> ונח בן שש מאות שנה והמבול היה מים על הארץ<sup>7</sup> ויבא נח ובניו ואשתו ונשי בניו אתו אל התבה מפני מי המבול<sup>8</sup> מן הבהמה הטהורה ומן הבהמה אשר איננה טהרה ומן העוף וכל אשר רמש על האדמה<sup>9</sup> שנים שנים באו אל נח

המים מעל הארץ<sup>12</sup> ויחל עוד שבעת ימים אחרים וישלח את היונה ולא יספה שוב אליו עוד<sup>13</sup> ויהי באחת ושש מאות שנה בראשון באחד לחדש חרבו המים מעל הארץ ויסר נח את מכסה התבה וירא והנה חרבו פני האדמה<sup>14</sup> ובחדש השני בשבעה ועשרים יום לחדש יבשה הארץ<sup>15</sup> וידבר אלהים אל נח לאמר<sup>16</sup> צא מן התבה אתה ואשתך ובניך ונשי בניך אתך<sup>17</sup> כל החיה אשר אתך מכל בשר בעוף ובבהמה ובכל הרמש הרמש על הארץ<sup>הוצא היצא</sup> אתך ושרצו בארץ ופרו ורבו על הארץ<sup>18</sup> ויצא נח ובניו ואשתו ונשי בניו אתו<sup>19</sup> כל החיה כל הרמש וכל העוף כל רומש על הארץ למשפחתיהם יצאו מן התבה<sup>20</sup> ויבן נח מזבח ליהוה ויקח מכל הבהמה הטהורה ומכל העוף הטהר ויעל עלת במזבח<sup>21</sup> וירח יהוה את ריח הניחח ויאמר יהוה אל לבו לא אסף לקלל עוד את האדמה בעבור האדם כי יצר לב האדם רע מנעריו ולא אסף עוד להכות את כל חי כאשר עשיתי<sup>22</sup> עד כל ימי הארץ זרע וקציר וקר וחם וקיץ וחרף ויום ולילה לא ישבתו

**9** ויברך אלהים את נח ואת בניו ויאמר להם פרו ורבו ומלאו את הארץ<sup>2</sup> ומוראכם וחתכם יהיה על כל

בהמה עד רמש ועד עוף השמים וימחו מן הארץ וישאר<sup>1</sup> אך נח ואשר אתו בתבה<sup>24</sup> ויגברו המים על הארץ חמשים ומאת יום

**8** ויזכר אלהים את נח ואת כל החיה ואת כל הבהמה אשר אתו בתבה ויעבר אלהים רוח על הארץ וישכו המים<sup>2</sup> ויסכרו מעינת תהום וארבת השמים ויכלא הגשם מן השמים<sup>3</sup> וישבו המים מעל הארץ הלודך ושוב ויחסרו המים מקצה חמשים ומאת יום<sup>4</sup> ותנח התבה בחדש השביעי בשבעה עשר יום לחדש על הרי אררט<sup>5</sup> והמים היו הלודך וחסור עד החדש העשירי בעשירי באחד לחדש נראו ראשי ההרים<sup>6</sup> ויהי מקץ ארבעים יום ויפתח נח את חלון התבה אשר עשה<sup>7</sup> וישלח את הערב ויצא יצוא ושוב עד יבשת המים מעל הארץ<sup>8</sup> וישלח את היונה מאתו לראות הקלו המים מעל פני האדמה<sup>9</sup> ולא מצאה היונה מנוח לכף רגלה ותשב אליו אל התבה כי מים על פני כל הארץ וישלח ידו ויקחה ויבא אתה אליו אל התבה<sup>10</sup> ויחל עוד שבעת ימים אחרים ויסף שלח את היונה מן התבה<sup>11</sup> ותבא אליו היונה לעת ערב והנה עלה זית טרף בפיה וידע נח כי קלו

<sup>1</sup> BHS has been faithful to the Leningrad Codex where there might be a question of the validity of the form and we keep the same form as BHS.



חיה בכל בשר אשר על הארץ<sup>17</sup> ויאמר  
אלהים אל נח זאת אות הברית אשר  
הקמתי ביני ובין כל בשר אשר על  
הארץ פ

<sup>18</sup> ויהיו בני נח היצאים מן התבה שם וחם  
ויפת וחם הוא אבי כנען<sup>19</sup> שלשה אלה  
בני נח ומאלה נפצה כל הארץ<sup>20</sup> ויחל נח  
איש האדמה ויטע כרם<sup>21</sup> וישת מן היין  
וישכר ויתגל בתוך אהלה<sup>q</sup><sup>22</sup> וירא חם  
אבי כנען את ערות אביו ויגד לשני אחיו  
בחוץ<sup>23</sup> ויקח שם ויפת את השמלה  
וישימו על שכם שניהם וילכו אחרנית  
ויכסו את ערות אביהם ופניהם אחרנית  
וערות אביהם לא ראו<sup>24</sup> וייקץ נח מיינו  
וידע את אשר עשה לו בנו  
הקטן<sup>25</sup> ויאמר ארור כנען עבד עבדים  
יהיה לאחיו<sup>26</sup> ויאמר ברוך יהוה אלהי  
שם ויהי כנען עבד למו<sup>27</sup> יפת אלהים  
ליפת וישכן באהלי שם ויהי כנען עבד  
למו<sup>28</sup> ויחי נח אחר המבול שלש מאות  
שנה וחמשים שנה<sup>29</sup> ויהיו כל ימי נח  
תשע מאות שנה וחמשים שנה וימת פ

**10** ואלה תולדת בני נח שם חם ויפת  
ויולדו להם בנים אחר המבול<sup>2</sup> בני יפת  
גמר ומגוג ומדי ויון ותבל ומשך  
ותירס<sup>3</sup> ובני גמר אשכנז וריפת

חית הארץ ועל כל עוף השמים בכל אשר  
תרמש האדמה ובכל דגי הים בידכם  
נתנו<sup>3</sup> כל רמש אשר הוא חי לכם יהיה  
לאכלה כירק עשב נתתי לכם את  
כל<sup>4</sup> אך בשר בנפשו דמו לא  
תאכלו<sup>5</sup> ואך את דמכם לנפשתיכם  
אדרש מיד כל חיה אדרשנו ומיד האדם  
מיד איש אחיו אדרש את נפש  
האדם<sup>6</sup> שפך דם האדם באדם דמו ישפך  
כי בצלם אלהים עשה את האדם<sup>7</sup> ואתם  
פרו ורבו שרצו בארץ ורבו  
בה ס ויאמר אלהים אל נח ואל בניו  
אתו לאמר<sup>9</sup> ואני הנני מקים את בריתי  
אתכם ואת זרעכם אחריכם<sup>10</sup> ואת כל  
נפש החיה אשר אתכם בעוף בבהמה  
ובכל חית הארץ אתכם מכל יצאי התבה  
לכל חית הארץ<sup>11</sup> והקמתי את בריתי  
אתכם ולא יכרת כל בשר עוד ממי  
המבול ולא יהיה עוד מבול לשחת  
הארץ<sup>12</sup> ויאמר אלהים זאת אות הברית  
אשר אני נתן ביני וביניכם ובין כל נפש  
חיה אשר אתכם לדרת עולם<sup>13</sup> את  
קשתי נתתי בענן והיתה לאות ברית ביני  
ובין הארץ<sup>14</sup> והיה בענני ענן על הארץ  
ונראתה הקשת בענן<sup>15</sup> וזכרתי את בריתי  
אשר ביני וביניכם ובין כל נפש חיה בכל  
בשר ולא יהיה עוד המים למבול לשחת  
כל בשר<sup>16</sup> והיתה הקשת בענן וראיתיה  
לזכר ברית עולם בין אלהים ובין כל נפש

q We have abandoned or added a ketib/qere relative to BHS. In doing this we agree with L against BHS.

עילם ואשור וארפכשד ולוד וארם<sup>23</sup> ובני  
 ארם עוץ וחול וגתר ומש<sup>24</sup> וארפכשד  
 ילד את שלח ושלח ילד את  
 עבר<sup>25</sup> ולעבר ילד שני בנים שם האחד  
 פלג כי בימיו נפלגה הארץ ושם אחיו  
 יקטן<sup>26</sup> ויקטן ילד את אלמודד ואת שלף  
 ואת חצרמות ואת ירח<sup>27</sup> ואת הדורם  
 ואת אוזל ואת דקלה<sup>28</sup> ואת עובל ואת  
 אבימאל ואת שבא<sup>29</sup> ואת אופר ואת  
 חוילה ואת יובב כל אלה בני יקטן<sup>30</sup> ויהי  
 מושבם ממשא באכה ספרה הר  
 הקדם<sup>31</sup> אלה בני שם למשפחתם  
 ללשנתם בארצתם לגויהם<sup>32</sup> אלה  
 משפחת בני נח לתולדתם בגויהם ומאלה  
 נפרדו הגוים בארץ אחר המבול פ

**11** ויהי כל הארץ שפה אחת ודברים  
 אחדים<sup>2</sup> ויהי בנסעם מקדם וימצאו  
 בקעה בארץ שנער וישבו שם<sup>3</sup> ויאמרו  
 איש אל רעהו הבה נלבנה לבנים ונשרפה  
 לשרפה ותהי להם הלבנה לאבן והחמר  
 היה להם לחמר<sup>4</sup> ויאמרו הבה נבנה לנו  
 עיר ומגדל וראשו בשמים ונעשה לנו שם  
 פן נפוץ על פני כל הארץ<sup>5</sup> וירד יהוה  
 לראת את העיר ואת המגדל אשר בנו  
 בני האדם<sup>6</sup> ויאמר יהוה הן עם אחד  
 ושפה אחת לכלם וזה החלם לעשות  
 ועתה לא יבצר מהם כל אשר יזמו

ותגרמה<sup>4</sup> ובני יון אלישה ותרשיש כתים  
 ודדנים<sup>5</sup> מאלה נפרדו איי הגוים  
 בארצתם איש ללשנו למשפחתם  
 בגויהם<sup>6</sup> ובני חם כוש ומצרים ופוט  
 וכנען<sup>7</sup> ובני כוש סבא וחוילה וסבתה  
 ורעמה וסבתכא ובני רעמה שבא  
 ודדן<sup>8</sup> וכוש ילד את נמרד הוא החל  
 להיות גבר בארץ<sup>9</sup> הוא היה גבר ציד  
 לפני יהוה על כן יאמר כנמרד גבור ציד  
 לפני יהוה<sup>10</sup> ותהי ראשית ממלכתו בבל  
 וארץ ואכד וכלנה בארץ שנער<sup>11</sup> מן  
 הארץ ההוא יצא אשור ויבן את נינוה  
 ואת רחבת עיר ואת כלח<sup>12</sup> ואת רסן בין  
 נינוה ובין כלח הוא העיר  
 הגדלה<sup>13</sup> ומצרים ילד את לודים ואת  
 ענמים ואת להבים ואת נפתחים<sup>14</sup> ואת  
 פתרסים ואת כסלחים אשר יצאו משם  
 פלשתים ואת כפתרים ס<sup>15</sup> וכנען ילד  
 את צידן בכרו ואת חת<sup>16</sup> ואת היבוסי  
 ואת האמרי ואת הגרגשי<sup>17</sup> ואת החוי  
 ואת הערקי ואת הסיני<sup>18</sup> ואת הארודי  
 ואת הצמרי ואת החמתי ואת נפצו  
 משפחות הכנעני<sup>19</sup> ויהי גבול הכנעני  
 מצידן באכה גררה עד עזה באכה סדמה  
 ועמרה ואדמה וצבים עד לשע<sup>20</sup> אלה בני  
 חם למשפחתם ללשנתם בארצתם  
 בגויהם ס<sup>21</sup> ולשם ילד גם הוא אבי  
 כל בני עבר אחי יפת הגדול<sup>22</sup> בני שם

ויולד את נחור<sup>23</sup> ויחי שרוג אחרי הולידו  
 את נחור מאתים שנה ויולד בנים  
 ובנות ׀ ויחי נחור תשע ועשרים  
 שנה ויולד את תרח<sup>25</sup> ויחי נחור אחרי  
 הולידו את תרח תשע עשרה שנה ומאת  
 שנה ויולד בנים ובנות ׀ ויחי תרח<sup>26</sup>  
 שבעים שנה ויולד את אברם את נחור  
 ואת הרן<sup>27</sup> ואלה תולדת תרח תרח  
 הוליד את אברם את נחור ואת הרן והרן  
 הוליד את לוט<sup>28</sup> וימת הרן על פני תרח  
 אביו בארץ מולדתו באור כשדים<sup>29</sup> ויקח  
 אברם ונחור להם נשים שם אשת אברם  
 שרי ושם אשת נחור מלכה בת הרן אבי  
 מלכה ואבי יסכה<sup>30</sup> ותהי שרי עקרה אין  
 לה ולד<sup>31</sup> ויקח תרח את אברם בנו ואת  
 לוט בן הרן בן בנו ואת שרי כלתו אשת  
 אברם בנו ויצאו אתם מאור כשדים  
 ללכת ארצה כנען ויבאו עד חרן וישבו  
 שם<sup>32</sup> ויהיו ימי תרח חמש שנים ומאתים  
 שנה וימת תרח בחרן ׀

**12** ויאמר יהוה אל אברם לך לך  
 מארצך וממולדתך ומבית אביך אל  
 הארץ אשר אראך<sup>2</sup> ואעשך לגוי גדול  
 ואברכך ואגדלה שמך והיה  
 ברכה<sup>3</sup> ואברכה מברכך ומקללך אאר  
 ונברכו בך כל משפחת האדמה<sup>4</sup> וילך  
 אברם כאשר דבר אליו יהוה וילך אתו  
 לוט ואברם בן חמש שנים ושבעים שנה

לעשות<sup>7</sup> הבה נרדה ונבלה שם שפתם  
 אשר לא ישמעו איש שפת רעהו<sup>8</sup> ויפץ  
 יהוה אתם משם על פני כל הארץ ויחדלו  
 לבנת העיר<sup>9</sup> על כן קרא שמה בבל כי  
 שם בלל יהוה שפת כל הארץ ומשם  
 הפיצם יהוה על פני כל הארץ ׀  
<sup>10</sup> אלה תולדת שם שם בן מאת שנה  
 ויולד את ארפכשד שנתים אחר  
 המבול<sup>11</sup> ויחי שם אחרי הולידו את  
 ארפכשד חמש מאות שנה ויולד בנים  
 ובנות ׀ וארפכשד חי חמש  
 ושלושים שנה ויולד את שלח<sup>13</sup> ויחי  
 ארפכשד אחרי הולידו את שלח שלש  
 שנים וארבע מאות שנה ויולד בנים  
 ובנות ׀ ושלח חי שלושים שנה  
 ויולד את עבר<sup>15</sup> ויחי שלח אחרי הולידו  
 את עבר שלש שנים וארבע מאות שנה  
 ויולד בנים ובנות ׀ ויחי עבר ארבע  
 ושלושים שנה ויולד את פלג<sup>17</sup> ויחי עבר  
 אחרי הולידו את פלג שלושים שנה  
 וארבע מאות שנה ויולד בנים  
 ובנות ׀ ויחי פלג שלושים שנה  
 ויולד את רעו<sup>19</sup> ויחי פלג אחרי הולידו  
 את רעו תשע שנים ומאתים שנה ויולד  
 בנים ובנות ׀ ויחי רעו שתים  
 ושלושים שנה ויולד את שרוג<sup>21</sup> ויחי רעו  
 אחרי הולידו את שרוג שבע שנים  
 ומאתים שנה ויולד בנים  
 ובנות ׀ ויחי שרוג שלושים שנה

לאברם ויאמר מה זאת עשית לי למה לא הגדת לי כי אשתך הוא <sup>19</sup> למה אמרת אחתי הוא ואקח אתה לי לאשה ועתה הנה אשתך קח ולך <sup>20</sup> ויצו עליו פרעה אנשים וישלחו אתו ואת אשתו ואת כל אשר לו

**13** ויעל אברם ממצרים הוא ואשתו וכל אשר לו ולוט עמו הנגבה <sup>2</sup> ואברם כבד מאד במקנה בכסף ובזהב <sup>3</sup> וילך למסעיו מנגב ועד בית אל עד המקום אשר היה שם **אהלה** **אהלו** בתחלה בין בית אל ובין העי <sup>4</sup> אל מקום המזבח אשר עשה שם בראשנה ויקרא שם אברם בשם יהוה <sup>5</sup> וגם ללוט ההלך את אברם היה צאן ובקר ואהלים <sup>6</sup> ולא נשא אתם הארץ לשבת יחדו כי היה רכושם רב ולא יכלו לשבת יחדו <sup>7</sup> ויהי ריב בין רעי מקנה אברם ובין רעי מקנה לוט והכנעני והפרזי אז ישב בארץ <sup>8</sup> ויאמר אברם אל לוט אל נא תהי מריבה ביני וביניך ובין רעי ובין רעיך כי אנשים אחים אנחנו <sup>9</sup> הלא כל הארץ לפניך הפרד נא מעלי אם השמאל ואימנה ואם הימין ואשמאילה <sup>10</sup> וישא לוט את עיניו וירא את כל ככר הירדן כי כלה משקה לפני שחת יהוה את סדם ואת עמרה כגן יהוה כארץ מצרים באכה צער <sup>11</sup> ויבחר לו לוט את כל ככר הירדן ויסע לוט מקדם

בצאתו מחרן <sup>5</sup> ויקח אברם את שרי אשתו ואת לוט בן אחיו ואת כל רכושם אשר רכשו ואת הנפש אשר עשו בחרן ויצאו ללכת ארצה כנען ויבאו ארצה כנען <sup>6</sup> ויעבר אברם בארץ עד מקום שכם עד אלון מורה והכנעני אז בארץ <sup>7</sup> וירא יהוה אל אברם ויאמר לזרעך אתן את הארץ הזאת ויבן שם מזבח ליהוה הנראה אליו <sup>8</sup> ויעתק משם ההרה מקדם לבית אל ויט אהלה <sup>9</sup> בית אל מים והעי מקדם ויבן שם מזבח ליהוה ויקרא בשם יהוה <sup>9</sup> ויסע אברם הלוך ונסוע הנגבה <sup>9</sup> ויהי רעב בארץ וירד אברם מצרימה <sup>10</sup> לגור שם כי כבד הרעב בארץ <sup>11</sup> ויהי כאשר הקריב לבוא מצרימה ויאמר אל שרי אשתו הנה נא ידעתי כי אשה יפת מראה את <sup>12</sup> והיה כי יראו אתך המצרים ואמרו אשתו זאת והרגו אתי ואתך יחיו <sup>13</sup> אמרי נא אחתי את למען ייטב לי בעבורך וחיתה נפשי בגללך <sup>14</sup> ויהי כבוא אברם מצרימה ויראו המצרים את האשה כי יפה הוא מאד <sup>15</sup> ויראו אתה שרי פרעה ויהללו אתה אל פרעה ותקח האשה בית פרעה <sup>16</sup> ולאברם היטיב בעבורה ויהי לו צאן ובקר וחמרים ועבדים ושפחת ואתנת וגמלים <sup>17</sup> וינגע יהוה את פרעה נגעים גדלים ואת ביתו על דבר שרי אשת אברם <sup>18</sup> ויקרא פרעה

q We have abandoned or added a ketib/qere relative to BHS. In doing this we agree with L against BHS.

ואת האימים בשוה קריתים<sup>6</sup> ואת החרי בהררם שעיר עד איל פארן אשר על המדבר<sup>7</sup> וישבו ויבאו אל עין משפט הוא קדש ויכו את כל שדה העמלקי וגם את האמרי הישב בחצצן תמר<sup>8</sup> ויצא מלך סדם ומלך עמרה ומלך אדמה ומלך<sup>צבײם</sup> **צבײם** ומלך בלע הוא צער ויערכו אתם מלחמה בעמק השדים<sup>9</sup> את כדרלעמר מלך עילם ותדעל מלך גוים ואמרפל מלך שנער ואריוך מלך אלסר ארבעה מלכים את החמשה<sup>10</sup> ועמק השדים<sup>1</sup> בארת בארת חמר וינסו מלך סדם ועמרה ויפלו שמה והנשארים הרה נסו<sup>11</sup> ויקחו את כל רכש סדם ועמרה ואת כל אכלם וילכו<sup>12</sup> ויקחו את לוט ואת רכשו בן אחי אברם וילכו והוא ישב בסדם<sup>13</sup> ויבא הפליט ויגד לאברם העברי והוא שכן באלני ממרא האמרי אחי אשכל ואחי ענר והם בעלי ברית אברם<sup>14</sup> וישמע אברם כי נשבה אחיו וירק את חניכיו ילידי ביתו שמנה עשר ושלוש מאות וירדף עד זן<sup>15</sup> ויחלק עליהם לילה הוא ועבדיו ויכם וירדפם עד חובה אשר משמאל לדמשק<sup>16</sup> וישב את כל הרכש וגם את לוט אחיו ורכשו השיב וגם את הנשים ואת העם<sup>17</sup> ויצא מלך סדם לקראתו אחרי שובו מהכות את

ויפרדו איש מעל אחיו<sup>12</sup> אברם ישב בארץ כנען ולוט ישב בערי הככר ויאהל עד סדם<sup>13</sup> ואנשי סדם רעים וחטאים ליהוה מאד<sup>14</sup> ויהוה אמר אל אברם אחרי הפרד לוט מעמו שא נא עיניך וראה מן המקום אשר אתה שם צפנה ונגבה וקדמה וימה<sup>15</sup> כי את כל הארץ אשר אתה ראה לך אתננה ולזרעך עד עולם<sup>16</sup> ושמתי את זרעך כעפר הארץ אשר אם יוכל איש למנות את עפר הארץ גם זרעך ימנה<sup>17</sup> קום התהלך בארץ לארכה ולרחבה כי לך אתננה<sup>18</sup> ויאהל אברם ויבא וישב באלני ממרא אשר בחברון ויבן שם מזבח ליהוה פ

**14** ויהי בימי אמרפל מלך שנער אריוך מלך אלסר כדרלעמר מלך עילם ותדעל מלך גוים<sup>2</sup> עשו מלחמה את ברע מלך סדם ואת ברשע מלך עמרה שנאב מלך אדמה ושמאבר מלך<sup>צבײם</sup> **צבײם** ומלך בלע היא צער<sup>3</sup> כל אלה חברו אל עמק השדים הוא ים המלח<sup>4</sup> שתיים עשרה שנה עבדו את כדרלעמר ושלוש עשרה שנה מרדו<sup>5</sup> ובארבע עשרה שנה בא כדרלעמר והמלכים אשר אתו ויכו את רפאים בעשתרת קרנים ואת הזוזים בהם

1 BHS has been faithful to the Leningrad Codex where there might be a question of the validity of the form and we keep the same form as BHS.

k We read one or more consonants in L differently from BHS.

צדקה<sup>7</sup> ויאמר אליו אני יהוה אשר הוצאתיך מאור כשדים לתת לך את הארץ הזאת לרשתה<sup>8</sup> ויאמר אדני יהוה במה אדע כי אירשנה<sup>9</sup> ויאמר אליו קחה לי עגלה משלשת ועז משלשת ואיל משלש ותר וגוזל<sup>10</sup> ויקח לו את כל אלה ויבתר אתם בתוך ויתן איש בתרו לקראת רעהו ואת הצפר<sup>1</sup> לא בתר<sup>1</sup> וירד העיט על הפגרים וישב אתם אברם<sup>12</sup> ויהי השמש לבוא ותרדמה נפלה על אברם והנה אימה חשכה גדלה נפלת עליו<sup>13</sup> ויאמר לאברם ידע תדע כי גר יהיה זרעך בארץ לא להם ועבדום וענו אתם ארבע מאות שנה<sup>14</sup> וגם את הגוי אשר יעבדו דן אנכי ואחרי כן יצאו ברכש גדול<sup>15</sup> ואתה תבוא אל אבתיך בשלום תקבר בשיבה טובה<sup>16</sup> ודור רביעי ישובו הנה כי לא שלם עון האמרי עד הנה<sup>17</sup> ויהי השמש באה ועלטה היה והנה תנור עשן ולפיד אש אשר עבר בין הגזרים האלה<sup>18</sup> ביום ההוא כרת יהוה את אברם ברית לאמר לזרעך נתתי את הארץ הזאת מנהר מצרים עד הנהר הגדל נהר פרת<sup>19</sup> את הקיני ואת הקנזי ואת הקדמני<sup>20</sup> ואת החתי ואת הפרזי ואת הרפאים<sup>21</sup> ואת האמרי ואת הכנעני ואת הגרגשי ואת היבوسی ׀

<sup>1</sup> BHS has been faithful to the Leningrad Codex where there might be a question of the validity of the form and we keep the same form as BHS.

כדרלעמר<sup>pn</sup> ואת המלכים אשר אתו אל עמק שוה הוא עמק המלך<sup>18</sup> ומלכי צדק מלך שלם הוציא לחם ויין והוא כהן לאל עליון<sup>19</sup> ויברכהו ויאמר ברוך אברם לאל עליון קנה שמים וארץ<sup>20</sup> וברוך אל עליון אשר מגן צריך בידך ויתן לו מעשר מכל<sup>21</sup> ויאמר מלך סדם אל אברם תן לי הנפש והרכש קח לך<sup>22</sup> ויאמר אברם אל מלך סדם הרימתי ידי אל יהוה אל עליון קנה שמים וארץ<sup>23</sup> אם מחוט ועד שרוך נעל ואם אקח מכל אשר לך ולא תאמר אני העשרתי את אברם<sup>24</sup> בלעדי רק אשר אכלו הנערים וחלק האנשים אשר הלכו אתי ענר אשכל וממרא הם יקחו חלקם ׀

**15** אחר הדברים האלה היה דבר יהוה אל אברם במחזה לאמר אל תירא אברם אנכי מגן לך שכרך הרבה מאד<sup>2</sup> ויאמר אברם אדני יהוה מה תתן לי ואנכי הולך ערירי ובן משק ביתי הוא דמשק אליעזר<sup>3</sup> ויאמר אברם הן לי לא נתתה זרע והנה בן ביתי יורש אתי<sup>4</sup> והנה דבר יהוה אליו לאמר לא יירשך זה כי אם אשר יצא ממעיד הוא יירשך<sup>5</sup> ויוצא אתו החוצה ויאמר הבט נא השמימה וספר הכוכבים אם תוכל לספר אתם ויאמר לו כה יהיה זרעך<sup>6</sup> והאמן ביהוה ויחשבה לו

n Marks an anomalous form.

p We read punctuation in L differently from BHS.

ישכן<sup>13</sup> ותקרא שם יהוה הדבר אליה  
אתה אל ראי כי אמרה הגם הלם ראיתי  
אחרי ראי<sup>14</sup> על כן קרא לבאר באר לחי  
ראי הנה בין קדש ובין ברד<sup>15</sup> ותלד הגר  
לאברם בן ויקרא אברם שם בנו אשר  
ילדה הגר ישמעאל<sup>16</sup> ואברם בן שמנים  
שנה ושש שנים בלדת הגר את ישמעאל  
לאברם ם

**17** ויהי אברם בן תשעים שנה ותשע  
שנים וירא יהוה אל אברם ויאמר אליו  
אני אל שדי התהלך לפני והיה  
תמים<sup>2</sup> ואתנה בריתי ביני ובינך וארבה  
אותך במאד מאד<sup>3</sup> ויפל אברם על פניו  
וידבר אתו אלהים לאמר<sup>4</sup> אני הנה בריתי  
אתך והיית לאב המון גוים<sup>5</sup> ולא יקרא  
עוד את שמך אברם והיה שמך אברהם  
כי אב המון גוים נתתיך<sup>6</sup> והפרתי אתך  
במאד מאד ונתתיך לגוים ומלכים ממך  
יצאו<sup>7</sup> והקמתי את בריתי ביני ובינך ובין  
זרעך אחריך לדרתם לברית עולם להיות  
לך לאלהים ולזרעך אחריך<sup>8</sup> ונתתי לך  
ולזרעך אחריך את ארץ מגריך את כל  
ארץ כנען לאחזת עולם והייתי להם  
לאלהים<sup>9</sup> ויאמר אלהים אל אברהם  
ואתה את בריתי תשמר אתה זרעך  
אחריך לדרתם<sup>10</sup> זאת בריתי אשר  
תשמרו ביני וביניכם ובין זרעך אחריך  
המול לכם כל זכר<sup>11</sup> ונמלתם את בשר

**16** ושרי אשת אברם לא ילדה לו ולה  
שפחה מצרית ושמה הגר<sup>2</sup> ותאמר שרי  
אל אברם הנה נא עצרני יהוה מלדת בא  
נא אל שפחתי אולי אבנה ממנה<sup>v</sup> וישמע  
אברם לקול שרי<sup>3</sup> ותקח שרי אשת  
אברם את הגר המצרית שפחתה מקץ  
עשר שנים לשבת אברם בארץ כנען  
ותתן אתה לאברם אישה לו  
לאשה<sup>4</sup> ויבא אל הגר ותהר ותרא כי  
הרתה ותקל גברתה בעיניה<sup>5</sup> ותאמר  
שרי אל אברם חמסי עליך אנכי נתתי  
שפחתי בחיקך ותרא כי הרתה ואקל  
בעיניה ישפט יהוה ביני ובינך<sup>4</sup> ויאמר  
אברם אל שרי הנה שפחתך בידך עשי  
לה הטוב בעיניך ותענה שרי ותברח  
מפניה<sup>7</sup> וימצאה מלאך יהוה על עין המים  
במדבר על העין בדרך שור<sup>8</sup> ויאמר הגר  
שפחת שרי אי מזה באת ואנה תלכי  
ותאמר מפני שרי גברתי אנכי  
ברחת<sup>9</sup> ויאמר לה מלאך יהוה שובי אל  
גברתך והתעני תחת ידיה<sup>10</sup> ויאמר לה  
מלאך יהוה הרבה ארבה את זרעך ולא  
יספר מרב<sup>11</sup> ויאמר לה מלאך יהוה הנך  
הרה וילדת בן וקראת שמו ישמעאל כי  
שמע יהוה אל עניך<sup>12</sup> והוא יהיה פרא  
אדם ידו בכל ויד כל בו ועל פני כל אחיו

v We read one or more vowels in L differently from BHS.

4 Puncta extraordinaria -- a \u05c4 is used to mark such marks in the text when they are above the line and a \u05c5 when they are below the line.

ואת כל ילידי ביתו ואת כל מקנת כספו  
 כל זכר באנשי בית אברהם וימל את  
 בשר ערלתם בעצם היום הזה כאשר  
 דבר אתו אלהים<sup>24</sup> ואברהם בן תשעים  
 ותשע שנה בהמלו בשר  
 ערלתו<sup>25</sup> וישמעאל בנו בן שלש עשרה  
 שנה בהמלו את בשר ערלתו<sup>26</sup> בעצם  
 היום הזה נמול אברהם וישמעאל  
 בנו<sup>27</sup> וכל אנשי ביתו יליד בית ומקנת  
 כסף מאת בן נכר נמלו אתו פ

**18** וירא אליו יהוה באלני ממרא והוא  
 ישב פתח האהל כחם היום<sup>2</sup> וישא עיניו  
 וירא והנה שלשה אנשים נצבים עליו  
 וירא וירץ לקראתם מפתח האהל  
 וישתחו ארצה<sup>3</sup> ויאמר אדני אם נא  
 מצאתי חן בעיניך אל נא תעבר מעל  
 עבדך<sup>4</sup> יקח נא מעט מים ורחצו רגליכם  
 והשענו תחת העץ<sup>5</sup> ואקחה פת לחם  
 וסעדו לבכם אחר תעברו כי על כן  
 עברתם על עבדכם ויאמרו כן תעשה  
 כאשר דברת<sup>6</sup> וימהר אברהם האהלה  
 אל שרה ויאמר מהרי שלש סאים קמח  
 סלת לזשי ועשי עגות<sup>7</sup> ואל הבקר רץ  
 אברהם ויקח בן בקר רך וטוב ויתן אל  
 הנער וימהר לעשות אתו<sup>8</sup> ויקח חמאה  
 וחלב ובן הבקר אשר עשה ויתן לפנייהם  
 והוא עמד עליהם תחת העץ

ערלתכם והיה לאות ברית ביני  
 וביניכם<sup>12</sup> ובן שמנת ימים ימול לכם כל  
 זכר לדרתיכם יליד בית ומקנת כסף מכל  
 בן נכר אשר לא מזרעך הוא<sup>13</sup> המול  
 ימול יליד ביתך ומקנת כסף והיתה  
 בריתי בבשרכם לברית עולם<sup>14</sup> וערל זכר  
 אשר לא ימול את בשר ערלתו ונכרתה  
 הנפש ההוא מעמיה את בריתי  
 הפרס<sup>15</sup> ויאמר אלהים אל אברהם  
 שרי אשתך לא תקרא את שמה שרי כי  
 שרה שמה<sup>16</sup> וברכתי אתה וגם נתתי  
 ממנה לך בן וברכתיה והיתה לגוים מלכי  
 עמים ממנה יהיו<sup>17</sup> ויפל אברהם על פניו  
 ויצחק ויאמר בלבו הלבן מאה שנה יולד  
 ואם שרה הבת תשעים שנה  
 תלד<sup>18</sup> ויאמר אברהם אל האלהים לו  
 ישמעאל יחיה לפניך<sup>19</sup> ויאמר אלהים  
 אבל שרה אשתך ילדת לך בן וקראת את  
 שמו יצחק והקמתי את בריתי אתו  
 לברית עולם לזרעו אחריו<sup>20</sup> ולישמעאל<sup>1</sup>  
 שמעתיך הנה ברכתי אתו והפריתי אתו  
 והרביתי אתו במאד מאד שנים עשר  
 נשיאם יוליד ונתתיו לגוי גדול<sup>21</sup> ואת  
 בריתי אקים את יצחק אשר תלד לך  
 שרה למועד הזה בשנה האחרת<sup>22</sup> ויכל  
 לדבר אתו ויעל אלהים מעל  
 אברהם<sup>23</sup> ויקח אברהם את ישמעאל בנו

1 BHS has been faithful to the Leningrad Codex where there might be a question of the validity of the form and we keep the same form as BHS.



אברהם ויאמר האף תספה צדיק עם רשע<sup>24</sup> אולי יש חמשים צדיקים בתוך העיר האף תספה ולא תשא למקום למען חמשים הצדיקים אשר בקרבה<sup>25</sup> חללה לך מעשת כדבר הזה להמית צדיק עם רשע והיה כצדיק כרשע חללה לך השפט כל הארץ לא יעשה משפט<sup>26</sup> ויאמר יהוה אם אמצא בסדם חמשים צדיקים בתוך העיר ונשאתי לכל המקום בעבורם<sup>27</sup> ויען אברהם ויאמר הנה נא הואלתי לדבר אל אדני ואנכי עפר ואפר<sup>28</sup> אולי יחסרון חמשים הצדיקים חמשה התשחית בחמשה את כל העיר ויאמר לא אשחית אם אמצא שם ארבעים וחמשה<sup>29</sup> ויסף עוד לדבר אליו ויאמר אולי ימצאון שם ארבעים ויאמר לא אעשה בעבור הארבעים<sup>30</sup> ויאמר אל נא יחר לאדני ואדברה אולי ימצאון שם שלשים ויאמר לא אעשה אם אמצא שם שלשים<sup>31</sup> ויאמר הנה נא הואלתי לדבר אל אדני אולי ימצאון שם עשרים ויאמר לא אשחית בעבור העשרים<sup>32</sup> ויאמר אל נא יחר לאדני ואדברה אך הפעם אולי ימצאון שם עשרה ויאמר לא אשחית בעבור העשרה<sup>33</sup> וילך יהוה כאשר כלה לדבר אל אברהם ואברהם שב למקמו

ויאכלו<sup>9</sup> ויאמרו אליו<sup>4</sup> איה שרה אשתך ויאמר הנה באהל<sup>10</sup> ויאמר שוב אשוב אליך כעת חיה והנה בן לשרה אשתך ושרה שמעת פתח האהל והוא אחריו<sup>11</sup> ואברהם ושרה זקנים באים בימים חדל להיות לשרה ארח כנשים<sup>12</sup> ותצחק שרה בקרבה לאמר אחרי בלתי היתה לי עדנה ואדני זקן<sup>13</sup> ויאמר יהוה אל אברהם למה זה צחקה שרה לאמר האף אמנם אלד ואני זקנתי<sup>14</sup> היפלא מיהוה דבר למועד אשוב אליך כעת חיה ולשרה בן<sup>15</sup> ותכחש שרה לאמר לא צחקתי כי יראה ויאמר לא כי צחקת<sup>16</sup> ויקמו משם האנשים וישקפו על פני סדם ואברהם הלך עמם לשלחם<sup>17</sup> ויהוה אמר המכסה אני מאברהם אשר אני עשה<sup>18</sup> ואברהם היו יהיה לגוי גדול ועצום ונברכו בו כל גויי הארץ<sup>19</sup> כי ידעתיו למען אשר יצוה את בניו ואת ביתו אחריו ושמרו דרך יהוה לעשות צדקה ומשפט למען הביא יהוה על אברהם את אשר דבר עליו<sup>20</sup> ויאמר יהוה זעקת סדם ועמרה כי רבה וחטאתם כי כבדה מאד<sup>21</sup> ארדה נא ואראה הכצעקתה הבאה אלי עשו כלה ואם לא אדעה<sup>22</sup> ויפנו משם האנשים וילכו סדמה ואברהם עודנו עמד לפני יהוה<sup>23</sup> ויגש

## 19 ויבאו שני המלאכים סדמה בערב

4 Puncta extraordinaria -- a \u05c4 is used to mark such marks in the text when they are above the line and a \u05c5 when they are below the line.

הזה כי גדלה צעקתם את פני יהוה  
 וישלחנו יהוה לשחתה<sup>14</sup> ויצא לוט וידבר  
 אל חתניו לקחי בנתיו ויאמר קומו צאו  
 מן המקום הזה כי משחית יהוה את  
 העיר ויהי כמצחק בעיני חתניו<sup>15</sup> וכמו  
 השחר עלה ויאיצו המלאכים בלוט לאמר  
 קום קח את אשתך ואת שתי בנתיך  
 הנמצאת פן תספה בעון  
 העיר<sup>16</sup> ויתמהמה ויחזקו האנשים בידו  
 וביד אשתו וביד שתי בנתיו בחמלת יהוה  
 עליו ויצאהו וינחהו מחוץ לעיר<sup>17</sup> ויהי  
 כהוציאם אתם החוצה ויאמר המלט על  
 נפשך אל תביט אחרריך ואל תעמד בכל  
 הכבר ההרה המלט פן תספה<sup>18</sup> ויאמר  
 לוט אלהם אל נא אדני<sup>19</sup> הנה נא מצא  
 עבדך חן בעיניך ותגדל חסדך אשר  
 עשית עמדי להחיות את נפשי ואנכי לא  
 אוכל להמלט ההרה פן תדבקני הרעה  
 ומתי<sup>20</sup> הנה נא העיר הזאת קרבה לנוס  
 שמה והיא מצער אמלטה נא שמה הלא  
 מצער הוא ותחי נפשי<sup>21</sup> ויאמר אליו הנה  
 נשאתי פניך גם לדבר הזה לבלתי הפכי  
 את העיר אשר דברת<sup>22</sup> מהר המלט  
 שמה כי לא אוכל לעשות דבר עד באך  
 שמה על כן קרא שם העיר  
 צוער<sup>23</sup> השמש יצא על הארץ ולוט בא  
 צערה<sup>24</sup> ויהוה המטיר על סדם ועל  
 עמרה גפרית ואש מאת יהוה מן  
 השמים<sup>25</sup> ויהפך את הערים האל ואת כל

ולוט ישב בשער סדם וירא לוט ויקם  
 לקראתם וישתחו אפים ארצה<sup>2</sup> ויאמר  
 הנה נא אדני סורו נא אל בית עבדכם  
 ולינו ורחצו רגליכם והשכמתם והלכתם<sup>v</sup>  
 לדרככם ויאמרו לא כי ברחוב  
 גלין<sup>3</sup> ויפצר בם מאד ויסרו אליו ויבאו אל  
 ביתו ויעש להם משתה ומצות אפה  
 ויאכלו<sup>4</sup> טרם ישכבו ואנשי העיר אנשי  
 סדם נסבו על הבית מנער ועד זקן כל  
 העם מקצה<sup>5</sup> ויקראו אל לוט ויאמרו לו  
 איה האנשים אשר באו אליך הלילה  
 הוציאם אלינו ונדעה אתם<sup>6</sup> ויצא אלהם  
 לוט הפתחה והדלת סגר אחריו<sup>7</sup> ויאמר  
 אל נא אחי תרעו<sup>8</sup> הנה נא לי שתי בנות  
 אשר לא ידעו איש אוציאה נא אתהן  
 אליכם ועשו להן כטוב בעיניכם רק  
 לאנשים האל אל תעשו דבר כי על כן  
 באו בצל קרתי<sup>9</sup> ויאמרו גש הלאה  
 ויאמרו האחד בא לגור וישפט שפוט  
 עתה נרע לך מהם ויפצרו באיש בלוט  
 מאד ויגשו לשבר הדלת<sup>10</sup> וישלחו  
 האנשים את ידם ויביאו את לוט אליהם  
 הביתה ואת הדלת סגרו<sup>11</sup> ואת האנשים  
 אשר פתח הבית הכו בסגורים מקטן ועד  
 גדול וילאו למצא הפתח<sup>12</sup> ויאמרו  
 האנשים אל לוט עד מי לך פה חתן ובניך  
 ובנתיך וכל אשר לך בעיר הוצא מן  
 המקום<sup>13</sup> כי משחיתים אנחנו את המקום

v We read one or more vowels in L differently from BHS.

היום<sup>38</sup> והצעירה גם הוא ילדה בן ותקרא  
שמו בן עמי הוא אבי בני עמון עד  
היום ם

**20** ויסע משם אברהם ארצה הנגב  
וישב בין קדש ובין שור ויגר  
בגרר<sup>2</sup> ויאמר אברהם אל שרה אשתו  
אחתי הוא וישלח אבימלך מלך גרר ויקח  
את שרה<sup>3</sup> ויבא אלהים אל אבימלך  
בחלום הלילה ויאמר לו הנך מת על  
האשה אשר לקחת והוא בעלת  
בעל<sup>4</sup> ואבימלך לא קרב אליה ויאמר  
אדני הגוי גם צדיק תהרג<sup>5</sup> הלא הוא  
אמר לי אחתי הוא והיא גם הוא אמרה  
אחי הוא בתם לבבי ובנקין כפי עשיתי  
זאת<sup>6</sup> ויאמר אליו האלהים בחלום גם  
אנכי ידעתי כי בתם לבבך עשית זאת  
ואחשך גם אנכי אותך מחטו לי על כן  
לא נתתיך לנגע אליה<sup>7</sup> ועתה השב אשת  
האיש כי נביא הוא ויתפלל בעדך וחיה  
ואם אינך משיב דע כי מות תמות אתה  
וכל אשר לך<sup>8</sup> וישכם אבימלך בבקר  
ויקרא לכל עבדיו וידבר את כל הדברים  
האלה באזניהם וייראו האנשים  
מאד<sup>9</sup> ויקרא אבימלך לאברהם ויאמר לו  
מה עשית לנו ומה חטאתי לך כי הבאת  
עלי ועל ממלכתי חטאה גדלה מעשים  
אשר לא יעשו עשית עמדי<sup>10</sup> ויאמר  
אבימלך אל אברהם מה ראית כי עשית

הככר ואת כל ישבי הערים וצמח  
האדמה<sup>26</sup> ותבט אשתו מאחריו ותהי  
נציב מלח<sup>27</sup> וישכם אברהם בבקר אל  
המקום אשר עמד שם את פני  
יהוה<sup>28</sup> וישקף על פני סדם ועמרה ועל  
כל פני ארץ הככר וירא והנה עלה קיטר  
הארץ כקיטר הכבשן<sup>29</sup> ויהי בשחת  
אלהים את ערי הככר ויזכר אלהים את  
אברהם וישלח את לוט מתוך ההפכה  
בהפך את הערים אשר ישב בהן  
לוט<sup>30</sup> ויעל לוט מצוער וישב בהר ושתי  
בנתיו עמו כי ירא לשבת בצוער וישב  
במערה הוא ושתי בנתיו<sup>31</sup> ותאמר  
הבכירה אל הצעירה אבינו זקן ואיש אין  
בארץ לבוא עלינו כדרך כל הארץ<sup>32</sup> לכה  
נשקה את אבינו יין ונשכבה עמו ונחיה  
מאבינו זרע<sup>33</sup> ותשקין את אביהן יין  
בלילה הוא ותבא הבכירה ותשכב את  
אביה ולא ידע בשכבה ובקומה<sup>4</sup> ויהי  
ממחרת ותאמר הבכירה אל הצעירה הן  
שכבתי אמש את אבי נשקנו יין גם  
הלילה ובאי שכבי עמו ונחיה מאבינו  
זרע<sup>35</sup> ותשקין גם בלילה ההוא את אביהן  
יין ותקם הצעירה ותשכב עמו ולא ידע  
בשכבה ובקמה<sup>36</sup> ותהרין שתי בנות לוט  
מאביהן<sup>37</sup> ותלד הבכירה בן ותקרא שמו  
מואב הוא אבי מואב עד

4 Puncta extraordinaria -- a \u05c4 is used to mark such marks in the text when they are above the line and a \u05c5 when they are below the line.

לי אלהים כל השמע יצחק לי <sup>7</sup> ותאמר מי  
 מלל לאברהם היניקה בנים שרה כי  
 ילדתי בן לזקניו <sup>8</sup> ויגדל הילד ויגמל ויעש  
 אברהם משתה גדול ביום הגמל את  
 יצחק <sup>9</sup> ותרא שרה את בן הגר המצרית  
 אשר ילדה לאברהם מצחק <sup>10</sup> ותאמר  
 לאברהם גרש האמה הזאת ואת בנה כי  
 לא יירש בן האמה הזאת עם בני עם  
 יצחק <sup>11</sup> וירע הדבר מאד בעיני אברהם  
 על אודת בנו <sup>12</sup> ויאמר אלהים אל  
 אברהם אל ירע בעיניך על הנער ועל  
 אמתך כל אשר תאמר אליך שרה שמע  
 בקלה כי ביצחק יקרא לך זרע <sup>13</sup> וגם את  
 בן האמה לגוי אשימנו כי זרעך  
 הוא <sup>14</sup> וישכם אברהם בבקר ויקח לחם  
 וחמת מים ויתן אל הגר שם על שכמה  
 ואת הילד וישלחה ותלך ותתע במדבר  
 באר שבע <sup>15</sup> ויכלו המים מן החמת  
 ותשלך את הילד תחת אחד  
 השיחים <sup>16</sup> ותלך ותשב לה מנגד הרחק  
 כמטחוי קשת כי אמרה אל אראה במות  
 הילד ותשב מנגד ותשא את קלה  
 ותבך <sup>17</sup> וישמע אלהים את קול הנער  
 ויקרא מלאך אלהים אל הגר מן השמים  
 ויאמר לה מה לך הגר אל תיראי כי שמע  
 אלהים אל קול הנער באשר הוא  
 שם <sup>18</sup> קומי שאי את הנער והחזיקי את  
 ירך בו כי לגוי גדול אשימנו <sup>19</sup> ויפקח  
 אלהים את עיניה ותרא באר מים ותלך

את הדבר הזה <sup>11</sup> ויאמר אברהם כי  
 אמרתי רק אין יראת אלהים במקום הזה  
 והרגוני על דבר אשתי <sup>12</sup> וגם אמנה אחתי  
 בת אבי הוא אך לא בת אמי ותהי לי  
 לאשה <sup>13</sup> ויהי כאשר התעו אתי אלהים  
 מבית אבי ואמר לה זה חסדך אשר  
 תעשי עמדי אל כל המקום אשר נבוא  
 שמה אמרי לי אחי הוא <sup>14</sup> ויקח אבימלך  
 צאן ובקר ועבדים ושפחת ויתן לאברהם  
 וישב לו את שרה אשתו <sup>15</sup> ויאמר  
 אבימלך הנה ארצי לפניך בטוב בעיניך  
 שב <sup>16</sup> ולשרה אמר הנה נתתי אלף כסף  
 לאחיך הנה הוא לך כסות עינים לכל  
 אשר אתך ואת כל ונכחת <sup>17</sup> ויתפלל  
 אברהם אל האלהים וירפא אלהים את  
 אבימלך ואת אשתו ואמהתיו וילדו <sup>18</sup> כי  
 עצר עצר יהוה בעד כל רחם לבית  
 אבימלך על דבר שרה אשת  
 אברהם ׀

**21** ויהוה פקד את שרה כאשר אמר  
 ויעש יהוה לשרה כאשר דבר <sup>2</sup> ותהר  
 ותלד שרה לאברהם בן לזקניו למועד  
 אשר דבר אתו אלהים <sup>3</sup> ויקרא אברהם  
 את שם בנו הנולד לו אשר ילדה לו שרה  
 יצחק <sup>4</sup> וימל אברהם את יצחק בנו בן  
 שמנת ימים כאשר צוה אתו  
 אלהים <sup>5</sup> ואברהם בן מאת שנה בהולד לו  
 את יצחק בנו <sup>6</sup> ותאמר שרה צחק עשה

**22** ויהי אחר הדברים האלה והאלהים נסה את אברהם ויאמר אליו אברהם ויאמר הנני <sup>2</sup> ויאמר קח נא את בנך<sup>c</sup> את יחידך אשר אהבת את יצחק ולך לך אל ארץ המריה והעלהו שם לעלה על אחד ההרים אשר אמר אליך <sup>3</sup> וישכם אברהם בבקר ויחבש את חמרו ויקח את שני נעריו אתו ואת יצחק בנו ויבקע עצי עלה ויקם וילך אל המקום אשר אמר לו האלהים <sup>4</sup> ביום השלישי וישא אברהם את עיניו וירא את המקום מרחק <sup>5</sup> ויאמר אברהם אל נעריו שבו לכם פה עם החמור ואני והנער נלכה עד כה ונשתחוה ונשובה אליכם <sup>6</sup> ויקח אברהם את עצי העלה וישם על יצחק בנו ויקח בידו את האש ואת המאכלת וילכו שניהם יחדו <sup>7</sup> ויאמר יצחק אל אברהם אביו ויאמר אבי ויאמר הנני בני ויאמר הנה האש והעצים ואיה השה לעלה <sup>8</sup> ויאמר אברהם אלהים יראה לו השה לעלה בני וילכו שניהם יחדו <sup>9</sup> ויבאו אל המקום אשר אמר לו האלהים ויבן שם אברהם את המזבח ויערך את העצים ויעקד את יצחק בנו וישם אתו על המזבח ממעל לעצים <sup>10</sup> וישלח אברהם את ידו ויקח את המאכלת לשחט את בנו <sup>11</sup> ויקרא אליו מלאך יהוה

ותמלא את החמת מים ותשק את הנער <sup>20</sup> ויהי אלהים את הנער ויגדל וישב במדבר ויהי רבה קשת <sup>21</sup> וישב במדבר פארן ותקח לו אמו אשה מארץ מצרים פ <sup>22</sup> ויהי בעת ההוא ויאמר אבימלך ופיכל שר צבאו אל אברהם לאמר אלהים עמך בכל אשר אתה עשה <sup>23</sup> ועתה השבעה לי באלהים הנה אם תשקר לי ולניני ולנכדי כחסד אשר עשיתי עמך תעשה עמדי ועם הארץ אשר גרתה בה <sup>24</sup> ויאמר אברהם אנכי אשבע <sup>25</sup> והוכח אברהם את אבימלך על אדות באר המים אשר גזלו עבדי אבימלך <sup>26</sup> ויאמר אבימלך לא ידעתי מי עשה את הדבר הזה וגם אתה לא הגדת לי וגם אנכי לא שמעתי בלתי היום <sup>27</sup> ויקח אברהם צאן ובקר ויתן לאבימלך ויכרתו שניהם ברית <sup>28</sup> ויצב אברהם את שבע כבשת הצאן לבדהו <sup>29</sup> ויאמר אבימלך אל אברהם מה הנה שבע כבשת האלה אשר הצבת לבדנה <sup>30</sup> ויאמר כי את שבע כבשת תקח מידי בעבור תהיה לי לעדה כי חפרתי את הבאר הזאת <sup>31</sup> על כן קרא למקום ההוא באר שבע כי שם נשבעו שניהם <sup>32</sup> ויכרתו ברית בבאר שבע ויקם אבימלך ופיכל שר צבאו וישבו אל ארץ פלשתים <sup>33</sup> ויטע אשל בבאר שבע ויקרא שם בשם יהוה אל עולם <sup>34</sup> ויגר אברהם בארץ פלשתים ימים רבים פ

<sup>c</sup> We read one or more accents in L differently than BHS. Often this notation indicates a typographical error in BHS.

אלה ילדה מלכה לנחור אחי  
אברהם<sup>24</sup> ופילגשו ושמה ראומה ותלד  
גם הוא את טבח ואת גחם ואת תחש  
ואת מעכה ם

**23** ויהיו חיי שרה מאה שנה ועשרים  
שנה ושבע שנים שני חיי שרה<sup>2</sup> ותמת  
שרה בקרית ארבע הוא חברון בארץ  
כנען ויבא אברהם לספד לשרה  
ולבכתה<sup>3</sup> ויקם אברהם מעל פני מתו  
וידבר אל בני חת לאמר<sup>4</sup> גר ותושב אנכי  
עמכם תנו לי אחזת קבר עמכם ואקברה  
מתי מלפני<sup>5</sup> ויענו בני חת את אברהם  
לאמר לו<sup>6</sup> שמענו אדני נשיא אלהים  
אתה בתוכנו במבחר קברינו קבר את  
מתך איש ממנו את קברו לא יכלה ממך  
מקבר מתך<sup>7</sup> ויקם אברהם וישתחו לעם  
הארץ לבני חת<sup>8</sup> וידבר אתם לאמר אם  
יש את נפשכם לקבר את מתי מלפני  
שמעוני ופגעו לי בעפרון בן צחר<sup>9</sup> ויתן לי  
את מערת המכפלה אשר לו אשר בקצה  
שדהו בכסף מלא יתננה לי בתוככם  
לאחזת קבר<sup>10</sup> ועפרון ישב בתוך בני חת  
ויען עפרון החתי את אברהם באזני בני  
חת לכל באי שער עירו לאמר<sup>11</sup> לא אדני  
שמעני השדה נתתי לך והמערה אשר בו  
לך נתתיה לעיני בני עמי נתתיה לך קבר  
מתך<sup>12</sup> וישתחו אברהם לפני עם  
הארץ<sup>13</sup> וידבר אל עפרון באזני עם הארץ

מן השמים ויאמר אברהם ויאמר  
הנני<sup>12</sup> ויאמר אל תשלח ידך אל הנער  
ואל תעש לו מאומה<sup>1</sup> כי עתה ידעתי כי  
ירא אלהים אתה ולא חשכת את בנדך את  
יחידך ממני<sup>13</sup> וישא אברהם את עיניו  
וירא והנה איל אחר נאחז בסבך בקרניו  
וילך אברהם ויקח את האיל ויעלהו  
לעלה תחת בנו<sup>14</sup> ויקרא אברהם שם  
המקום ההוא יהוה יראה אשר יאמר  
היום בהר יהוה יראה<sup>15</sup> ויקרא מלאך  
יהוה אל אברהם שנית מן  
השמים<sup>16</sup> ויאמר בי נשבעתי נאם יהוה כי  
יען אשר עשית את הדבר הזה ולא  
חשכת את בנדך את יחידך<sup>17</sup> כי ברך  
אברכך והרבה ארבה את זרעך ככוכבי  
השמים וכחול אשר על שפת הים וירש  
זרעך את שער איביו<sup>18</sup> והתברכו בזרעך  
כל גויי הארץ עקב אשר שמעת  
בקלי<sup>19</sup> וישב אברהם אל נעריו ויקמו  
וילכו יחדו אל באר שבע וישב אברהם  
בבאר שבע ם  
<sup>20</sup> ויהי אחרי הדברים האלה ויגד  
לאברהם לאמר הנה ילדה מלכה גם הוא  
בנים לנחור אחיך<sup>21</sup> את עוץ בכרו ואת  
בוז אחיו ואת קמואל אבי ארם<sup>22</sup> ואת  
כשד ואת חזו ואת פלדש ואת ידלף ואת  
בתואל<sup>23</sup> ובתואל ילד את רבקה שמנה

<sup>1</sup> BHS has been faithful to the Leningrad Codex where there might be a question of the validity of the form and we keep the same form as BHS.

הזאת ההשב אשיב את בנד אל הארץ אשר יצאת משם<sup>6</sup> ויאמר אליו אברהם השמר לך פן תשיב את בני שמה<sup>7</sup> יהוה אלהי השמים אשר לקחני מבית אבי ומארץ מולדתי ואשר דבר לי ואשר נשבע לי לאמר לזרעך אתן את הארץ הזאת הוא ישלח מלאכו לפניך ולקחת אשה לבני משם<sup>8</sup> ואם לא תאבה האשה ללכת אחריך ונקית משבעתי זאת רק את בני לא תשב שמה<sup>9</sup> וישם העבד את ידו תחת ירך אברהם אדניו וישבע לו על הדבר הזה<sup>10</sup> ויקח העבד עשרה גמלים מגמלי אדניו וילך וכל טוב אדניו בידו ויקם וילך אל ארם נהרים אל עיר נחור<sup>11</sup> ויברך הגמלים מחוץ לעיר אל באר המים לעת ערב לעת צאת השאבת<sup>12</sup> ויאמר יהוה אלהי אדני אברהם הקרה נא לפני היום ועשה חסד עם אדני אברהם<sup>13</sup> הנה אנכי נצב על עין המים ובנות אנשי העיר יצאת לשאב מים<sup>14</sup> והיה הנער אשר אמר אליה הטי נא כדך ואשתה ואמרה שתה וגם גמליך אשקה אתה הכחת לעבדך ליצחק ובה אדע כי עשית חסד עם אדני<sup>15</sup> ויהי הוא טרם כלה לדבר והנה רבקה יצאת אשר ילדה לבתואל בן מלכה אשת נחור אחי אברהם וכדה על שכמה<sup>16</sup> והנער טבת מראה מאד בתולה ואיש לא ידעה ותרד העינה ותמלא כדה ותעל<sup>17</sup> וירץ העבד

לאמר אך אם אתה לו שמעני נתתי כסף השדה קח ממני ואקברה את מתי שמה<sup>14</sup> ויען עפרון את אברהם לאמר לו<sup>15</sup> אדני שמעני ארץ ארבע מאת שקל כסף ביני ובינד מה הוא ואת מתך קבר<sup>16</sup> וישמע אברהם אל עפרון וישקל אברהם לעפרון את הכסף אשר דבר באזני בני חת ארבע מאות שקל כסף עבר לסחר<sup>17</sup> ויקם שדה עפרון אשר במכפלה אשר לפני ממרא השדה והמערה אשר בו וכל העץ אשר בשדה אשר בכל גבלו סביב<sup>18</sup> לאברהם למקנה לעיני בני חת בכל באי שער עירו<sup>19</sup> ואחרי כן קבר אברהם את שרה אשתו אל מערת שדה המכפלה על פני ממרא הוא חברון בארץ כנען<sup>20</sup> ויקם השדה והמערה אשר בו לאברהם לאחזת קבר מאת בני חת ׀

**24** ואברהם זקן בא בימים ויהוה ברך את אברהם בכל<sup>2</sup> ויאמר אברהם אל עבדו זקן ביתו המשל בכל אשר לו שים נא ירך תחת ירכי<sup>3</sup> ואשביעך ביהוה אלהי השמים ואלהי הארץ אשר לא תקח אשה לבני מבנות הכנעני אשר אנכי יושב בקרבם<sup>4</sup> כי אל ארצי ואל מולדתי תלך ולקחת אשה לבני ליצחק<sup>5</sup> ויאמר אליו העבד אולי לא תאבה האשה ללכת אחרי אל הארץ

הגמלים ויתן תבן ומספוא לגמלים ומים לרחץ רגליו ורגלי האנשים אשר אתו <sup>33</sup> וישם ויושם לפניו לאכל ויאמר לא אכל עד אם דברתי דברי ויאמר דבר <sup>34</sup> ויאמר עבד אברהם אנכי <sup>35</sup> ויהוה ברך את אדני מאד ויגדל ויתן לו צאן ובקר וכסף וזהב ועבדים ושפחת וגמלים וחמרים <sup>36</sup> ותלד שרה אשת אדני בן לאדני אחרי זקנתה ויתן לו<sup>1</sup> את כל אשר לו <sup>37</sup> וישבעני אדני לאמר לא תקח אשה לבני מבנות הכנעני אשר אנכי ישב בארצו <sup>38</sup> אם לא אל בית תלך ואל משפחתי ולקחת אשה לבני <sup>39</sup> ואמר אל אדני אלי לא תלך האשה אחרי <sup>40</sup> ויאמר אלי יהוה אשר התהלכתי לפניו ישלח מלאכו אתך והצליח דרכך ולקחת אשה לבני ממשפחתי ומבית אבי <sup>41</sup> אז תנקה מאלתי כי תבוא אל משפחתי ואם לא יתנו לך והיית נקי מאלתי <sup>42</sup> ואבא היום אל העין ואמר יהוה אלהי אדני אברהם אם ישך נא מצליח דרכי אשר אנכי הלך עליה <sup>43</sup> הנה אנכי נצב על עין המים והיה העלמה היצאת לשאב ואמרתי אליה השקיני נא מעט מים מכדך <sup>44</sup> ואמרה אלי גם אתה שתה וגם לגמליך אשאב הוא האשה אשר הכיח יהוה לבן אדני <sup>45</sup> אני טרם אכלה לדבר אל לבי

לקראתה ויאמר הגמלאיני נא מעט מים מכדך <sup>18</sup> ותאמר שתה אדני ותמהר ותרד כדה על ידה ותשקהו <sup>19</sup> ותכל להשקתו ותאמר גם לגמליך אשאב עד אם כלו לשתת <sup>20</sup> ותמהר ותער כדה אל השקת ותרץ עוד אל הבאר לשאב ותשאב לכל גמליו <sup>21</sup> והאיש משתאה לה מחריש לדעת ההצליח יהוה דרכו אם לא <sup>22</sup> והי כאשר כלו הגמלים לשתות ויקח האיש נזם זהב בקע משקלו ושני צמידים על ידיה עשרה זהב משקלם <sup>23</sup> ויאמר בת מי את הגידי נא לי היש בית אביך מקום לנו ללין <sup>24</sup> ותאמר אליו בת בתואל אנכי בן מלכה אשר ילדה לנחור <sup>25</sup> ותאמר אליו גם תבן גם מספוא רב עמנו גם מקום ללון <sup>26</sup> ויקד האיש וישתחו ליהוה <sup>27</sup> ויאמר ברוך יהוה אלהי אדני אברהם אשר לא עזב חסדו ואמתו מעם אדני אנכי בדרך נחני יהוה בית אחי אדני <sup>28</sup> ותרץ הנער ותגד לבית אמה כדברים האלה <sup>29</sup> ולרבקה אח ושמנו לבן וירץ לבן אל האיש החוצה אל העין <sup>30</sup> ויהי כראת את הנזם ואת הצמידים על ידי אחתו וכשמעו את דברי רבקה אחתו לאמר כה דבר אלי האיש ויבא אל האיש והנה עמד על הגמלים על העין <sup>31</sup> ויאמר בוא ברוך יהוה למה תעמד בחוץ ואנכי פניתי הבית ומקום לגמלים <sup>32</sup> ויבא האיש הביתה ויפתח

1 BHS has been faithful to the Leningrad Codex where there might be a question of the validity of the form and we keep the same form as BHS.



ותאמר אלך<sup>59</sup> וישלחו את רבקה אחתם  
 ואת מנקתה ואת עבד אברהם ואת  
 אנשיו<sup>60</sup> ויברכו את רבקה ויאמרו לה  
 אחתנו את היי לאלפי רבבה ויירש זרעך  
 את שער שנאיו<sup>61</sup> ותקם רבקה ונערתיה  
 ותרכבנה על הגמלים ותלכנה אחרי  
 האיש ויקח העבד את רבקה  
 וילך<sup>62</sup> ויצחק בא מבוא באר לחי ראי  
 והוא יושב בארץ הנגב<sup>63</sup> ויצא יצחק  
 לשוח בשדה לפנות ערב וישא עיניו וירא  
 והנה גמלים באים<sup>64</sup> ותשא רבקה את  
 עיניה ותרא את יצחק ותפל מעל  
 הגמל<sup>65</sup> ותאמר אל העבד מי האיש  
 הלזה ההלך בשדה לקראתנו ויאמר  
 העבד הוא אדני ותקח הצעיף  
 ותתכס<sup>66</sup> ויספר העבד ליצחק את כל  
 הדברים אשר עשה<sup>67</sup> ויבאה יצחק  
 האהלה שרה אמו ויקח את רבקה ותהי  
 לו לאשה ויאהבה וינחם יצחק אחרי  
 אמו פ

**25** ויסף אברהם ויקח אשה ושמה  
 קטורה<sup>2</sup> ותלד לו את זמרן ואת יקשן  
 ואת מדן ואת מדין ואת ישבק ואת  
 שוח<sup>3</sup> ויקשן ילד את שבא ואת דדן ובני  
 דדן היו אשורם ולטושים ולאמים<sup>4</sup> ובני  
 מדין עיפה ועפר וחנך ואבידע ואלדעה  
 כל אלה בני קטורה<sup>5</sup> ויתן אברהם את כל

והנה רבקה יצאת וכדה על שכמה ותרד  
 העינה ותשאב ואמר אליה השקיני  
 נא<sup>46</sup> ותמהר ותורד כדה מעליה ותאמר  
 שתה וגם גמליך אשקה ואשת וגם  
 הגמלים השקתה<sup>47</sup> ואשאל אתה ואמר  
 בת מי את ותאמר בת בתואל בן נחור  
 אשר ילדה לו מלכה ואשם הנזם על אפה  
 והצמידים על ידיה<sup>48</sup> ואקד ואשתחווה  
 ליהוה ואברך את יהוה אלהי אדני  
 אברהם אשר הנחני בדרך אמת לקחת  
 את בת אחי אדני לבנו<sup>49</sup> ועתה אם ישכם  
 עשים חסד ואמת את אדני הגידו לי ואם  
 לא הגידו לי ואפנה על ימין או על  
 שמאל<sup>50</sup> ויען לבן ובתואל ויאמרו מיהוה  
 יצא הדבר לא נוכל דבר אליך רע או  
 טוב<sup>51</sup> הנה רבקה לפניך קח ולך ותהי  
 אשה לבן אדניך כאשר דבר יהוה<sup>52</sup> והי  
 כאשר שמע עבד אברהם את דבריהם  
 וישתחו ארצה ליהוה<sup>53</sup> ויוצא העבד כלי  
 כסף וכלי זהב ובגדים ויתן לרבקה  
 ומגדנת נתן לאחיה ולאמה<sup>54</sup> ויאכלו  
 וישתו הוא והאנשים אשר עמו וילינו  
 ויקומו בבקר ויאמר שלחני  
 לאדני<sup>55</sup> ויאמר אחיה ואמה תשב הנער  
 אתנו ימים או עשור אחר תלך<sup>56</sup> ויאמר  
 אלהם אל תאחרו אתי ויהוה הצליח דרכי  
 שלחוני ואלכה לאדני<sup>57</sup> ויאמרו נקרא  
 לנער ונשאלה את פיה<sup>58</sup> ויקראו לרבקה  
 ויאמרו אליה התלכי עם האיש הזה

שנה בקחתו את רבקה בת בתואל הארמי מפדן ארם אחות לבן הארמי לו לאשה<sup>21</sup> ויעתר יצחק ליהוה לנכח אשתו כי עקרה הוא ויעתר לו יהוה ותהר רבקה אשתו<sup>22</sup> ויתרצצו הבנים בקרבה ותאמר אם כן למה זה אנכי ותלך לדרש את יהוה<sup>23</sup> ויאמר יהוה לה שני גי'ים גוים בבטנך ושני לאמים ממעיך יפרדו ולאם מלאם יאמץ ורב יעבד צעיר<sup>24</sup> וימלאו ימיה ללדת והנה תומם בבטנה<sup>25</sup> ויצא הראשון אדמוני כלו כאדרת שער ויקראו שמו עשו<sup>26</sup> ואחרי כן יצא אחיו וידו אחזת בעקב עשו ויקרא שמו יעקב ויצחק בן ששים שנה בלדת אתם<sup>27</sup> ויגדלו הנערים ויהי עשו איש ידע ציד איש שדה ויעקב איש תם ישב אהלים<sup>28</sup> ויאהב יצחק את עשו כי ציד בפיו ורבקה אהבת את יעקב<sup>29</sup> ויזד יעקב נזיד ויבא עשו מן השדה והוא עיף<sup>30</sup> ויאמר עשו אל יעקב הלעיטני נא מן האדם האדם הזה כי עיף אנכי על כן קרא שמו אדום<sup>31</sup> ויאמר יעקב מכרה כיום את בכרתך לי<sup>32</sup> ויאמר עשו הנה אנכי הולך למות ולמה זה לי בכרה<sup>33</sup> ויאמר יעקב השבעה לי כיום וישבע לו וימכר את בכרתו ליעקב<sup>34</sup> ויעקב נתן לעשו לחם ונזיד עדשים ויאכל וישת ויקם וילך ויבז עשו את הבכרה ם

אשר לו ליצחק<sup>6</sup> ולבני הפילגשים אשר לאברהם נתן אברהם מתנת וישלחם מעל יצחק בנו בעודנו חי קדמה אל ארץ קדם<sup>7</sup> ואלה ימי שני חיי אברהם אשר חי מאת שנה ושבעים שנה וחמש שנים<sup>8</sup> ויגוע וימת אברהם בשיבה טובה זקן ושבע ויאסף אל עמיו<sup>9</sup> ויקברו אתו יצחק וישמעאל בניו אל מערת המכפלה אל שדה עפרן בן צחר החתי אשר על פני ממרא<sup>10</sup> השדה אשר קנה אברהם מאת בני חת שמה קבר אברהם ושרה אשתו<sup>11</sup> ויהי אחרי מות אברהם ויברך אלהים את יצחק בנו וישב יצחק עם באר לחי ראי ם<sup>12</sup> ואלה תלדת ישמעאל בן אברהם אשר ילדה הגר המצרית שפחת שרה לאברהם<sup>13</sup> ואלה שמות בני ישמעאל בשמתם לתולדתם בכר ישמעאל נבית וקדר ואדבאל ומבשם<sup>14</sup> ומשמע ודומה ומשא<sup>15</sup> חדד ותימא יטור נפיש וקדמה<sup>16</sup> אלה הם בני ישמעאל ואלה שמתם בחצריהם ובטירתם שנים עשר נשיאם לאמתם<sup>17</sup> ואלה שני חיי ישמעאל מאת שנה ושלשים שנה ושבע שנים ויגוע וימת ויאסף אל עמיו<sup>18</sup> וישכנו מחוילה עד שזר אשר על פני מצרים באכה אשורה על פני כל אחיו נפל ם<sup>19</sup> ואלה תולדת יצחק בן אברהם אברהם הוליד את יצחק<sup>20</sup> ויהי יצחק בן ארבעים

יומת<sup>12</sup> ויזרע יצחק בארץ ההוא וימצא  
 בשנה ההוא מאה שערים ויברכהו  
 יהוה<sup>13</sup> ויגדל האיש וילך הלוך וגדל עד  
 כי גדל מאד<sup>14</sup> ויהי לו מקנה צאן ומקנה  
 בקר ועבדה רבה ויקנאו אתו  
 פלשתים<sup>15</sup> וכל הבארת אשר חפרו עבדי  
 אביו בימי אברהם אביו סתמום פלשתים  
 וימלאום עפר<sup>16</sup> ויאמר אבימלך אל יצחק  
 לך מעמנו כי עצמת ממנו מאד<sup>17</sup> וילך  
 משם יצחק ויחן בנחל גרר וישב  
 שם<sup>18</sup> וישב יצחק ויחפר את בארת המים  
 אשר חפרו בימי אברהם אביו ויסתמום  
 פלשתים אחרי מות אברהם ויקרא להן  
 שמות כשמת אשר קרא להן  
 אביו<sup>19</sup> ויחפרו עבדי יצחק בנחל וימצאו  
 שם באר מים חיים<sup>20</sup> ויריבו רעי גרר עם  
 רעי יצחק לאמר לנו המים ויקרא שם  
 הבאר עשק כי התעשקו עמו<sup>21</sup> ויחפרו  
 באר אחרת ויריבו גם עליה ויקרא שמה  
 שטנה<sup>22</sup> ויעתק משם ויחפר באר אחרת  
 ולא רבו עליה ויקרא שמה רחבות ויאמר  
 כי עתה הרחיב יהוה לנו ופרינו  
 בארץ<sup>23</sup> ויעל משם באר שבע<sup>24</sup> וירא  
 אליו יהוה בלילה ההוא ויאמר אנכי אלהי  
 אברהם אביך אל תירא כי אתך אנכי  
 וברכתיך והרביתי את זרעך בעבור  
 אברהם עבדי<sup>25</sup> ויבן שם מזבח ויקרא  
 בשם יהוה ויט שם אהלו ויכרו שם עבדי  
 יצחק באר<sup>26</sup> ואבימלך הלך אליו מגרר

**26** ויהי רעב בארץ מלבד הרעב  
 הראשון אשר היה בימי אברהם וילך  
 יצחק אל אבימלך<sup>1</sup> מלך פלשתים  
 גררה<sup>2</sup> וירא אליו יהוה ויאמר אל תרד  
 מצרימה שכן בארץ אשר אמר  
 אליך<sup>3</sup> גור בארץ הזאת ואהיה עמך  
 ואברכך כי לך ולזרעך אתן את כל  
 הארצת האל והקמתי את השבעה אשר  
 נשבעתי לאברהם אביך<sup>4</sup> והרביתי את  
 זרעך ככוכבי השמים ונתתי לזרעך את  
 כל הארצת האל והתברכו בזרעך כל גויי  
 הארץ<sup>5</sup> עקב אשר שמע אברהם בקלי  
 וישמר משמרתי מצותי חקותי  
 ותורתי<sup>6</sup> וישב יצחק בגרר<sup>7</sup> וישאלו אנשי  
 המקום לאשתו ויאמר אחתי הוא כי ירא  
 לאמר אשתי פן יהרגני אנשי המקום על  
 רבקה כי טובת מראה היא<sup>8</sup> ויהי כי ארכו  
 לו שם הימים וישקף אבימלך מלך  
 פלשתים בעד החלון וירא והנה יצחק  
 מצחק את רבקה אשתו<sup>9</sup> ויקרא אבימלך  
 ליצחק ויאמר אך הנה אשתך הוא ואיך  
 אמרת אחתי הוא ויאמר אליו יצחק כי  
 אמרתי פן אמות עליה<sup>10</sup> ויאמר אבימלך  
 מה זאת עשית לנו כמעט שכב אחד  
 העם את אשתך והבאת עלינו  
 אשם<sup>11</sup> ויצו אבימלך את כל העם לאמר  
 הנגע באיש הזה ובאשתו מות

1 BHS has been faithful to the Leningrad Codex where there might be a question of the validity of the form and we keep the same form as BHS.

אהבתי והביאה לי ואכלה בעבור תברכך  
 נפשי בטרם אמות<sup>5</sup> ורבקה שמעת בדבר  
 יצחק אל עשו בנו וילך עשו השדה לצוד  
 ציד להביא<sup>6</sup> ורבקה אמרה אל יעקב בנה  
 לאמר הנה שמעתי את אביך מדבר אל  
 עשו אחיך לאמר<sup>7</sup> הביאה לי ציד ועשה  
 לי מטעמים ואכלה ואברככה לפני יהוה  
 לפני מותי<sup>8</sup> ועתה בני שמע בקלי לאשר  
 אני מצוה אתך<sup>9</sup> לך נא אל הצאן וקח לי  
 משם שני גדיי עזים טבים ואעשה אתם  
 מטעמים לאביך כאשר אהב<sup>10</sup> והבאת  
 לאביך ואכל בעבר אשר יברכך לפני  
 מותו<sup>11</sup> ויאמר יעקב אל רבקה אמו הן  
 עשו אחי איש שער ואנכי איש  
 חלק<sup>12</sup> אולי ימשני אבי והייתי בעיניו  
 כמתעתע והבאתי עלי קללה ולא  
 ברכה<sup>13</sup> ותאמר לו אמו עלי קללתך בני  
 אך שמע בקלי ולך קח לי<sup>14</sup> וילך ויקח  
 ויבא לאמו ותעש אמו מטעמים כאשר  
 אהב אביו<sup>15</sup> ותקח רבקה את בגדי עשו  
 בנה הגדל החמדת אשר אתה בבית  
 ותלבש את יעקב בנה הקטן<sup>16</sup> ואת ערת  
 גדיי העזים הלבישה על ידיו ועל חלקת  
 צואריו<sup>17</sup> ותתן את המטעמים ואת הלחם  
 אשר עשתה ביד יעקב בנה<sup>18</sup> ויבא אל  
 אביו ויאמר אבי ויאמר הנני מי אתה  
 בני<sup>19</sup> ויאמר יעקב אל אביו אנכי עשו  
 בכרך עשיתי כאשר דברת אלי קום נא  
 שבה ואכלה מצידי בעבור תברכני

ואחזת מרעהו ופיכל שר צבאו<sup>27</sup> ויאמר  
 אלהם יצחק מדוע באתם אלי ואתם  
 שנאתם אתי ותשלחוני מאתכם<sup>28</sup> ויאמרו  
 ראו ראינו כי היה יהוה עמך ונאמר תהי  
 נא אלה בינותינו בינינו ובינך ונכרתה  
 ברית עמך<sup>29</sup> אם תעשה<sup>1</sup> עמנו רעה  
 כאשר לא נגענוך וכאשר עשינו עמך רק  
 טוב ונשלחך בשלום אתה עתה ברוך  
 יהוה<sup>30</sup> ויעש להם משתה ויאכלו  
 וישתו<sup>31</sup> וישכימו בבקר וישבעו איש  
 לאחיו וישלחם יצחק וילכו מאתו  
 בשלום<sup>32</sup> ויהי ביום ההוא ויבאו עבדי  
 יצחק ויגדו לו על אדות הבאר אשר  
 חפרו ויאמרו לו מצאנו מים<sup>33</sup> ויקרא  
 אתה שבעה על כן שם העיר באר שבע  
 עד היום הזה ׀<sup>34</sup> ויהי עשו בן  
 ארבעים שנה ויקח אשה את יהודית בת  
 בארי החתי ואת בשמת בת אילן  
 החתי<sup>35</sup> ותהיין מרת רוח ליצחק  
 ולרבקה ׀

**27** ויהי כי זקן יצחק ותכהין עיניו  
 מראת ויקרא את עשו בנו הגדל ויאמר  
 אליו בני ויאמר אליו הנני<sup>2</sup> ויאמר הנה  
 נא זקנתי לא ידעתי יום מותי<sup>3</sup> ועתה שא  
 נא כליך תליך וקשתך וצא השדה וצודה  
 לי **צידה** ציד<sup>4</sup> ועשה לי מטעמים כאשר

1 BHS has been faithful to the Leningrad Codex where there might be a question of the validity of the form and we keep the same form as BHS.

הוא הצד ציד ויבא לי ואכל מכל בטרם  
 תבוא ואברכהו גם ברוך יהיה <sup>34</sup> כשמע  
 עשו את דברי אביו ויצעק צעקה גדלה  
 ומרה עד מאד ויאמר לאביו ברכני גם  
 אני אבי <sup>35</sup> ויאמר בא אחיך במרמה ויקח  
 ברכתך <sup>36</sup> ויאמר הכי קרא שמו יעקב  
 ויעקבני זה פעמים את בכרתי לקח והנה  
 עתה לקח ברכתי ויאמר הלא אצלתי לי  
 ברכה <sup>37</sup> ויען יצחק ויאמר לעשו הן גביר  
 שמתיו לך ואת כל אחיו נתתי לו לעבדים  
 ודגן ותירש סמכתיו ולכה אפוא מה  
 אעשה בני <sup>38</sup> ויאמר עשו אל אביו  
 הברכה אחת הוא לך אבי ברכני גם אני  
 אבי וישא עשו קלו ויבך <sup>39</sup> ויען יצחק  
 אביו ויאמר אליו הנה משמני הארץ יהיה  
 מושבך ומטל השמים מעל <sup>40</sup> ועל חרבך  
 תחיה ואת אחיך תעבד והיה כאשר  
 תריד ופרקת עלו מעל צוארך <sup>41</sup> וישטם  
 עשו את יעקב על הברכה אשר ברכו  
 אביו ויאמר עשו בלבו יקרבו ימי אבל  
 אבי ואהרגה את יעקב אחי <sup>42</sup> ויגד  
 לרבקה את דברי עשו בנה הגדל ותשלח  
 ותקרא ליעקב בנה הקטן ותאמר אליו  
 הנה עשו אחיך מתנחם לך  
 להרגך <sup>43</sup> ועתה בני שמע בקלי וקום ברח  
 לך אל לבן אחי חרנה <sup>44</sup> וישבת עמו ימים  
 אחדים עד אשר תשוב חמת אחיך <sup>45</sup> עד  
 שוב אף אחיך ממך ושכח את אשר  
 עשית לו ושלחתי ולקחתך משם למה

נפשך <sup>20</sup> ויאמר יצחק אל בנו מה זה  
 מהרת למצא בני ויאמר כי הקרה יהוה  
 אלהיך לפני <sup>21</sup> ויאמר יצחק אל יעקב  
 גשה נא ואמשך בני האתה זה בני עשו  
 אם לא <sup>22</sup> ויגש יעקב אל יצחק אביו  
 וימשהו ויאמר הקל קול יעקב והידיים ידי  
 עשו <sup>23</sup> ולא הכירו כי היו ידיו כידי עשו  
 אחיו שערת ויברכהו <sup>24</sup> ויאמר אתה זה  
 בני עשו ויאמר אני <sup>25</sup> ויאמר הגשה לי  
 ואכלה מציד בני למען תברכך נפשי ויגש  
 לו ויאכל ויבא לו יין וישת <sup>26</sup> ויאמר אליו  
 יצחק אביו גשה נא ושקה לי בני <sup>27</sup> ויגש  
 וישק לו וירח את ריח בגדיו ויברכהו  
 ויאמר ראה ריח בני כריח שדה אשר  
 ברכו יהוה <sup>28</sup> ויתן לך האלהים מטל  
 השמים ומשמני הארץ ורב דגן  
 ותירש <sup>29</sup> יעבדוך עמים וישתחו וישתחו לך  
 לאמים הוה גביר לאחיך וישתחו <sup>1</sup> לך בני  
 אמך ארריך ארור ומברכיך ברוך <sup>30</sup> ויהי  
 כאשר כלה יצחק לברך את יעקב ויהי  
 אך יצא יצא יעקב מאת פני יצחק אביו  
 ועשו אחיו בא מצידו <sup>31</sup> ויעש גם הוא  
 מטעמים ויבא לאביו ויאמר לאביו יקם  
 אבי ויאכל מציד בנו בעבור תברכני  
 נפשך <sup>32</sup> ויאמר לו יצחק אביו מי אתה  
 ויאמר אני בנך בכרך עשו <sup>33</sup> ויחרד יצחק  
 חרדה גדלה עד מאד ויאמר מי אפוא

1 BHS has been faithful to the Leningrad Codex where there might be a question of the validity of the form and we keep the same form as BHS.

השמימה והנה מלאכי אלהים עלים וירדים בו<sup>13</sup> והנה יהוה נצב עליו ויאמר אני יהוה אלהי אברהם אביך ואלהי יצחק הארץ אשר אתה שכב עליה לך אתננה ולזרעך<sup>14</sup> והיה זרעך כעפר הארץ ופרצת ימה וקדמה וצפנה ונגבה ונברכו בך כל משפחת האדמה ובזרעך<sup>15</sup> והנה אנכי עמך ושמרתיך בכל אשר תלך והשבתיך אל האדמה הזאת כי לא אעזבך עד אשר אם עשיתי את אשר דברתי לך<sup>16</sup> וייקץ יעקב משנתו ויאמר אכן יש יהוה במקום הזה ואנכי לא ידעתי<sup>17</sup> ויירא ויאמר מה נורא המקום הזה אין זה כי אם בית אלהים וזה שער השמים<sup>18</sup> וישכם יעקב בבקר ויקח את האבן אשר שם מראשתיו וישם אתה מצבה ויצק שמן על ראשה<sup>19</sup> ויקרא את שם המקום ההוא בית אל ואולם לזו שם העיר לראשנה<sup>20</sup> וידר יעקב נדר לאמר אם יהיה אלהים עמדי ושמרני בדרך הזה אשר אנכי הולך ונתן לי לחם לאכל ובגד ללבש<sup>21</sup> ושבתי בשלום אל בית אבי והיה יהוה לי לאלהים<sup>22</sup> והאבן הזאת אשר שמתי מצבה יהיה בית אלהים וכל אשר תתן לי עשר אעשרנו לך

**29** וישא יעקב רגליו וילך ארצה בני קדם<sup>2</sup> וירא והנה באר בשדה והנה שם שלשה עדרי צאן רבצים עליה כי מן

אשכל גם שניכם יום אחד<sup>46</sup> ותאמר רבקה אל יצחק קצתי בחיי מפני בנות חת אם לקח יעקב אשה מבנות חת כאלה מבנות הארץ למה לי חיים

**28** ויקרא יצחק אל יעקב ויברך אתו ויצוהו ויאמר לו לא תקח אשה מבנות כנען<sup>2</sup> קום לך פדנה ארם ביתה בתואל אבי אמך וקח לך משם אשה מבנות לבן אחי אמך<sup>3</sup> ואל שדי יברך אתך ויפרך וירבך והיית לקהל עמים<sup>4</sup> ויתן לך את ברכת אברהם לך ולזרעך אתך לרשתך את ארץ מגריך אשר נתן אלהים לאברהם<sup>5</sup> וישלח יצחק את יעקב וילך פדנה ארם אל לבן בן בתואל הארמי אחי רבקה אם יעקב ועשו<sup>6</sup> וירא עשו כי ברך יצחק את יעקב ושלח אתו פדנה ארם לקחת לו משם אשה בברכו אתו ויצו עליו לאמר לא תקח אשה מבנות כנען<sup>7</sup> וישמע יעקב אל אביו ואל אמו וילך פדנה ארם<sup>8</sup> וירא עשו כי רעות בנות כנען בעיני יצחק אביו<sup>9</sup> וילך עשו אל ישמעאל ויקח את מחלת בת ישמעאל בן אברהם אחות נביות על נשיו לו לאשה ם<sup>10</sup> ויצא יעקב מבאר שבע וילך חרנה<sup>11</sup> ויפגע במקום וילן שם כי בא השמש ויקח מאבני המקום וישם מראשתיו וישכב במקום ההוא<sup>12</sup> ויחלם והנה סלם מצב ארצה וראשו מגיע

הבאר ההוא ישקו העדרים והאבן גדלה  
 על פי הבאר<sup>3</sup> ונאספו שמה כל העדרים  
 וגללו את האבן מעל פי הבאר והשקו  
 את הצאן והשיבו את האבן על פי הבאר  
 למקמה<sup>4</sup> ויאמר להם יעקב אחי מאין  
 אתם ויאמרו מחרן אנחנו<sup>5</sup> ויאמר להם  
 הידעתם את לבן בן נחור ויאמרו  
 ידענו<sup>6</sup> ויאמר להם השלום לו ויאמרו  
 שלום והנה רחל בתו באה עם  
 הצאן<sup>7</sup> ויאמר הן עוד היום גדול לא עת  
 האסף המקנה השקו הצאן ולכו  
 רעו<sup>8</sup> ויאמרו לא נוכל עד אשר יאספו כל  
 העדרים וגללו את האבן מעל פי הבאר  
 והשקינו הצאן<sup>9</sup> עודנו מדבר עמם ורחל  
 באה עם הצאן אשר לאביה כי רעה  
 הוא<sup>10</sup> ויהי כאשר ראה יעקב את רחל  
 בת לבן אחי אמו ואת צאן לבן אחי אמו  
 ויגש יעקב ויגל את האבן מעל פי הבאר  
 וישק את צאן לבן אחי אמו<sup>11</sup> וישק יעקב  
 לרחל וישא את קלו ויבך<sup>12</sup> ויגד יעקב  
 לרחל כי אחי אביה הוא וכי בן רבקה  
 הוא ותרץ ותגד לאביה<sup>13</sup> ויהי כשמע לבן  
 את שמע יעקב בן אחתו וירץ לקראתו  
 ויחבק לו וינשק לו ויביאהו אל ביתו  
 ויספר ללבן את כל הדברים  
 האלה<sup>14</sup> ויאמר לו לבן אך עצמי ובשרי  
 אתה וישב עמו חדש ימים<sup>15</sup> ויאמר לבן  
 ליעקב הכי אחי אתה ועבדתני חנם  
 הגידה לי מה משכרתך<sup>16</sup> וללבן שתי

בנות שם הגדלה לאה ושם הקטנה  
 רחל<sup>17</sup> ועיני לאה רכות ורחל היתה יפת  
 תאר ויפת מראה<sup>18</sup> ויאהב יעקב את רחל  
 ויאמר אעבדך שבע שנים ברחל בתך  
 הקטנה<sup>19</sup> ויאמר לבן טוב<sup>c</sup> תתי אתה לך  
 מתתי אתה לאיש אחר שבה  
 עמדי<sup>20</sup> ויעבד יעקב ברחל שבע שנים  
 ויהיו בעיניו כימים אחדים באהבתו  
 אתה<sup>21</sup> ויאמר יעקב אל לבן הבה את  
 אשתי כי מלאו ימי ואבואה  
 אליה<sup>22</sup> ויאסף לבן את כל אנשי המקום  
 ויעש משתה<sup>23</sup> ויהי בערב ויקח את לאה  
 בתו ויבא אתה אליו ויבא אליה<sup>24</sup> ויתן  
 לבן לה את זלפה שפחתו ללאה בתו  
 שפחה<sup>25</sup> ויהי בבקר והנה הוא לאה  
 ויאמר אל לבן מה זאת עשית לי הלא  
 ברחל עבדתי עמך ולמה רמיתני<sup>26</sup> ויאמר  
 לבן לא יעשה כן במקומנו לתת הצעירה  
 לפני הבכירה<sup>27</sup> מלא שבע זאת ונתנה לך  
 גם את זאת בעבדה אשר תעבד עמדי  
 עוד שבע שנים אחרות<sup>28</sup> ויעש יעקב כן  
 וימלא שבע זאת ויתן לו את רחל בתו לו  
 לאשה<sup>29</sup> ויתן לבן לרחל בתו את בלהה  
 שפחתו לה לשפחה<sup>30</sup> ויבא גם אל רחל  
 ויאהב גם את רחל מלאה ויעבד עמו עוד  
 שבע שנים אחרות<sup>31</sup> וירא יהוה כי  
 שנאה לאה ויפתח את רחמה ורחל

c We read one or more accents in L differently than BHS. Often this notation indicates a typographical error in BHS.

ותקרא את שמו גד<sup>12</sup> ותלד זלפה שפחת  
 לאה בן שני ליעקב<sup>13</sup> ותאמר לאה  
 באשרי כי אשרוני בנות ותקרא את שמו  
 אשר<sup>14</sup> וילך ראובן בימי קציר חטים  
 וימצא דודאים בשדה ויבא אתם אל לאה  
 אמו ותאמר רחל אל לאה תני נא לי  
 מדודאי בנך<sup>15</sup> ותאמר לה המעט קחתך  
 את אישי ולקחת גם את דודאי בני  
 ותאמר רחל לכן ישכב עמך הלילה תחת  
 דודאי בנך<sup>16</sup> ויבא יעקב מן השדה בערב  
 ותצא לאה לקראתו ותאמר אלי תבוא כי  
 שכר שכרתיך בדודאי בני וישכב עמה  
 בלילה הוא<sup>17</sup> וישמע אלהים אל לאה  
 ותהר ותלד ליעקב בן חמישי<sup>18</sup> ותאמר  
 לאה נתן אלהים שכרי אשר נתתי  
 שפחתי לאישי ותקרא שמו  
 יששכר<sup>19</sup> ותהר עוד לאה ותלד בן ששי  
 ליעקב<sup>20</sup> ותאמר לאה זבדני אלהים אתי  
 זבד טוב הפעם יזבלני אישי כי ילדתי לו  
 ששה בנים ותקרא את שמו  
 זבלון<sup>21</sup> ואחר ילדה בת ותקרא את שמה  
 דינה<sup>22</sup> ויזכר אלהים את רחל וישמע  
 אליה אלהים ויפתח את רחמה<sup>23</sup> ותהר  
 ותלד בן ותאמר אסף אלהים את  
 חרפתי<sup>24</sup> ותקרא את שמו יוסף לאמר  
 יסף יהוה לי בן אחר<sup>25</sup> ויהי כאשר ילדה  
 רחל את יוסף ויאמר יעקב אל לבן שלחני

עקרה<sup>32</sup> ותהר לאה ותלד בן ותקרא שמו  
 ראובן כי אמרה כי ראה יהוה בעניי כי  
 עתה יאהבני אישי<sup>33</sup> ותהר עוד ותלד בן  
 ותאמר כי שמע יהוה כי שנואה אנכי  
 ויתן לי גם את זה ותקרא שמו  
 שמעון<sup>34</sup> ותהר עוד ותלד בן ותאמר עתה  
 הפעם ילוח אישי אלי כי ילדתי לו שלשה  
 בנים על כן קרא שמו לוי<sup>35</sup> ותהר עוד  
 ותלד בן ותאמר הפעם אודה את יהוה  
 על כן קראה שמו יהודה ותעמד מלדת

**30** ותרא רחל כי לא ילדה ליעקב  
 ותקנא רחל באחתה ותאמר אל יעקב  
 הבה לי בנים ואם אין מתה אנכי<sup>2</sup> ויחר  
 אף יעקב ברחל ויאמר התחת אלהים  
 אנכי אשר מנע ממך פרי בטן<sup>3</sup> ותאמר  
 הנה אמתני בלהה בא אליה ותלד על  
 ברכי ואבנה גם אנכי ממנה<sup>4</sup> ותתן לו את  
 בלהה שפחתה לאשה ויבא אליה  
 יעקב<sup>5</sup> ותהר בלהה ותלד ליעקב  
 בן<sup>6</sup> ותאמר רחל דגני אלהים וגם שמע  
 בקלי ויתן לי בן על כן קראה שמו  
 דן<sup>7</sup> ותהר עוד ותלד בלהה שפחת רחל  
 בן שני ליעקב<sup>8</sup> ותאמר רחל נפתולי  
 אלהים נפתלתי עם אחתי גם יכלתי  
 ותקרא שמו נפתלי<sup>9</sup> ותרא לאה כי עמדה  
 מלדת ותקח את זלפה שפחתה ותתן  
 אתה ליעקב לאשה<sup>10</sup> ותלד זלפה שפחת  
 לאה ליעקב בן<sup>11</sup> ותאמר לאה **בגד בא גד**

1 BHS has been faithful to the Leningrad Codex where there might be a question of the validity of the form and we keep the same form as BHS.



פצלות לבנות מחשף הלבן אשר על המקלות<sup>38</sup> ויצג את המקלות אשר פצל ברהטים בשקתות המים אשר תבאן הצאן לשתות לנכח הצאן ויחמנה בבאן לשתות<sup>39</sup> ויחמו הצאן אל המקלות ותלדן הצאן עקדים נקדים וטלאים<sup>40</sup> והכשבים הפריד יעקב ויתן פני הצאן אל עקד וכל חום בצאן לבן וישת לו עדרים לבדו ולא שתם על צאן לבן<sup>41</sup> והיה בכל יחם הצאן המקשרות ושם יעקב את המקלות לעיני הצאן ברהטים ליחמנה במקלות<sup>42</sup> ובהעטיף הצאן לא ישים והיה העטפים ללבן והקשרים ליעקב<sup>43</sup> ויפרץ האיש מאד מאד ויהי לו צאן רבות ושפחות ועבדים וגמלים וחרמרים

**31** וישמע את דברי בני לבן לאמר לקח יעקב את כל אשר לאבינו ומאשר לאבינו עשה את כל הכבוד הזה<sup>2</sup> וירא יעקב את פני לבן והנה איננו עמו כתמול שלשום<sup>3</sup> ויאמר יהוה אל יעקב שוב אל ארץ אבותיך ולמולדתך ואהיה עמך<sup>4</sup> וישלח יעקב ויקרא לרחל וללאה השדה אל צאנו<sup>5</sup> ויאמר להן ראה אנכי את פני אביכן כי איננו אלי כתמל שלשם ואלהי אבי היה עמדי<sup>6</sup> ואתנה ידעתן כי בכל כחי עבדתי את אביכן<sup>7</sup> ואביכן התל בי והחלף את משכרתי עשרת מנים ולא נתנו אלהים להרע עמדי<sup>8</sup> אם כה יאמר

ואלכה אל מקומי ולארצי<sup>26</sup> תנה את נשי ואת ילדי אשר עבדתי אתך בהן ואלכה כי אתה ידעת את עבדתי אשר עבדתיך<sup>27</sup> ויאמר אליו לבן אם נא מצאתי חן בעיניך נחשתי ויברכני יהוה בגללך<sup>28</sup> ויאמר נקבה שכרך עלי ואתנה<sup>29</sup> ויאמר אליו אתה ידעת את אשר עבדתיך ואת אשר היה מקנך אתי<sup>30</sup> כי מעט אשר היה לך לפני ויפרץ לרב ויברך יהוה אתך לרגלי ועתה מתי אעשה גם אנכי לביתי<sup>31</sup> ויאמר מה אתן לך ויאמר יעקב לא תתן לי מאומה אם תעשה לי הדבר הזה אשובה ארעה צאנך אשמר<sup>32</sup> אעבר בכל צאנך היום הסר משם כל שה נקד וטלוא וכל שה חום בכשבים וטלוא ונקד בעזים והיה שכרי<sup>33</sup> וענתה בי צדקתי ביום מחר כי תבוא על שכרי לפניך כל אשר איננו נקד וטלוא בעזים וחום בכשבים גנוב הוא אתי<sup>34</sup> ויאמר לבן הן לו יהי כדברך<sup>35</sup> ויסר ביום ההוא את התישים העקדים והטלאים ואת כל העזים הנקדות והטלאות כל אשר לבן בו וכל חום בכשבים ויתן ביד בניו<sup>36</sup> וישם דרך שלשת ימים בינו ובין יעקב ויעקב רעה את צאן לבן הנותרת<sup>37</sup> ויקח לו יעקב מקל לבנה לח ולוז וערמון<sup>1</sup> ויפצל בהן

<sup>1</sup> BHS has been faithful to the Leningrad Codex where there might be a question of the validity of the form and we keep the same form as BHS.

ביום השלישי כי ברח יעקב <sup>23</sup> ויקח את אחיו עמו וירדף אחריו דרך שבעת ימים וידבק אתו בהר הגלעד <sup>24</sup> ויבא אלהים אל לבן הארמי בחלם הלילה ויאמר לו השמר לך פן תדבר עם יעקב מטוב עד רע <sup>25</sup> וישג לבן את יעקב ויעקב תקע את אהלו בהר ולבן תקע את אחיו בהר הגלעד <sup>26</sup> ויאמר לבן ליעקב מה עשית ותגנב את לבבי ותנהג את בנתי כשביות חרב <sup>27</sup> למה נחבאת לברח ותגנב אתי ולא הגדת לי ואשלחך בשמחה ובשרים בתף ובכנור <sup>28</sup> ולא נטשתני לנשק לבני ולבנתי עתה הסכלת עשו <sup>29</sup> יש לאל ידי לעשות עמכם רע ואלהי אביכם אמר אמר אלי לאמר השמר לך מדבר עם יעקב מטוב עד רע <sup>30</sup> ועתה הלך הלכת כי נכסף נכספתה לבית אביך למה גנבת את אלהי <sup>31</sup> ויען יעקב ויאמר ללבן כי יראתי כי אמרתי פן תגזל את בנותיך מעמי <sup>32</sup> עם אשר תמצא את אלהיך לא יחיה נגד אחינו הכר לך מה עמדי וקח לך ולא ידע יעקב כי רחל גנבתם <sup>33</sup> ויבא לבן באהל יעקב ובאהל לאה ובאהל שתי האמהות ולא מצא ויצא מאהל לאה ויבא באהל רחל <sup>34</sup> ורחל לקחה את התרפים ותשמם בכר הגמל ותשב עליהם וימשש לבן את כל האהל ולא מצא <sup>35</sup> ותאמר אל אביה אל יחר בעיני אדני כי לוא אוכל לקום מפניך כי דרך נשים לי ויחפש ולא

נקדים יהיה שכרך וילדו כל הצאן נקדים ואם כה יאמר עקדים יהיה שכרך וילדו כל הצאן עקדים <sup>9</sup> ויצל אלהים את מקנה אביכם ויתן לי <sup>10</sup> ויהי בעת יחס הצאן ואשא עיני וארא בחלום והנה העתדים העלים על הצאן עקדים נקדים וברדים <sup>11</sup> ויאמר אלי מלאך האלהים בחלום יעקב ואמר הנני <sup>12</sup> ויאמר שא נא עיניך וראה כל העתדים העלים על הצאן עקדים נקדים וברדים כי ראיתי את כל אשר לבן עשה לך <sup>13</sup> אנכי האל בית אל אשר משחת שם מצבה אשר נדרת לי שם נדר עתה קום צא מן הארץ הזאת ושוב אל ארץ מולדתך <sup>14</sup> ותען רחל ולאה ותאמרנה לו העוד לנו חלק ונחלה בבית אבינו <sup>15</sup> הלא נכריות נחשבנו לו כי מכרנו ויאכל גם אכול את כספנו <sup>16</sup> כי כל העשר אשר הציל אלהים מאבינו לנו הוא ולבנינו ועתה כל אשר אמר אלהים אליך עשה <sup>17</sup> ויקם יעקב וישא את בניו ואת נשיו על הגמלים <sup>18</sup> וינהג את כל מקנהו ואת כל רכשו אשר רכש מקנה קנינו אשר רכש בפדן ארם לבוא אל יצחק אביו ארצה כנען <sup>19</sup> ולבן הלך לגזז את צאנו ותגנב רחל את התרפים אשר לאביה <sup>20</sup> ויגנב יעקב את לב לבן הארמי על בלי הגיד לו כי ברח הוא <sup>21</sup> ויברח הוא וכל אשר לו ויקם ויעבר את הנהר וישם את פניו הר הגלעד <sup>22</sup> ויגד ללבן

קרא שמו<sup>c</sup> גלעד<sup>49</sup> והמצפה אשר אמר יצף יהוה ביני ובינך כי נסתר איש מרעהו<sup>50</sup> אם תענה את בנתי ואם תקח נשים על בנתי אין איש עמנו ראה אלהים עד ביני ובינך<sup>51</sup> ויאמר לבן ליעקב הנה הגל הזה והנה המצבה<sup>1</sup> אשר יריתי ביני ובינך<sup>52</sup> עד הגל הזה ועדה המצבה אם אני לא אעבר אליך את הגל הזה ואם אתה לא תעבר אלי את הגל הזה ואת המצבה הזאת לרעה<sup>53</sup> אלהי אברהם ואלהי נחור ישפטו בינינו אלהי אביהם וישבע יעקב בפחד אביו יצחק<sup>54</sup> ויזבח יעקב זבח בהר ויקרא לאחיו לאכל לחם ויאכלו לחם וילינו בהר

**32** וישכם לבן בבקר וינשק לבניו ולבנותיו ויברך אתהם וילך וישב לבן למקמו<sup>2</sup> ויעקב הלך לדרכו ויפגעו בו מלאכי אלהים<sup>3</sup> ויאמר יעקב כאשר ראם מחנה אלהים זה ויקרא שם המקום ההוא מחנים<sup>פ</sup>  
<sup>4</sup> וישלח יעקב מלאכים לפניו אל עשו אחיו ארצה שעיר שדה אדום<sup>5</sup> ויצו אתם לאמר כה תאמרון לאדני לעשו כה אמר עבדך יעקב עם לבן גרתי ואחר עד עתה<sup>6</sup> ויהי לי שור וחמור צאן ועבד

מצא את התרפים<sup>36</sup> ויחר ליעקב וירב בלבן ויען יעקב ויאמר ללבן מה פשעי מה חטאתי כי דלקת אחרי<sup>37</sup> כי מששת את כל כלי מה מצאת מכל כלי ביתך שים כה נגד אחי ואחיד ויזכחו בין שנינו<sup>38</sup> זה עשרים שנה אנכי עמך רחליך ועזיך לא שכלו ואילי צאנך לא אכלתי<sup>39</sup> טרפה לא הבאתי אליך אנכי אחטנה מידי תבקשנה גנבתי יום וגנבתי לילה<sup>40</sup> הייתי ביזם אכלני חרב וקרח בלילה ותדד שנתי מעיני<sup>41</sup> זה לי עשרים שנה בביתך עבדתך ארבע עשרה שנה בשתי בנתיך ושש שנים בצאנך ותחלף את משכרתי עשרת מנים<sup>42</sup> לולי אלהי אבי אלהי אברהם ופחד יצחק היה לי כי עתה ריקם שלחתני את עניי ואת יגיע<sup>v</sup> כפי ראה אלהים ויזכח אמש<sup>43</sup> ויען לבן ויאמר אל יעקב הבנות בנתי והבנים בני והצאן צאני וכל אשר אתה ראה לי הוא ולבנתי מה אעשה לאלה היום או לבניהן אשר ילדו<sup>44</sup> ועתה לכה נכרתה ברית אני ואתה והיה לעד ביני ובינך<sup>45</sup> ויקח יעקב אבן וירימה מצבה<sup>46</sup> ויאמר יעקב לאחיו לקטו אבנים ויקחו אבנים ויעשו גל ויאכלו שם על הגל<sup>47</sup> ויקרא לו לבן יגר שהדותא ויעקב קרא לו גלעד<sup>48</sup> ויאמר לבן הגל הזה עד ביני ובינך היום על כן

c We read one or more accents in L differently than BHS. Often this notation indicates a typographical error in BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

v We read one or more vowels in L differently from BHS.

עשו אחי ושאלך<sup>1</sup> לאמר למי אתה ואנה תלך ולמי אלה לפניך<sup>19</sup> ואמרת לעבדך ליעקב מנחה הוא שלוחה לאדני לעשו והנה גם הוא אחרינו<sup>20</sup> ויצו גם את השני גם את השלישי גם את כל ההלכים אחרי העדרים לאמר כדבר הזה תדברון אל עשו במצאכם אתו<sup>21</sup> ואמרתם גם הנה עבדך יעקב אחרינו כי אמר אכפרה פניו במנחה ההלכת לפני ואחרי כן אראה פניו אולי ישא פני<sup>22</sup> ותעבר המנחה על פניו והוא לן בלילה ההוא במחנה<sup>23</sup> ויקם בלילה הוא ויקח את שתי נשיו ואת שתי שפחתיו ואת אחד עשר ילדיו ויעבר את מעבר יבק<sup>24</sup> ויקחם ויעברם את הנחל ויעבר את אשר לו<sup>1</sup><sup>25</sup> ויותר יעקב לבדו ויאבק איש עמו עד עלות השחר<sup>26</sup> וירא כי לא יכל לו ויגע בכף ירכו ותקע כף ירך יעקב בהאבקו עמו<sup>27</sup> ויאמר שלחני כי עלה השחר ויאמר לא אשלחך כי אם ברכתני<sup>28</sup> ויאמר אליו מה שמך ויאמר יעקב<sup>29</sup> ויאמר לא יעקב יאמר עוד שמך כי אם ישראל כי שרית עם אלהים ועם אנשים ותוכל<sup>30</sup> ושאל יעקב ויאמר הגידה נא שמך ויאמר למה זה תשאל

ושפחה ואשלחה להגיד לאדני למצא חן בעיניך<sup>7</sup> וישבו המלאכים אל יעקב לאמר באנו אל אחיך אל עשו וגם הלך לקראתך וארבע מאות איש עמו<sup>8</sup> ויירא יעקב מאד ויצר לו ויחץ את העם אשר אתו ואת הצאן ואת הבקר והגמלים לשני מחנות<sup>9</sup> ויאמר אם יבוא אל המחנה האחת והכהו והיה המחנה הנשאר לפליטה<sup>10</sup> ויאמר יעקב אלהי אבי אברהם ואלהי אבי יצחק יהוה האמר אלי שוב לארצך ולמולדתך ואיטיבה עמך<sup>11</sup> קטנתי מכל החסדים ומכל האמת אשר עשית את עבדך כי במקלי עברתי את הירדן הזה ועתה הייתי לשני מחנות<sup>12</sup> הצילני נא מיד אחי מיד עשו כי ירא אנכי אתו פן יבוא והכני אם על בנים<sup>13</sup> ואתה אמרת היטב איטיב עמך ושמתי את זרעך כחול הים אשר לא יספר מרב<sup>14</sup> וילן שם בלילה ההוא ויקח מן הבא בידו מנחה לעשו אחיו<sup>15</sup> עזים מאתים ותישים עשרים רחלים מאתים ואילים עשרים<sup>16</sup> גמלים מיניקות ובניהם שלשים פרות ארבעים ופרים עשרה אתנת עשרים ועירם<sup>1</sup> עשרה<sup>17</sup> ויתן ביד עבדיו עדר עדר לבדו ויאמר אל עבדיו עברו לפני ורוח תשימו בין עדר ובין עדר<sup>18</sup> ויצו את הראשון לאמר כי יפגשך<sup>1</sup>

there might be a question of the validity of the form and we keep the same form as BHS.

- 1 BHS has been faithful to the Leningrad Codex where there might be a question of the validity of the form and we keep the same form as BHS.
- 1 BHS has been faithful to the Leningrad Codex where there might be a question of the validity of the form and we keep the same form as BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

1 BHS has been faithful to the Leningrad Codex where

אשר לך<sup>10</sup> ויאמר יעקב אל נא אם נא מצאתי חן בעיניך ולקחת מנחתי מידי כי על כן ראיתי פניך כראת פני אלהים ותרצני<sup>11</sup> קח נא את ברכתי אשר הבאת לך כי חנני אלהים וכי יש לי כל ויפצר בו ויקח<sup>12</sup> ויאמר נסעה ונלכה ואלכה לנגדך<sup>13</sup> ויאמר אליו אדני ידע כי הילדים רכים והצאן והבקר עלות עלי ודפקום יום אחד ומתו כל הצאן<sup>14</sup> יעבר נא אדני לפני עבדו ואני אתנהלה<sup>c</sup> לאטי לרגל המלאכה אשר לפני ולרגל הילדים עד אשר אבא אל אדני שעירה<sup>15</sup> ויאמר עשו אציגה נא עמך מן העם אשר אתי ויאמר למה זה אמצא חן בעיני אדני<sup>16</sup> וישב ביום ההוא עשו לדרכו שעירה<sup>17</sup> ויעקב נסע סכתה ויבן לו בית ולמקנהו עשה סכת על כן קרא שם המקום סכות<sup>18</sup> ויבא יעקב שלם עיר שכם אשר בארץ כנען בבאו מפרן ארם ויחן את פני העיר<sup>19</sup> ויקן את חלקת השדה אשר נטה שם אהלו מיד בני חמור אבי שכם במאה קשיטה<sup>20</sup> ויצב שם מזבח ויקרא לו אל אלהי ישראל ׀

**34** ותצא דינה בת לאה אשר ילדה ליעקב לראות בבנות הארץ<sup>2</sup> וירא אתה שכם בן חמור החוי נשיא הארץ ויקח

לשמי ויברך אתו שם<sup>31</sup> ויקרא יעקב שם המקום פניאל כי ראיתי אלהים פנים אל פנים ותנצל נפשי<sup>32</sup> ויזרח לו השמש כאשר עבר את פנואל והוא צלע על ירכו<sup>33</sup> על כן לא יאכלו בני ישראל את גיד הנשה אשר על כף הירך עד היום הזה כי נגע בכף ירך יעקב בגיד הנשה

**33** וישא יעקב עיניו וירא והנה עשו בא ועמו ארבע מאות איש ויחץ את הילדים על לאה ועל רחל ועל שתי השפחות<sup>2</sup> וישם את השפחות ואת ילדיהן ראשנה ואת לאה וילדיה אחרנים ואת רחל ואת יוסף אחרנים<sup>3</sup> והוא עבר לפניהם וישתחו ארצה שבע פעמים עד גשתו עד אחיו<sup>4</sup> וירץ עשו לקראתו ויחבקו ויפל על צוארו<sup>q</sup> וישקהו<sup>4</sup> ויבכו<sup>5</sup> וישא את עיניו וירא את הנשים ואת הילדים ויאמר מי אלה לך ויאמר הילדים אשר חנן אלהים את עבדך<sup>6</sup> ותגשן השפחות הנה וילדיהן ותשתחוין<sup>7</sup> ותגש גם לאה וילדיה וישתחו וואחר נגש יוסף ורחל וישתחו<sup>8</sup> ויאמר מי לך כל המחנה הזה אשר פגשתי ויאמר למצא חן בעיני אדני<sup>9</sup> ויאמר עשו יש לי רב אחי יהי לך

q We have abandoned or added a ketib/qere relative to BHS. In doing this we agree with L against BHS.

4 Puncta extraordinaria -- a \u05c4 is used to mark such marks in the text when they are above the line and a \u05c5 when they are below the line.

c We read one or more accents in L differently than BHS. Often this notation indicates a typographical error in BHS.

בנתינו לכם ואת בנתיכם נקח לנו וישבנו  
אתכם והיינו לעם אחד<sup>17</sup> ואם לא  
תשמעו אלינו להמול ולקחנו את בתנו  
והלכנו<sup>18</sup> וייטבו דבריהם בעיני חמור  
ובעיני שכם בן חמור<sup>19</sup> ולא אחר הנער  
לעשות הדבר כי חפץ בבת יעקב והוא  
נכבד מכל בית אביו<sup>20</sup> ויבא חמור ושכם  
בנו אל שער עירם וידברו אל אנשי עירם  
לאמר<sup>21</sup> האנשים האלה שלמים הם אתנו  
וישבו בארץ ויסחרו אתה והארץ הנה  
רחבת ידיים לפניהם את בנתם נקח לנו  
לנשים ואת בנתינו נתן להם<sup>22</sup> אך בזאת  
יאתו לנו האנשים לשבת אתנו להיות  
לעם אחד בהמול לנו כל זכר כאשר הם  
נמלים<sup>23</sup> מקנהם וקנינם וכל בהמתם  
הלוא לנו הם אך נאותה להם וישבו  
אתנו<sup>24</sup> וישמעו אל חמור ואל שכם בנו  
כל יצאי שער עירו וימלו כל זכר כל יצאי  
שער עירו<sup>25</sup> ויהי ביום השלישי בהיותם  
כאבים ויקחו שני בני יעקב שמעון ולוי  
אחי דינה איש חרבו ויבאו על העיר בטח  
ויהרגו כל זכר<sup>26</sup> ואת חמור ואת שכם  
בנו הרגו לפי חרב ויקחו את דינה מבית  
שכם ויצאו<sup>27</sup> בני יעקב באו על החללים  
ויבזו העיר אשר טמאו אחותם<sup>28</sup> את  
צאנם ואת בקרם ואת חמריהם<sup>1</sup> ואת  
אשר בעיר ואת אשר בשדה לקחו<sup>29</sup> ואת

אתה וישכב אתה ויענה<sup>3</sup> ותדבק נפשו  
בדינה בת יעקב ויאהב את הנער וידבר  
על לב הנער<sup>4</sup> ויאמר שכם אל חמור אביו  
לאמר קח לי את הילדה הזאת  
לאשה<sup>5</sup> ויעקב שמע כי טמא את דינה  
בתו ובניו היו את מקנהו בשדה והחרש  
יעקב עד באם<sup>6</sup> ויצא חמור אבי שכם אל  
יעקב לדבר אתו<sup>7</sup> ובני יעקב באו מן  
השדה כשמעם ויתעצבו האנשים ויחר  
להם מאד כי נבלה עשה בישראל לשכב  
את בת יעקב וכן לא יעשה<sup>8</sup> וידבר חמור  
אתם לאמר שכם בני חשקה נפשו  
בבתכם תנו נא אתה לו  
לאשה<sup>9</sup> והתחתנו אתנו בנתיכם תתנו לנו  
ואת בנתינו תקחו לכם<sup>10</sup> ואתנו תשבו  
והארץ תהיה לפניכם שבו וסחרוה  
והאחזו בה<sup>11</sup> ויאמר שכם אל אביה<sup>1</sup> ואל  
אחיה אמצא חן בעיניכם ואשר תאמרו  
אלי אתן<sup>12</sup> הרבו עלי מאד מהר ומתן  
ואתנה כאשר תאמרו אלי ותנו לי את  
הנער לאשה<sup>13</sup> ויענו בני יעקב את שכם  
ואת חמור אביו במרמה וידברו אשר  
טמא את דינה אחתם<sup>14</sup> ויאמרו אליהם  
לא נוכל לעשות הדבר הזה לתת את  
אחתנו לאיש אשר לו ערלה כי חרפה  
הוא לנו<sup>15</sup> אך בזאת נאות לכם אם תהיו  
כמנו להמל לכם כל זכר<sup>16</sup> ונתנו את

1 BHS has been faithful to the Leningrad Codex where there might be a question of the validity of the form and we keep the same form as BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

רבקה ותקבר מתחת לבית אל תחת האלון ויקרא שמו אלון בכות פ<sup>9</sup> וירא אלהים אל יעקב עוד בבאו מפדן ארם ויברך אתו<sup>10</sup> ויאמר לו אלהים שמך יעקב לא יקרא שמך<sup>c</sup> עוד יעקב כי אם ישראל יהיה שמך ויקרא את שמו ישראל<sup>11</sup> ויאמר לו אלהים אני אל שדי פרה ורבה גוי וקהל גוים יהיה ממך ומלכים מחלציד יצאו<sup>12</sup> ואת הארץ אשר נתתי לאברהם וליצחק לך אתננה ולזרעך אחריד אתן את הארץ<sup>13</sup> ויעל מעליו אלהים במקום אשר דבר אתו<sup>14</sup> ויצב יעקב מצבה במקום אשר דבר אתו מצבת אבן ויסך עליה נסך ויצק עליה שמן<sup>15</sup> ויקרא יעקב את שם המקום אשר דבר אתו שם אלהים בית אל<sup>16</sup> ויסעו מבית אל והי עוד כברת הארץ לבוא אפרתה ותלד רחל ותקש בלדתה<sup>17</sup> ויהי בהקשתה בלדתה ותאמר לה המילדת אל תיראי כי גם זה לך בן<sup>18</sup> ויהי בצאת נפשה כי מתה ותקרא שמו בן אוני ואביו קרא לו בנימין<sup>19</sup> ותמת רחל ותקבר בדרך אפרתה הוא בית לחם<sup>20</sup> ויצב יעקב מצבה על קברתה הוא מצבת קברת רחל עד היום<sup>21</sup> ויסע ישראל ויט אהלה<sup>q</sup>

כל חילם ואת כל טפם ואת נשיהם שבו ויבזו ואת כל אשר בבית<sup>30</sup> ויאמר יעקב אל שמעון ואל לוי עכרתם אתי להבאישני בישב הארץ בכנעני ובפרזי ואני מתי מספר ונאספו עלי והכוני ונשמדתי אני וביתי<sup>31</sup> ויאמרו הכזונה יעשה את אחותנו פ

**35** ויאמר אלהים אל יעקב קום עלה בית אל ושב שם ועשה שם מזבח לאל הנראה אליך בברחד<sup>1</sup> מפני עשו אחיך<sup>2</sup> ויאמר יעקב אל ביתו ואל כל אשר עמו הסרו את אלהי הנכר אשר בתככם והטהרו והחליפו שמלתיכם<sup>3</sup> ונקומה ונעלה בית אל ואעשה שם מזבח לאל הענה אתי ביום צרתי ויהי עמדי בדרך אשר הלכתי<sup>4</sup> ויתנו אל יעקב את כל אלהי הנכר אשר בידם ואת הנזמים אשר באזניהם ויטמן אתם יעקב תחת האלה אשר עם שכם<sup>5</sup> ויסעו והי חתת אלהים על הערים אשר סביבתיים ולא רדפו אחרי בני יעקב<sup>6</sup> ויבא יעקב לזוה אשר בארץ כנען הוא בית אל הוא וכל העם אשר עמו<sup>7</sup> ויבן שם מזבח ויקרא למקום אל בית אל כי שם נגלו אליו האלהים בברחו מפני אחיו<sup>8</sup> ותמת דברה מינקת

c We read one or more accents in L differently than BHS. Often this notation indicates a typographical error in BHS.

q We have abandoned or added a ketib/qere relative to BHS. In doing this we agree with L against BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

אחיו<sup>7</sup> כי היה רכושם רב משבת יחדו ולא יכלה ארץ מגוריהם לשאת אתם מפני מקניהם<sup>8</sup> וישב עשו בהר שעיר עשו הוא אדום<sup>9</sup> ואלה תלדות עשו אבי אדום בהר שעיר<sup>10</sup> אלה שמות בני עשו אליפז בן עדה אשת עשו רעואל בן בשמת אשת עשו<sup>11</sup> ויהיו בני אליפז תימן אומר צפו וגעתם וקנו<sup>12</sup> ותמנע היתה פילגש לאליפז בן עשו ותלד לאליפז את עמלק אלה בני עדה אשת עשו<sup>13</sup> ואלה בני רעואל נחת וזרח שמה ומזה אלה<sup>1</sup> היו בני בשמת אשת עשו<sup>14</sup> ואלה היו בני אהליבמה בת ענה בת צבעון אשת עשו ותלד לעשו את **יעיש** **יעוש** ואת יעלם ואת קרח<sup>15</sup> אלה אלופי בני עשו בני אליפז בכור עשו אלוף תימן אלוף אומר אלוף צפו אלוף קנו<sup>16</sup> אלוף קרח אלוף געתם אלוף עמלק אלה אלופי אליפז בארץ אדום אלה בני עדה<sup>17</sup> ואלה בני רעואל בן עשו אלוף נחת אלוף זרח אלוף שמה אלוף מזה אלה אלופי רעואל בארץ אדום אלה בני בשמת אשת עשו<sup>18</sup> ואלה בני אהליבמה אשת עשו אלוף יעוש אלוף יעלם אלוף קרח אלה אלופי אהליבמה בת ענה אשת עשו<sup>19</sup> אלה בני עשו ואלה אלופיהם הוא אדום ם<sup>20</sup> אלה בני שעיר החרי ישבי הארץ לוטן ושובל

מהלאה למגדל עדר<sup>22</sup> ויהי בשכן ישראל בארץ ההוא וילך ראובן וישכב את בלהה פילגש אביו וישמע ישראל ף ויהיו בני יעקב שנים עשר<sup>23</sup> בני לאה בכור יעקב ראובן ושמעון ולוי ויהודה ויששכר וזבולן<sup>24</sup> בני רחל יוסף ובנימן<sup>25</sup> ובני בלהה שפחת רחל דן ונפתלי<sup>26</sup> ובני זלפה שפחת לאה גד ואשר אלה בני יעקב אשר ילד לו בפדן ארם<sup>27</sup> ויבא יעקב אל יצחק אביו ממרא קרית הארבע הוא חברון אשר גר שם אברהם ויצחק<sup>28</sup> ויהיו ימי יצחק מאת שנה ושמנים שנה<sup>29</sup> ויגוע יצחק וימת ויאסף אל עמיו זקן ושבע ימים ויקברו אתו עשו ויעקב בניו ף

**36** ואלה תלדות עשו הוא אדום<sup>2</sup> עשו לקח את נשיו מבנות כנען את עדה בת אילון החתי ואת אהליבמה בת ענה בת צבעון החוי<sup>3</sup> ואת בשמת בת ישמעאל אחות נביות<sup>4</sup> ותלד עדה לעשו את אליפז ובשמת ילדה את רעואל<sup>5</sup> ואהליבמה ילדה את **יעיש** **יעוש** ואת יעלם ואת קרח אלה בני עשו אשר ילדו לו בארץ כנען<sup>6</sup> ויקח עשו את נשיו ואת בניו ואת בנתיו ואת כל נפשות ביתו ואת מקנהו ואת כל בהמתו ואת כל קנינו אשר רכש בארץ כנען וילך אל ארץ מפני יעקב

1 BHS has been faithful to the Leningrad Codex where there might be a question of the validity of the form and we keep the same form as BHS.



זהב<sup>40</sup> ואלה שמות אלופי עשו  
למשפחתם למקמתם בשמתם אלוף  
תמנע אלוף עלוה אלוף יתת<sup>41</sup> אלוף  
אהליבמה אלוף אלה אלוף פינן<sup>42</sup> אלוף  
קנו אלוף תימן אלוף מבצר<sup>43</sup> אלוף  
מגדיאל אלוף עירם אלה אלופי אדום  
למשבתם בארץ אחזתם הוא עשו אבי  
אדום פ

**37** וישב יעקב בארץ מגורי אביו בארץ  
כנען<sup>2</sup> אלה תלדות יעקב יוסף בן שבע  
עשרה שנה היה רעה את אחיו בצאן  
והוא נער את בני בלהה ואת בני זלפה  
נשי אביו ויבא יוסף את דבתם רעה אל  
אביהם<sup>3</sup> וישראל אהב את יוסף מכל בניו  
כי בן זקנים הוא לו ועשה לו כתנת  
פסים<sup>4</sup> ויראו אחיו כי אתו אהב אביהם  
מכל אחיו וישנאו אתו ולא יכלו דברו  
לשלם<sup>5</sup> ויחלם יוסף חלום ויגד לאחיו  
ויספו עוד שנא אתו<sup>6</sup> ויאמר אליהם  
שמעו נא החלום הזה אשר  
חלמתי<sup>7</sup> והנה אנחנו מאלמים אלמים  
בתוך השדה והנה קמה אלמתי וגם  
נצבה והנה תסבינה אלמתיכם ותשתחווין  
לאלמתי<sup>8</sup> ויאמרו לו אחיו המלך תמלך  
עלינו אם משול תמשל בנו ויוספו עוד  
שנא אתו על חלמתיו ועל דבריו<sup>9</sup> ויחלם  
עוד חלום אחר ויספר אתו לאחיו ויאמר  
הנה חלמתי חלום עוד והנה השמש

וצבעון וענה<sup>21</sup> ודשון ואצר ודישן אלה  
אלופי החרי בני שעיר בארץ  
אדום<sup>22</sup> ויהיו בני לוטן חרי והימם ואחות  
לוטן תמנע<sup>23</sup> ואלה בני שובל עלון ומנחת  
ועיבל שפו ואונם<sup>24</sup> ואלה בני צבעון ואיה  
וענה הוא ענה אשר מצא את הימם  
במדבר ברעתו את החמרים לצבעון  
אביו<sup>25</sup> ואלה בני ענה דשן ואהליבמה בת  
ענה<sup>26</sup> ואלה בני דישן חמדן ואשבן ויתרן  
וכרן<sup>27</sup> אלה בני אצר בלהן וזעון  
ועקן<sup>28</sup> אלה בני דישן עוץ וארן<sup>29</sup> אלה  
אלופי החרי אלוף לוטן אלוף שובל אלוף  
צבעון אלוף ענה<sup>30</sup> אלוף דשן אלוף אצר  
אלוף דישן אלה אלופי החרי לאלפיהם  
בארץ פ שעיר פ

<sup>31</sup> ואלה המלכים אשר מלכו בארץ אדום  
לפני מלך מלך לבני ישראל<sup>32</sup> וימלך  
באדום בלע בן בעזר ושם עירו  
דנהבה<sup>33</sup> וימת בלע וימלך תחתיו יובב בן  
זרח מבצרה<sup>34</sup> וימת יובב וימלך תחתיו  
חשם מארץ התימני<sup>35</sup> וימת חשם וימלך  
תחתיו הדד בן בדד המכה את מדין  
בשדה מואב ושם עירו עוית<sup>36</sup> וימת הדד  
וימלך תחתיו שמלה ממשרקה<sup>37</sup> וימת  
שמלה וימלך תחתיו שאול מרחבות  
הנהר<sup>38</sup> וימת שאול וימלך תחתיו בעל  
חנן בן עכבור<sup>39</sup> וימת בעל חנן בן עכבור  
וימלך תחתיו הדר ושם עירו פעו ושם  
אשתו מהיטבאל בת מטרד בת מי

תשלחו בו למען הציל אתו מידם להשיבו  
 אל אביו<sup>23</sup> ויהי כאשר בא יוסף אל אחיו  
 ויפשיטו את יוסף את כתנתו את כתנת  
 הפסים אשר עליו<sup>24</sup> ויקחהו וישלכו אתו  
 הברה והבור רק אין בו מים<sup>25</sup> וישבו  
 לאכל לחם וישאו עיניהם ויראו והנה  
 ארחת ישמעאלים באה מגלעד וגמליהם  
 נשאים נכאת וצרי ולט הולכים להוריד  
 מצרימה<sup>26</sup> ויאמר יהודה אל אחיו מה  
 בצע כי נהרג את אחינו וכסינו את  
 דמו<sup>27</sup> לכו ונמכרנו לישמעאלים וידנו אל  
 תהי בו כי אחינו בשרנו הוא וישמעו  
 אחיו<sup>28</sup> ויעברו אנשים מדינים סחרים  
 וימשכו ויעלו את יוסף מן הבור וימכרו  
 את יוסף לישמעאלים בעשרים כסף  
 ויביאו את יוסף מצרימה<sup>29</sup> וישב ראובן  
 אל הבור והנה אין יוסף בבור ויקרע את  
 בגדיו<sup>30</sup> וישב אל אחיו ויאמר הילד איננו  
 ואני אנה אני בא<sup>31</sup> ויקחו את כתנת יוסף  
 וישחטו שעיר עזים ויטבלו את הכתנת  
 בדם<sup>32</sup> וישלחו את כתנת הפסים ויביאו  
 אל אביהם ויאמרו זאת מצאנו הכר נא  
 הכתנת בנך הוא אם לא<sup>33</sup> ויכירה ויאמר  
 כתנת בני חיה רעה אכלתהו טרף טרף  
 יוסף<sup>34</sup> ויקרע יעקב שמלתיו וישם שק  
 במתניו ויתאבל על בנו ימים  
 רבים<sup>35</sup> ויקמו כל בניו וכל בנתיו לנחמו  
 וימאן להתנחם ויאמר כי ארד אל בני  
 אבל שאלה ויבך אתו אביו<sup>36</sup> והמדנים

והירח ואחד עשר כוכבים משתחווים  
 לי<sup>10</sup> ויספר אל אביו ואל אחיו ויגער בו  
 אביו ויאמר לו מה החלום הזה אשר  
 חלמת הבוא נבוא אני ואמך ואחיד  
 להשתחות לך ארצה<sup>11</sup> ויקנאו בו אחיו  
 ואביו שמר את הדבר<sup>12</sup> וילכו אחיו  
 לרעות את צאן<sup>4</sup> אביהם בשכם<sup>13</sup> ויאמר  
 ישראל אל יוסף הלוא אחיד רעים בשכם  
 לכה ואשלחך אליהם ויאמר לו  
 הנני<sup>14</sup> ויאמר לו לך נא ראה את שלום  
 אחיד ואת שלום הצאן והשבני דבר  
 וישלחהו מעמק חברון ויבא  
 שכמה<sup>15</sup> וימצאהו איש והנה תעה בשדה  
 וישאלהו האיש לאמר מה  
 תבקש<sup>16</sup> ויאמר את אחי אנכי מבקש  
 הגידה נא לי איפה הם רעים<sup>17</sup> ויאמר  
 האיש נסעו מזה כי שמעתי אמרים נלכה  
 דתינה וילך יוסף אחר אחיו וימצאם  
 בדתן<sup>18</sup> ויראו אתו מרחק ובטרם יקרב  
 אליהם ויתנכלו אתו להמיתו<sup>19</sup> ויאמרו  
 איש אל אחיו הנה בעל החלמות הלזה  
 בא<sup>20</sup> ועתה לכו ונהרגהו ונשלכהו באחד  
 הברות ואמרנו חיה רעה אכלתהו ונראה  
 מה יהיו חלמתיו<sup>21</sup> וישמע ראובן ויצלהו  
 מידם ויאמר לא נכנו נפש<sup>22</sup> ויאמר  
 אלהם ראובן אל תשפכו דם השליכו אתו  
 אל הבור הזה אשר במדבר ויד אל

4 Puncta extraordinaria -- a \u05c4 is used to mark such marks in the text when they are above the line and a \u05c5 when they are below the line.

ותתעלף ותשב בפתח עינים אשר על דרך תמנתה כי ראתה כי גדל שלה והוא לא נתנה לו לאשה<sup>15</sup> ויראה יהודה ויחשבה לזונה כי כסתה פניה<sup>16</sup> ויט אליה אל הדרך ויאמר הבה נא אבוא אליך כי לא ידע כי כלתו הוא ותאמר מה תתן לי<sup>17</sup> כי תבוא אלי ויאמר אנכי אשלח גדי עזים מן הצאן ותאמר אם תתן ערבון עד שלחך<sup>18</sup> ויאמר מה הערבון אשר אתן לך ותאמר חתמך ופתילך ומטך אשר בידך ויתן לה ויבא אליה ותהר לו<sup>19</sup> ותקם ותלך ותסר צעיפה מעליה ותלבש בגדי אלמנותה<sup>20</sup> וישלח יהודה את גדי העזים ביד רעהו העדלמי לקחת הערבון מיד האשה ולא מצאה<sup>21</sup> וישאל את אנשי מקמה לאמר איה הקדשה הוא בעינים על הדרך ויאמרו לא היתה בזה קדשה<sup>22</sup> וישב אל יהודה ויאמר לא מצאתיה וגם אנשי המקום אמרו לא היתה בזה קדשה<sup>23</sup> ויאמר יהודה תקח לה פן נהיה לבוז הנה שלחתי הגדי הזה ואתה לא מצאתה<sup>24</sup> ויהי כמשלש חדשים ויגד ליהודה לאמר זנתה תמר כלתך וגם הנה הרה לזנונים ויאמר יהודה הוציאוה ותשרף<sup>25</sup> הוא מוצאת והיא שלחה אל חמיה לאמר לאיש אשר אלה לו אנכי הרה ותאמר הכר נא למי החתמת

1 BHS has been faithful to the Leningrad Codex where there might be a question of the validity of the form and we keep the same form as BHS.

מכרו אתו אל מצרים לפוטיפר סריס פרעה שר הטבחים פ

**38** ויהי בעת ההוא וירד יהודה מאת אחיו ויט עד איש עדלמי ושמו חירה<sup>2</sup> וירא שם יהודה בת איש כנעני ושמו שוע ויקחה ויבא אליה<sup>3</sup> ותהר ותלד בן ויקרא את שמו ער<sup>4</sup> ותהר עוד ותלד בן ותקרא את שמו אונן<sup>5</sup> ותסוף עוד ותלד בן ותקרא את שמו שלה והיה בכזיב בלדתה אתו<sup>6</sup> ויקח יהודה אשה לער בכורו ושמה תמר<sup>7</sup> ויהי ער בכור יהודה רע בעיני יהודה וימתהו יהודה<sup>8</sup> ויאמר יהודה לאונן בא אל אשת אחיך ויבם אתה והקם זרע לאחיך<sup>9</sup> וידע אונן כי לא<sup>1</sup> לו יהיה הזרע והיה אם בא אל אשת אחיו ושחת ארצה לבלתי נתן זרע לאחיו<sup>10</sup> וירע בעיני יהודה אשר עשה וימת גם אתו<sup>11</sup> ויאמר יהודה לתמר כלתו שבי אלמנה בית אביך עד יגדל שלה בני כי אמר פן ימות גם הוא כאחיו ותלך תמר ותשב בית אביה<sup>12</sup> וירבו הימים ותמת בת שוע אשת יהודה וינחם יהודה ויעל על גזוי צאנו הוא וחירה רעהו העדלמי תמנתה<sup>13</sup> ויגד לתמר לאמר הנה חמיק עלה תמנתה לגו צאנו<sup>14</sup> ותסר בגדי אלמנותה מעליה ותכס בצעיף

1 BHS has been faithful to the Leningrad Codex where there might be a question of the validity of the form and we keep the same form as BHS.

יוסף ותאמר שכבה עמי<sup>8</sup> וימאן ויאמר אל אשת אדניו הן אדני לא ידע אתי מה בבית וכל אשר יש לו נתן בידי<sup>9</sup> איננו גדול בבית הזה ממני ולא חשך ממני מאומה כי אם אותך באשר את אשתו ואיך אעשה הרעה הגדלה הזאת וחטאתי לאלהים<sup>10</sup> ויהי כדברה אל יוסף יום יום ולא שמע אליה לשכב אצלה להיות עמה<sup>11</sup> ויהי כהיום הזה ויבא הביתה לעשות מלאכתו ואין איש מאנשי הבית שם בבית<sup>12</sup> ותתפשוהו בבגדו לאמר שכבה עמי ויעזב בגדו בידה וינס ויצא החוצה<sup>13</sup> ויהי כראותה כי עזב בגדו בידה וינס החוצה<sup>14</sup> ותקרא לאנשי ביתה ותאמר להם לאמר ראו הביא לנו איש עברי לצחק בנו בא אלי לשכב עמי ואקרא בקול גדול<sup>15</sup> ויהי כשמעו כי הרימתי קולי ואקרא ויעזב בגדו אצלי וינס ויצא החוצה<sup>16</sup> ותנח בגדו אצלה עד בוא אדניו אל ביתו<sup>17</sup> ותדבר אליו כדברים האלה לאמר בא אלי העבד העברי אשר הבאת לנו לצחק בי<sup>18</sup> ויהי כהרימי קולי ואקרא ויעזב בגדו אצלי וינס החוצה<sup>19</sup> ויהי כשמע אדניו את דברי אשתו אשר דברה אליו לאמר כדברים האלה עשה<sup>1</sup> לי עבדך ויחר אפו<sup>20</sup> ויקח אדני יוסף אתו ויתנהו אל בית הסהר

והפתילים והמטה האלה<sup>26</sup> ויכר יהודה ויאמר צדקה ממני כי על כן לא נתתיה לשלה בני ולא יסף עוד לדעתה<sup>1</sup> ויהי בעת לדתה והנה תאומים בבטנה<sup>28</sup> ויהי בלדתה ויתן יד ותקח המילדת ותקשר על ידו שני לאמר זה יצא ראשונה<sup>29</sup> ויהי כמשיב ידו והנה יצא אחיו ותאמר מה פרצת עליך פרץ ויקרא שמו פרץ<sup>30</sup> ואחר יצא אחיו אשר על ידו השני ויקרא שמו זרח ׀

**39** ויוסף הורד מצרימה ויקנהו פוטיפר סריס פרעה שר הטבחים איש מצרי מיד הישמעאלים אשר הורדהו שמה<sup>2</sup> ויהי יהוה את יוסף ויהי איש מצליח ויהי בבית אדניו המצרי<sup>3</sup> וירא אדניו כי יהוה אתו וכל אשר הוא עשה יהוה מצליח בידו<sup>4</sup> וימצא יוסף חן בעיניו וישרת אתו ויפקדהו על ביתו וכל יש לו נתן בידו<sup>5</sup> ויהי מאז הפקיד אתו בביתו ועל כל אשר יש לו ויברך יהוה את בית המצרי בגלל יוסף ויהי ברכת יהוה בכל אשר יש לו בבית ובשדה<sup>6</sup> ויעזב כל אשר לו ביד יוסף ולא ידע אתו מאומה כי אם הלחם אשר הוא אוכל ויהי יוסף יפה תאר ויפה מראה<sup>7</sup> ויהי אחר הדברים האלה ותשא אשת אדניו את עיניה אל

1 BHS has been faithful to the Leningrad Codex where there might be a question of the validity of the form and we keep the same form as BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

מקום אשר <sup>אסורי</sup> אסירי המלך אסורים ויהי שם בבית הסהר <sup>21</sup> ויהי יהוה את יוסף ויט אליו חסד ויתן חנו בעיניו שר בית הסהר <sup>22</sup> ויתן שר בית הסהר ביד יוסף את כל האסירים אשר בבית הסהר ואת כל אשר עשים שם הוא היה עשה <sup>23</sup> אין שר בית הסהר ראה את כל מאומה בידו באשר יהוה אתו ואשר הוא עשה יהוה מצליח ס

פתרנים ספרו נא לי <sup>9</sup> ויספר שר המשקים את חלמו ליוסף ויאמר לו בחלומי והנה גפן לפני <sup>10</sup> ובגפן שלשה שריגם והיא כפרחת עלתה נצה הבשילו אשכלתיה ענבים <sup>11</sup> וכוס פרעה בידי ואקח את הענבים ואשחט אתם אל כוס פרעה ואתן את הכוס על כף פרעה <sup>12</sup> ויאמר לו יוסף זה פתרנו שלשת השרגים שלשת ימים הם <sup>13</sup> בעוד שלשת ימים ישא פרעה את ראשך והשיבך על כנך ונתת כוס פרעה בידו כמשפט הראשון אשר היית משקהו <sup>14</sup> כי אם זכרתני אתך כאשר ייטב לך ועשית נא עמדי חסד והזכרתני אל פרעה והוצאתני מן הבית הזה <sup>15</sup> כי גנב גנבתי מארץ העברים וגם פה לא עשיתי מאומה כי שמו אתי בבור <sup>16</sup> וירא שר האפים כי טוב פתר ויאמר אל יוסף אף אני בחלומי והנה שלשה סלי חרי על ראשי <sup>17</sup> ובסל העליון מכל מאכל פרעה מעשה אפה והעוף אכל אתם מן הסל מעל ראשי <sup>18</sup> ויען יוסף ויאמר זה פתרנו שלשת הסלים שלשת ימים הם <sup>19</sup> בעוד שלשת ימים ישא פרעה את ראשך מעליך ותלה אותך על עץ ואכל העוף את בשרך מעליך <sup>20</sup> ויהי ביום השלישי יום<sup>c</sup> הלדת את פרעה ויעש משתה לכל עבדיו

40 ויהי אחר הדברים האלה חטאו משקה מלך מצרים והאפה לאדניהם למלך מצרים <sup>2</sup> ויקצף פרעה על שני סריסיו על שר המשקים ועל שר האופים <sup>3</sup> ויתן אתם במשמר בית שר הטבחים <sup>1</sup> אל בית הסהר מקום אשר יוסף אסור שם <sup>4</sup> ויפקד שר הטבחים את יוסף אתם וישרת אתם ויהיו ימים במשמר <sup>5</sup> ויחלמו חלום שניהם איש חלמו בלילה אחד איש כפתרון חלמו המשקה והאפה אשר למלך מצרים אשר אסורים בבית הסהר <sup>6</sup> ויבא אליהם יוסף בבקר וירא אתם והנם זעפים <sup>7</sup> וישאל את סריסי פרעה אשר אתו במשמר בית אדניו לאמר מדוע פניכם רעים היום <sup>8</sup> ויאמרו אליו חלום חלמנו ופתר אין אתו ויאמר אלהם יוסף הלוא לאלהים

<sup>c</sup> We read one or more accents in L differently than BHS. Often this notation indicates a typographical error in BHS.

<sup>1</sup> BHS has been faithful to the Leningrad Codex where there might be a question of the validity of the form and we keep the same form as BHS.

האפים<sup>11</sup> ונחלמה חלום בלילה אחד אני  
 והוא איש כפתרון חלמו חלמנו<sup>12</sup> ושם  
 אתנו נער עברי עבד לשר הטבחים  
 ונספר לו<sup>1</sup> ויפתר לנו את חלמתינו איש  
 כחלמו פתר<sup>13</sup> ויהי כאשר פתר לנו כן  
 היה אתי השיב על כני ואתו  
 תלה<sup>14</sup> וישלח פרעה ויקרא את יוסף  
 ויריצהו מן הבור ויגלח ויחלף שמלתיו  
 ויבא אל פרעה<sup>15</sup> ויאמר פרעה אל יוסף  
 חלום חלמתי ופתר אין אתו ואני שמעתי  
 עליך לאמר תשמע חלום לפתר  
 אתו<sup>16</sup> ויען יוסף את פרעה לאמר בלעדי  
 אלהים יענה את שלום פרעה<sup>17</sup> וידבר  
 פרעה אל יוסף בחלמי הנני עמד על  
 שפת היאר<sup>18</sup> והנה מן היאר עלת שבע  
 פרות בריאות בשר ויפת תאר ותרענה  
 באחו<sup>19</sup> והנה שבע פרות אחרות עלות  
 אחריהן דלות ורעות תאר מאד ורקות  
 בשר לא ראיתי כהנה בכל ארץ מצרים  
 לרע<sup>20</sup> ותאכלנה הפרות הרקות והרעות  
 את שבע הפרות הראשנות  
 הבריאת<sup>21</sup> ותבאנה אל קרבנה ולא נודע  
 כי באו אל קרבנה ומראיהן רע כאשר  
 בתחלה ואיקץ<sup>22</sup> וארא בחלמי והנה שבע  
 שבלים עלת בקנה אחד מלאת  
 וטבות<sup>23</sup> והנה שבע שבלים צנמות דקות  
 שדפות קדים צמחות אחריהם<sup>24</sup> ותבלען

וישא את ראש שר המשקים ואת ראש  
 שר האפים בתוך עבדיו<sup>21</sup> וישב את שר  
 המשקים על משקהו ויתן הכוס על כף  
 פרעה<sup>22</sup> ואת שר האפים תלה כאשר  
 פתר להם יוסף<sup>23</sup> ולא זכר שר המשקים  
 את יוסף וישכחהו פ

**41** ויהי מקץ שנתים ימים ופרעה חלם  
 והנה עמד על היאר<sup>2</sup> והנה מן היאר עלת  
 שבע פרות יפות מראה ובריאת בשר  
 ותרענה באחו<sup>3</sup> והנה שבע פרות אחרות  
 עלות אחריהן מן היאר רעות מראה  
 ודקות בשר ותעמדנה אצל הפרות על  
 שפת היאר<sup>4</sup> ותאכלנה הפרות רעות  
 המראה ודקת הבשר את שבע הפרות  
 יפת המראה והבריאת וייקץ  
 פרעה<sup>5</sup> ויישן ויחלם שנית והנה שבע  
 שבלים עלות בקנה אחד בריאות  
 וטבות<sup>6</sup> והנה שבע שבלים דקות ושדופת  
 קדים צמחות אחריהן<sup>7</sup> ותבלענה  
 השבלים הדקות את שבע השבלים  
 הבריאות והמלאות וייקץ פרעה והנה  
 חלום<sup>8</sup> ויהי בבקר ותפעם רוחו וישלח  
 ויקרא את כל חרטמי מצרים ואת כל  
 חכמיה ויספר פרעה להם את חלמו ואין  
 פותר אותם לפרעה<sup>9</sup> וידבר שר המשקים  
 את פרעה לאמר את חטאי אני מזכיר  
 היום<sup>10</sup> פרעה קצף על עבדיו ויתן אתי  
 במשמר בית שר הטבחים אתי ואת שר

1 BHS has been faithful to the Leningrad Codex where there might be a question of the validity of the form and we keep the same form as BHS.

תהיין בארץ מצרים ולא תכרת הארץ  
 ברעב<sup>37</sup> וייטב הדבר בעיני פרעה ובעיני  
 כל עבדיו<sup>38</sup> ויאמר פרעה אל עבדיו  
 הנמצא כזה איש אשר רוח אלהים  
 בו<sup>39</sup> ויאמר פרעה אל יוסף אחרי הודיע  
 אלהים אותך את כל זאת אין נבון וחכם  
 כמוך<sup>40</sup> אתה תהיה על ביתי ועל פיד  
 ישק כל עמי רק הכסא אגדל  
 ממך<sup>41</sup> ויאמר פרעה אל יוסף ראה נתתי  
 אתך על כל ארץ מצרים<sup>42</sup> ויסר פרעה  
 את טבעתו מעל ידו ויתן אתה על יד  
 יוסף וילבש אתו בגדי שש וישם רבד  
 הזהב על צוארו<sup>43</sup> וירכב אתו במרכבת  
 המשנה אשר לו ויקראו לפניו אברך  
 ונתון אתו על כל ארץ מצרים<sup>44</sup> ויאמר  
 פרעה אל יוסף אני פרעה ובלעדיך לא  
 ירים איש את ידו ואת רגלו בכל ארץ  
 מצרים<sup>45</sup> ויקרא פרעה שם יוסף צפנת  
 פענח ויתן לו את אסנת בת פוטי פרע  
 כהן אן לאשה ויצא יוסף על ארץ  
 מצרים<sup>46</sup> ויוסף בן שלשים שנה בעמדו  
 לפני פרעה מלך מצרים ויצא יוסף מלפני  
 פרעה ויעבר<sup>1</sup> בכל ארץ מצרים<sup>47</sup> ותעש  
 הארץ בשבע שני השבע  
 לקמצים<sup>48</sup> ויקבץ את כל אכל שבע שנים  
 אשר היו בארץ מצרים ויתן אכל בערים  
 אכל שדה העיר אשר סביבתיה נתן

השבלים<sup>1</sup> הדקת את שבע השבלים  
 הטבות ואמר אל החרטמים ואין מגיד  
 לי<sup>25</sup> ויאמר יוסף אל פרעה חלום פרעה  
 אחד הוא את אשר האלהים עשה הגיד  
 לפרעה<sup>26</sup> שבע פרת הטבת שבע שנים  
 הנה ושבע השבלים הטבת שבע שנים  
 הנה חלום אחד הוא<sup>27</sup> ושבע הפרות  
 הרקות והרעת העלת אחריהן שבע שנים  
 הנה ושבע השבלים הרקות שדפות  
 הקדים יהיו שבע שני רעב<sup>28</sup> הוא הדבר  
 אשר דברתי אל פרעה אשר האלהים  
 עשה הראה את פרעה<sup>29</sup> הנה שבע שנים  
 באות שבע גדול בכל ארץ מצרים<sup>30</sup> וקמו  
 שבע שני רעב אחריהן ונשכח כל השבע  
 בארץ מצרים וכלה הרעב את  
 הארץ<sup>31</sup> ולא יודע השבע בארץ מפני  
 הרעב ההוא אחרי כן כי כבד הוא  
 מאד<sup>32</sup> ועל השנות החלום אל פרעה  
 פעמים כי נכון הדבר מעם האלהים  
 וממהר האלהים לעשתו<sup>33</sup> ועתה ירא  
 פרעה איש נבון וחכם וישיתו על ארץ  
 מצרים<sup>34</sup> יעשה פרעה ויפקד פקדים על  
 הארץ וחמש את ארץ מצרים בשבע שני  
 השבע<sup>35</sup> ויקבצו את כל אכל השנים  
 הטבת הבאת האלה ויצברו בר תחת יד  
 פרעה אכל בערים ושמרו<sup>36</sup> והיה האכל  
 לפקדון לארץ לשבע שני הרעב אשר

1 BHS has been faithful to the Leningrad Codex where there might be a question of the validity of the form and we keep the same form as BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

הבאים כי היה הרעב בארץ כנען<sup>6</sup> ויוסף  
הוא השליט על הארץ הוא המשביר לכל  
עם הארץ ויבאו אחי יוסף וישתחוּ לו  
אפים ארצה<sup>7</sup> וירא יוסף את אחיו ויכרם  
ויתנכר אליהם וידבר אתם קשות ויאמר  
אלהם מאין באתם ויאמרו מארץ כנען  
לשבר אכל<sup>8</sup> ויכר יוסף את אחיו והם לא  
הכרהו<sup>9</sup> ויזכר יוסף את החלמות אשר  
חלם להם ויאמר אלהם מרגלים אתם  
לראות את ערות הארץ באתם<sup>10</sup> ויאמרו  
אליו לא אדני ועבדיך באו לשבר  
אכל<sup>11</sup> כלנו בני איש אחד נחנו כנים  
אנחנו לא היו עבדיך מרגלים<sup>12</sup> ויאמר  
אלהם לא כי ערות הארץ באתם  
לראות<sup>13</sup> ויאמרו שנים עשר עבדיך אחים  
אנחנו בני איש אחד בארץ כנען והנה  
הקטן את אבינו היום והאחד  
איננו<sup>14</sup> ויאמר אלהם יוסף הוא אשר  
דברתי אלכם לאמר מרגלים  
אתם<sup>15</sup> בזאת תבחנו חי פרעה אם תצאו  
מזה כי אם בבוא אחיכם הקטן  
הנה<sup>16</sup> שלחו מכם אחד ויקח את אחיכם  
ואתם האסרו ויבחנו דבריכם האמת  
אתכם ואם לא חי פרעה כי מרגלים  
אתם<sup>17</sup> ויאסף אתם אל משמר שלשת  
ימים<sup>18</sup> ויאמר אלהם יוסף ביום השלישי  
זאת עשו וחיו את האלהים אני ירא<sup>19</sup> אם  
כנים אתם אחיכם אחד יאסר בבית  
משמרכם ואתם לכו הביאו שבר רעבון

בתוכה<sup>49</sup> ויצבר יוסף בר כחול הים הרבה  
מאד עד כי חדל לספר כי אין  
מספר<sup>50</sup> וליוסף ילד שני בנים בטרם  
תבוא שנת הרעב אשר ילדה לו אסנת  
בת פוטי פרע כהן און<sup>51</sup> ויקרא יוסף את  
שם הבכור מנשה כי נשני אלהים את כל  
עמלי ואת כל בית אבי<sup>52</sup> ואת שם השני  
קרא אפרים כי הפרני אלהים בארץ  
עניי<sup>53</sup> ותכלינה שבע שני השבע אשר  
היה בארץ מצרים<sup>54</sup> ותחלינה שבע שני  
הרעב לבוא כאשר אמר יוסף ויהי רעב  
בכל הארצות ובכל ארץ מצרים היה  
לחם<sup>55</sup> ותרעב כל ארץ מצרים ויצעק  
העם אל פרעה ללחם ויאמר פרעה לכל  
מצרים לכו אל יוסף אשר יאמר לכם  
תעשו<sup>56</sup> והרעב היה על כל פני הארץ  
ויפתח יוסף את כל אשר בהם וישבר  
למצרים ויחזק הרעב בארץ מצרים<sup>57</sup> וכל  
הארץ באו מצרימה לשבר אל יוסף כי  
חזק הרעב בכל הארץ

**42** וירא יעקב כי יש שבר במצרים  
ויאמר יעקב לבניו למה תתראו<sup>2</sup> ויאמר  
הנה שמעתי כי יש שבר במצרים רדו  
שמה ושבירו לנו משם ונחיה ולא  
נמות<sup>3</sup> וירדו אחי יוסף עשרה לשבר בר  
ממצרים<sup>4</sup> ואת בנימין אחי יוסף לא שלח  
יעקב את אחיו כי אמר פן יקראנו  
אסון<sup>5</sup> ויבאו בני ישראל לשבר בתוך



אחיכם האחד הניחו אתי ואת רעבון  
 בתיכם קחו ולכו<sup>34</sup> והביאו את אחיכם  
 הקטן אלי ואדעה כי לא מרגלים אתם כי  
 כנים אתם את אחיכם אתן לכם ואת  
 הארץ תסחרו<sup>35</sup> ויהי הם מריקים שקיהם  
 והנה איש צרור כספו בשקו ויראו את  
 צרות כספיהם המה ואביהם  
 וייראו<sup>36</sup> ויאמר אלהם יעקב אביהם אתי  
 שכלתם יוסף איננו ושמעון איננו ואת  
 בנימן תקחו עלי היו כלנה<sup>37</sup> ויאמר ראובן  
 אל אביו לאמר את שני בני תמית אם לא  
 אביאנו אליך תנה אתו על ידי ואני  
 אשיבנו אליך<sup>38</sup> ויאמר לא ירד בני עמכם  
 כי אחיו מת והוא לבדו נשאר וקראהו  
 אסון בדרך אשר תלכו בה והורדתם את  
 שיבתי ביגון שאולה

**43** והרעב כבד בארץ<sup>2</sup> ויהי כאשר כלו  
 לאכל את השבר אשר הביאו ממצרים  
 ויאמר אליהם אביהם שבו שברו לנו  
 מעט אכל<sup>3</sup> ויאמר אליו יהודה לאמר  
 העד העד בנו האיש לאמר לא תראו פני  
 בלתי אחיכם אתכם<sup>4</sup> אם ישך משלח את  
 אחינו אתנו נרדה ונשברה לך אכל<sup>5</sup> ואם  
 אינך משלח לא נרד כי האיש אמר אלינו  
 לא תראו פני בלתי אחיכם  
 אתכם<sup>6</sup> ויאמר ישראל למה הרעתם לי  
 להגיד לאיש העוד לכם אח<sup>7</sup> ויאמרו  
 שאול שאל האיש לנו ולמולדתנו לאמר

בתיכם<sup>20</sup> ואת אחיכם הקטן תביאו אלי  
 ויאמנו דבריכם ולא תמותו ויעשו  
 כן<sup>21</sup> ויאמרו איש אל אחיו אבל אשמים  
 אנחנו על אחינו אשר ראינו צרת נפשו  
 בהתחננו אלינו ולא שמענו על כן באה  
 אלינו הצרה הזאת<sup>22</sup> ויען ראובן אתם  
 לאמר הלוא אמרתי אליכם לאמר אל  
 תחטאו בילד ולא שמעתם וגם דמו הנה  
 נדרש<sup>23</sup> והם לא ידעו כי שמע יוסף כי  
 המליץ בינתם<sup>24</sup> ויסב מעליהם ויבך וישב  
 אלהם וידבר אלהם ויקח מאתם את  
 שמעון ויאסר אתו לעיניהם<sup>25</sup> ויצו יוסף  
 וימלאו את כליהם בר ולהשיב כספיהם  
 איש אל שקו ולתת להם צדה לדרך ויעש  
 להם כן<sup>26</sup> וישאו את שברם על חמריהם  
 וילכו משם<sup>27</sup> ויפתח האחד את שקו לתת  
 מספוא לחמרו במלון וירא את כספו  
 והנה הוא בפי אמתחתו<sup>28</sup> ויאמר אל  
 אחיו הושב כספי וגם הנה באמתחתי  
 ויצא לבם ויחרדו איש אל אחיו לאמר  
 מה זאת עשה אלהים לנו<sup>29</sup> ויבאו אל  
 יעקב אביהם ארצה כנען ויגידו לו את כל  
 הקרת אתם לאמר<sup>30</sup> דבר האיש אדני  
 הארץ אתנו קשות ויתן אתנו כמרגלים  
 את הארץ<sup>31</sup> ונאמר אליו כנים אנחנו לא  
 היינו מרגלים<sup>32</sup> שנים עשר אנחנו אחים  
 בני אבינו האחד איננו והקטן היום את  
 אבינו בארץ כנען<sup>33</sup> ויאמר אלינו האיש  
 אדני הארץ בזאת אדע כי כנים אתם

יוסף ויאמרו על דבר הכסף השב  
 באמתחתינו בתחלה אנחנו מובאים  
 להתגלל עלינו ולהתנפל עלינו ולקחת  
 אתנו לעבדים ואת חמרנו<sup>19</sup> ויגשו אל  
 האיש אשר על בית יוסף וידברו אליו  
 פתח הבית<sup>20</sup> ויאמרו בי אדני ירד ירדנו  
 בתחלה לשבר אכל<sup>21</sup> ויהי כי באנו אל  
 המלון ונפתחה את אמתחתינו והנה כסף  
 איש בפי אמתחתו כספנו במשקלו ונשב  
 אתו בידנו<sup>22</sup> וכסף אחר הורדנו בידנו  
 לשבר אכל לא ידענו מי שם כספנו  
 באמתחתינו<sup>23</sup> ויאמר שלום לכם אל  
 תיראו אלהיכם ואלהי אביכם נתן לכם  
 מטמון באמתחתיכם כספכם בא אלי  
 ויוצא אלהם את שמעון<sup>24</sup> ויבא האיש  
 את האנשים ביתה יוסף ויתן מים וירחצו  
 רגליהם ויתן מספוא לחמריהם<sup>25</sup> וכינו  
 את המנחה עד בוא יוסף בצהרים כי  
 שמעו כי שם יאכלו לחם<sup>26</sup> ויבא יוסף  
 הביתה ויביאו לו את המנחה אשר בידם  
 הביתה וישתחו לו ארצה<sup>27</sup> וישאל להם  
 לשלום ויאמר השלום אביכם הזקן אשר  
 אמרתם העודנו חי<sup>28</sup> ויאמרו שלום  
 לעבדך לאבינו עודנו חי ויקדו **וישתחו**  
**וישתחו**<sup>1</sup><sup>29</sup> וישא עיניו וירא את בנימין  
 אחיו בן אמו ויאמר הזה אחיכם הקטן  
 אשר אמרתם אלי ויאמר אלהים יחנך

העוד אביכם חי היש לכם אח ונגד לו<sup>1</sup>  
 על פי הדברים האלה הידוע נדע כי יאמר  
 הורידו את אחיכם<sup>8</sup> ויאמר יהודה אל  
 ישראל אביו שלחה הנער אתי ונקומה  
 ונלכה ונחיה ולא נמות גם אנחנו גם  
 אתה גם טפנו<sup>9</sup> אנכי אערבנו מידי  
 תבקשנו אם לא הביאתי אליך והצגתיו  
 לפניך וחטאתי לך כל הימים<sup>10</sup> כי לולא  
 התמהמהנו כי עתה שבנו זה  
 פעמים<sup>11</sup> ויאמר אלהם ישראל אביהם  
 אם כן אפוא זאת עשו קחו מזמרת  
 הארץ בכליכם והורידו לאיש מנחה מעט  
 צרי ומעט דבש נכאת ולט בטנים  
 ושקדים<sup>12</sup> וכסף משנה קחו בידכם ואת  
 הכסף המושב בפי אמתחתיכם תשיבו  
 בידכם אולי משגה הוא<sup>13</sup> ואת אחיכם  
 קחו וקומו שובו אל האיש<sup>14</sup> ואל שדי יתן  
 לכם רחמים לפני האיש ושלח לכם את  
 אחיכם אחר ואת בנימין ואני כאשר  
 שכלתי שכלתי<sup>15</sup> ויקחו האנשים את  
 המנחה הזאת ומשנה כסף לקחו בידם  
 ואת בנימין ויקמו וירדו מצרים ויעמדו  
 לפני יוסף<sup>16</sup> וירא יוסף אתם את בנימין  
 ויאמר לאשר על ביתו הבא את האנשים  
 הביתה וטבח טבח והכן כי אתי יאכלו  
 האנשים בצהרים<sup>17</sup> ויעש האיש כאשר  
 אמר יוסף ויבא האיש את האנשים ביתה  
 יוסף<sup>18</sup> ויראו האנשים כי הובאו בית

1 BHS has been faithful to the Leningrad Codex where there might be a question of the validity of the form and we keep the same form as BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

בפי אמתחתינו השיבנו אליך מארץ כנען ואיך נגנב מבית אדניך כסף או זהב<sup>9</sup> אשר ימצא אתו מעבדיך ומת וגם אנחנו נהיה לאדני לעבדים<sup>10</sup> ויאמר גם עתה כדבריתכם כן הוא אשר ימצא אתו יהיה לי עבד ואתם תהיו נקים<sup>11</sup> וימהרו ויורדו איש את אמתחתו ארצה ויפתחו איש אמתחתו<sup>12</sup> ויחפש בגדול החל ובקטן כלה וימצא הגביע באמתחת בנימן<sup>13</sup> ויקרעו שמלתם ויעמס איש על חמרו וישבו העירה<sup>14</sup> ויבא יהודה ואחיו ביתה יוסף והוא עודנו שם ויפלו לפניו ארצה<sup>15</sup> ויאמר להם יוסף מה המעשה הזה אשר עשיתם הלוא ידעתם כי נחש ינחש איש אשר כמני<sup>16</sup> ויאמר יהודה מה נאמר לאדני מה נדבר ומה נצטדק האלהים מצא את עון עבדיך הננו עבדים לאדני גם אנחנו גם אשר נמצא הגביע בידו<sup>17</sup> ויאמר חלילה לי מעשות זאת האיש אשר נמצא הגביע בידו הוא יהיה לי עבד ואתם עלו לשלום אל אביכם<sup>18</sup> ויגש אליו יהודה ויאמר בי אדני ידבר נא עבדך דבר באזני אדני ואל יחר אפך בעבדך כי כמוך כפרעה<sup>19</sup> אדני שאל את עבדיו לאמר היש לכם אב או אח<sup>20</sup> ונאמר אל אדני יש לנו אב זקן וילד זקנים קטן ואחיו מת ויותר הוא לבדו לאמו ואביו אהבו<sup>21</sup> ותאמר אל עבדיך הורדהו אלי ואשימה עיני עליו<sup>22</sup> ונאמר

בני<sup>30</sup> וימהר יוסף כי נכמרו רחמיו אל אחיו ויבקש לבכות ויבא החדרה ויבך שמה<sup>31</sup> וירחץ פניו ויצא ויתאפק ויאמר שימו לחם<sup>32</sup> וישימו לו לבדו ולהם לבדם ולמצרים האכלים אתו לבדם כי לא יוכלון המצרים לאכל את העברים לחם כי תועבה הוא למצרים<sup>33</sup> וישבו לפניו הבכר כבכרתו והצעיר כצערתו ויתמהו האנשים איש אל רעהו<sup>34</sup> וישא משאת מאת פניו אלהם ותרב משאת בנימן ממשאת כלם חמש ידות וישתו וישכרו עמו

**44** ויצו את אשר על ביתו לאמר מלא את אמתחת האנשים אכל כאשר יוכלון שאת ושים כסף איש בפי אמתחתו<sup>2</sup> ואת גביעי גביע הכסף תשים בפי אמתחת הקטן ואת כסף שברו ויעש כדבר יוסף אשר דבר<sup>3</sup> הבקר אור והאנשים שלחו המה וחמריהם<sup>4</sup> הם יצאו את העיר לא הרחיקו ויוסף אמר לאשר על ביתו קום רדף אחרי האנשים והשגתם ואמרת אלהם למה שלמתם רעה תחת טובה<sup>5</sup> הלוא זה אשר ישתה אדני בו והוא נחש ינחש בו הרעתם אשר עשיתם<sup>6</sup> וישגם וידבר אלהם את הדברים האלה<sup>7</sup> ויאמרו אליו למה ידבר אדני כדברים האלה חלילה לעבדיך מעשות כדבר הזה<sup>8</sup> הן כסף אשר מצאנו

אחיו<sup>2</sup> ויתן את קלו בבכי וישמעו מצרים וישמע בית פרעה<sup>3</sup> ויאמר יוסף אל אחיו אני יוסף העוד אבי חי ולא יכלו אחיו לענות אתו כי נבהלו מפניו<sup>4</sup> ויאמר יוסף אל אחיו גשו נא אלי ויגשו ויאמר אני יוסף אחיכם אשר מכרתם אתי מצרימה<sup>5</sup> ועתה אל תעצבו ואל יחר בעיניכם כי מכרתם אתי הנה כי למחיה שלחני אלהים לפניכם<sup>6</sup> כי זה שנתים הרעב בקרב הארץ ועוד חמש שנים אשר אין חריש וקציר<sup>1</sup> וישלחני אלהים לפניכם לשום לכם שארית בארץ ולהחיות לכם לפליטה גדלה<sup>8</sup> ועתה לא אתם שלחתם אתי הנה כי האלהים וישימני לאב לפרעה ולאדון לכל ביתו ומשל בכל ארץ מצרים<sup>9</sup> מהרו ועלו אל אבי ואמרתם אליו כה אמר בנך יוסף שמני אלהים לאדון לכל מצרים רדה אלי אל תעמד<sup>10</sup> וישבת בארץ גשן והיית קרוב אלי אתה ובניך ובני בניך וצאנך ובקרך וכל אשר לך<sup>11</sup> וכלכלתי אתך שם כי עוד חמש שנים רעב פן תורש אתה וביתך וכל אשר לך<sup>12</sup> והנה עיניכם ראות ועיני אחי בנימין כי פי המדבר אליכם<sup>13</sup> והגדתם לאבי את כל כבודי במצרים ואת כל אשר ראיתם ומהרתם והורדתם את אבי הנה<sup>14</sup> ויפל על צוארי

אל אדני לא יוכל הנער לעזב את אביו ועזב את אביו ומת<sup>23</sup> ותאמר אל עבדיך אם לא ירד אחיכם הקטן אתכם לא תספון לראות פני<sup>24</sup> ויהי כי עלינו אל עבדך אבי ונגד לו את דברי אדני<sup>25</sup> ויאמר אבינו שבו שברו לנו מעט אכל<sup>26</sup> ונאמר לא נוכל לרדת אם יש אחינו הקטן אתנו וירדנו כי לא נוכל לראות פני האיש ואחינו הקטן איננו אתנו<sup>27</sup> ויאמר עבדך אבי אלינו אתם ידעתם כי שנים ילדה לי אשתי<sup>28</sup> ויצא האחד מאתי ואמר אך טרף טרף ולא ראיתיו עד הנה<sup>29</sup> ולקחתם גם את זה מעם פני וקרהו אסון והורדתם את שיבתי ברעה שאלה<sup>30</sup> ועתה כבאי אל עבדך אבי והנער איננו אתנו ונפשו קשורה בנפשו<sup>31</sup> והיה כראותו כי אין הנער ומת והורידו עבדיך את שיבת עבדך אבינו ביגון שאלה<sup>32</sup> כי עבדך ערב את הנער מעם אבי לאמר אם לא אביאנו אליך וחטאתי לאבי כל הימים<sup>33</sup> ועתה ישב נא עבדך תחת הנער עבד לאדני והנער יעל עם אחיו<sup>34</sup> כי איך אעלה אל אבי והנער איננו אתי פן אראה ברע אשר ימצא את אבי

**45** ולא יכל יוסף להתאפק לכל הנצבים עליו ויקרא הוציאו כל איש מעלי ולא עמד איש אתו בהתודע יוסף אל

1 BHS has been faithful to the Leningrad Codex where there might be a question of the validity of the form and we keep the same form as BHS.

חי אלכה ואראנו בטרם אמות

**46** ויסע ישראל וכל אשר לו ויבא בארה שבע ויזבח זבחים לאלהי אביו יצחק<sup>2</sup> ויאמר אלהים לישראל במראת הלילה ויאמר יעקב יעקב ויאמר הנני<sup>3</sup> ויאמר אנכי האל אלהי אביך אל תירא מרדה מצרימה כי לגוי גדול אשימך שם<sup>4</sup> אנכי ארד עמך מצרימה ואנכי אעלך גם עלה ויוסף ישית ידו על עיניך<sup>5</sup> ויקם יעקב מבאר שבע וישאו בני ישראל את יעקב אביהם ואת טפם ואת נשיהם בעגלות אשר שלח פרעה לשאת אתו<sup>6</sup> ויקחו את מקניהם ואת רכושם אשר רכשו בארץ כנען ויבאו מצרימה יעקב וכל זרעו אתו<sup>7</sup> ובני בניו אתו בנתיו ובנות בניו וכל זרעו הביא אתו מצרימה<sup>8</sup> ואלה שמות בני ישראל הבאים מצרימה יעקב בכר יעקב ראובן<sup>9</sup> ובני ראובן חנוך ופלוז וחצרון וכרמי<sup>10</sup> ובני שמעון ימואל וימין ואהד ויכין וצחר ושאול בן הכנענית<sup>11</sup> ובני לוי גרשון קהת ומררי<sup>12</sup> ובני יהודה ער ואונן ושלה ופרץ וזרח וימת ער ואונן בארץ כנען ויהיו בני פרץ חצרון וחמול<sup>13</sup> ובני יששכר תולע ופוע ויוב ושמרון<sup>14</sup> ובני זבולן סרד ואלון ויחלאל<sup>15</sup> אלה בני לאה אשר ילדה ליעקב בפדן ארם ואת דינה בתו כל נפש בניו ובנותיו שלשים

בנימן אחיו ויבך ובנימן בכה על צואריו<sup>15</sup> וינשק לכל אחיו ויבך עליהם ואחרי כן דברו אחיו אתו<sup>16</sup> והקל נשמע בית פרעה לאמר באו אחי יוסף וייטב בעיני פרעה ובעיני עבדיו<sup>17</sup> ויאמר פרעה אל יוסף אמר אל אחיך זאת עשו טענו את בעירכם ולכו באו ארצה כנען<sup>18</sup> וקחו את אביכם ואת בתיכם ובאו אלי ואתנה לכם את טוב ארץ מצרים ואכלו את חלב הארץ<sup>19</sup> ואתה צויתה זאת עשו קחו לכם מארץ מצרים עגלות לטפכם ולנשיכם ונשאתם את אביכם ובאתם<sup>20</sup> ועינכם אל תחס על כליכם כי טוב כל ארץ מצרים לכם הוא<sup>21</sup> ויעשו כן בני ישראל ויתן להם יוסף עגלות על פי פרעה ויתן להם צדה לדרך<sup>22</sup> לכלם נתן לאיש חלפות שמלת ולבנימן נתן שלש מאות כסף וחמש חלפת שמלת<sup>23</sup> ולאביו שלח כזאת עשרה חמרים נשאים מטוב מצרים ועשר אתנת נשאת בר ולחם ומזון לאביו לדרך<sup>24</sup> וישלח את אחיו וילכו ויאמר אלהים אל תרגזו בדרך<sup>25</sup> ויעלו ממצרים ויבאו ארץ כנען אל יעקב אביהם<sup>26</sup> ויגדו לו לאמר עוד יוסף חי וכי הוא משל בכל ארץ מצרים ויפג לבו כי לא האמין להם<sup>27</sup> וידברו אליו את כל דברי יוסף אשר דבר אלהים וירא את העגלות אשר שלח יוסף לשאת אתו ותחי רוח יעקב אביהם<sup>28</sup> ויאמר ישראל רב עוד יוסף בני

אחי ובית אבי אשר בארץ כנען באו אלי<sup>32</sup> והאנשים רעי צאן כי אנשי מקנה היו וצאנם ובקרם וכל אשר להם הביאו<sup>33</sup> והיה כי יקרא לכם פרעה ואמר מה מעשיכם<sup>34</sup> ואמרתם אנשי מקנה היו עבדיך מנעורינו ועד עתה גם אנחנו גם אבותינו בעבור תשבו בארץ גשן כי תועבת מצרים כל רעה צאן

**47** ויבא יוסף ויגד לפרעה ויאמר אבי ואחי וצאנם ובקרם וכל אשר להם באו מארץ כנען והנם בארץ גשן<sup>2</sup> ומקצה אחיו לקח חמשה אנשים ויצגם לפני פרעה<sup>3</sup> ויאמר פרעה אל אחיו מה מעשיכם ויאמרו אל פרעה רעה צאן עבדיך גם אנחנו גם אבותינו<sup>4</sup> ויאמרו אל פרעה לגור בארץ באנו כי אין מרעה לצאן אשר לעבדיך כי כבד הרעב בארץ כנען ועתה ישבו נא עבדיך בארץ גשן<sup>5</sup> ויאמר פרעה אל יוסף לאמר אביך ואחיד באו אליך<sup>6</sup> ארץ מצרים לפניך הוא במיטב הארץ הושב את אביך ואת אחיך ישבו בארץ גשן ואם ידעת ויש בם אנשי חיל ושמתם שרי מקנה על אשר לי<sup>7</sup> ויבא יוסף את יעקב אביו ויעמדהו לפני פרעה ויברך יעקב את פרעה<sup>8</sup> ויאמר פרעה אל יעקב כמה ימי שני חייד<sup>9</sup> ויאמר יעקב אל פרעה ימי שני מגורי שלשים ומאת שנה מעט ורעים היו

ושלש<sup>16</sup> ובני גד צפיון וחגי שוני ואצבן ערי וארודי ואראלי<sup>17</sup> ובני אשר ימנה וישוה וישוי ובריעה ושרח אחתם ובני בריעה חבר ומלכיאל<sup>18</sup> אלה בני זלפה אשר נתן לבן ללאה בתו ותלד את אלה ליעקב שש עשרה נפש<sup>19</sup> בני רחל אשת יעקב יוסף ובנימן<sup>20</sup> ויולד ליוסף בארץ מצרים אשר ילדה לו אסנת בת פוטי פרע כהן אן את מנשה ואת אפרים<sup>21</sup> ובני בנימן בלע ובכר ואשבל גרא ונעמן אחי וראש מפים וחפים וארד<sup>22</sup> אלה בני רחל אשר ילד ליעקב כל נפש ארבעה עשר<sup>23</sup> ובני דן חשים<sup>24</sup> ובני נפתלי יחצאל וגוני ויצר ושלם<sup>25</sup> אלה בני בלהה אשר נתן לבן לרחל בתו ותלד את אלה ליעקב כל נפש שבעה<sup>26</sup> כל הנפש הבאה ליעקב מצרימה יצאי ירכו מלבד נשי בני יעקב כל נפש ששים ושש<sup>27</sup> ובני יוסף אשר ילד לו במצרים נפש שנים כל הנפש לבית יעקב הבאה מצרימה שבעים פ<sup>28</sup> ואת יהודה שלח לפניו אל יוסף להורת לפניו גשנה ויבאו ארצה גשן<sup>29</sup> ויאסר יוסף מרכבתו ויעל לקראת ישראל אביו גשנה וירא אליו ויפל על צואריו ויבך על צואריו עוד<sup>30</sup> ויאמר ישראל אל יוסף אמותה הפעם אחרי ראותי את פניך כי עודך חי<sup>31</sup> ויאמר יוסף אל אחיו ואל בית אביו אעלה ואגידה לפרעה ואמרה אליו

מצרים איש שדהו כי חזק עליהם הרעב ותהי הארץ לפרעה<sup>21</sup> ואת העם העביר אתו לערים מקצה גבול מצרים ועד קצהו<sup>22</sup> רק אדמת הכהנים לא קנה כי חק לכהנים מאת פרעה ואכלו את חקם אשר נתן להם פרעה על כן לא מכרו את אדמתם<sup>23</sup> ויאמר יוסף אל העם הן קניתי אתכם היום ואת אדמתכם לפרעה הא לכם זרע וזרעתם את האדמה<sup>24</sup> והיה בתבואת ונתתם חמישית לפרעה וארבע הידת יהיה לכם לזרע השדה ולאכלכם ולאשר בבתיכם ולאכל לטפכם<sup>25</sup> ויאמרו החיתנו נמצא חן בעיני אדני והיינו עבדים לפרעה<sup>26</sup> וישם אתה יוסף לחק עד היום הזה על אדמת מצרים לפרעה לחמש רק אדמת הכהנים לבדם לא היתה לפרעה<sup>27</sup> וישב ישראל בארץ מצרים מאד<sup>28</sup> ויחי יעקב בארץ מצרים שבע עשרה שנה ויהי ימי יעקב שני חייו שבע שנים וארבעים ומאת שנה<sup>29</sup> ויקרבו ימי ישראל<sup>1</sup> למות ויקרא לבנו ליוסף ויאמר לו אם נא מצאתי חן בעיניך שים נא ידך תחת ירכי ועשית עמדי חסד ואמת אל נא תקברני במצרים<sup>30</sup> ושכבתי עם אבתי ונשאתני ממצרים וקברתני בקברתם ויאמר אנכי אעשה כדברך<sup>31</sup> ויאמר השבעה לי וישבע לו וישתחו ישראל על

ימי שני חיי ולא השיגו את ימי שני חיי אבתי בימי מגוריהם<sup>10</sup> ויברך יעקב את פרעה ויצא מלפני פרעה<sup>11</sup> ויושב יוסף את אביו ואת אחיו ויתן להם אחזה בארץ מצרים במיטב הארץ בארץ רעמסס כאשר צוה פרעה<sup>12</sup> ויכלכל יוסף את אביו ואת אחיו ואת כל בית אביו לחם לפי הטף<sup>13</sup> ולחם אין בכל הארץ כי כבד הרעב מאד ותלה ארץ מצרים וארץ כנען מפני הרעב<sup>14</sup> וילקט יוסף את כל הכסף הנמצא בארץ מצרים ובארץ כנען בשבר אשר הם שברים ויבא יוסף את הכסף ביתה פרעה<sup>15</sup> ויתם הכסף מארץ מצרים ומארץ כנען ויבאו כל מצרים אל יוסף לאמר הבה לנו לחם ולמה נמות נגדך כי אפס כסף<sup>16</sup> ויאמר יוסף הבו מקניכם ואתנה לכם במקניכם אם אפס כסף<sup>17</sup> ויביאו את מקניהם אל יוסף ויתן להם יוסף לחם בסוסים ובמקנה הצאן ובמקנה הבקר ובחמרים וינהלם בלחם בכל מקניהם בשנה ההוא<sup>18</sup> ותתם השנה ההוא ויבאו אליו בשנה השנית ויאמרו לו לא נכחד מאדני כי אם תם הכסף ומקנה הבהמה אל אדני לא נשאר לפני אדני בלתי אם גוינתו ואדמתנו<sup>19</sup> למה נמות לעיניך גם אנחנו גם אדמתנו קנה אתנו ואת אדמתנו בלחם ונהיה אנחנו ואדמתנו עבדים לפרעה ותן זרע ונחיה ולא נמות והאדמה לא תשם<sup>20</sup> ויקן יוסף את כל אדמת מצרים לפרעה כי מכרו

1 BHS has been faithful to the Leningrad Codex where there might be a question of the validity of the form and we keep the same form as BHS.

אפרים בימינו משמאל ישראל ואת  
 מנשה בשמאלו מימין ישראל ויגש  
 אליו<sup>14</sup> וישלח ישראל את ימינו וישת על  
 ראש אפרים והוא הצעיר ואת שמאלו  
 על ראש מנשה שכל את ידיו כי מנשה  
 הבכור<sup>15</sup> ויברך את יוסף ויאמר האלהים  
 אשר התהלכו אבתי לפניו אברהם ויצחק  
 האלהים הרעה אתי מעודי עד היום  
 הזה<sup>16</sup> המלאך הגאל אתי מכל רע יברך  
 את הנערים ויקרא בהם שמי ושם אבתי  
 אברהם ויצחק וידגו לרב בקרב  
 הארץ<sup>17</sup> וירא יוסף כי ישית אביו יד ימינו  
 על ראש אפרים וירע בעיניו ויתמך יד  
 אביו להסיר אתה מעל ראש אפרים על  
 ראש מנשה<sup>18</sup> ויאמר יוסף אל אביו לא  
 כן אבי כי זה הבכר שים ימינך על  
 ראשו<sup>19</sup> וימאן אביו ויאמר ידעתי בני  
 ידעתי גם הוא יהיה לעם וגם הוא יגדל  
 ואולם אחיו הקטן יגדל ממנו וזרעו יהיה  
 מלא הגוים<sup>20</sup> ויברכם ביום ההוא לאמור  
 בך יברך ישראל לאמר ישמך אלהים  
 כאפרים וכמנשה וישם את אפרים לפני  
 מנשה<sup>21</sup> ויאמר ישראל אל יוסף הנה  
 אנכי מת והיה אלהים עמכם והשיב  
 אתכם אל ארץ אבתיכם<sup>22</sup> ואני נתתי לך  
 שכם אחד על אחיך אשר לקחתי מיד  
 האמרי בחרבי ובקשתי פ

49 ויקרא יעקב אל בניו ויאמר האספו

המטה פ

ראש

48 ויהי אחרי הדברים האלה ויאמר  
 ליוסף הנה אביך חלה ויקח את שני בניו  
 עמו את מנשה ואת אפרים<sup>2</sup> ויגד ליעקב  
 ויאמר הנה בנך יוסף בא אליך ויתחזק  
 ישראל וישב על המטה<sup>3</sup> ויאמר יעקב אל  
 יוסף אל שדי נראה אלי בלזו בארץ כנען  
 ויברך אתי<sup>4</sup> ויאמר אלי הנני מפרך  
 והרביתך ונתתיך לקהל עמים ונתתי את  
 הארץ הזאת לזרעך אחריו אחזת  
 עולם<sup>5</sup> ועתה שני בניך הנולדים לך בארץ  
 מצרים עד באי אליך מצרימה לי הם  
 אפרים ומנשה כראובן ושמעון יהיו  
 לי<sup>6</sup> ומולדתך אשר הולדת אחריהם לך  
 יהיו על שם אחיהם יקראו  
 בנחלתם<sup>7</sup> ואני בבאי מפדן מתה עלי  
 רחל בארץ כנען בדרך בעוד כברת ארץ  
 לבא אפרתה ואקברה שם בדרך אפרת  
 הוא בית לחם<sup>8</sup> וירא ישראל את בני יוסף  
 ויאמר מי אלה<sup>9</sup> ויאמר יוסף אל אביו בני  
 הם אשר נתן לי אלהים בזה ויאמר קחם  
 נא אלי ואברכם<sup>10</sup> ועיני ישראל כבדו  
 מזקן לא יוכל לראות ויגש אתם אליו  
 וישק להם ויחבק להם<sup>11</sup> ויאמר ישראל  
 אל יוסף ראה פניך לא פללתי והנה  
 הראה אתי אלהים גם את זרעך<sup>12</sup> ויוצא  
 יוסף אתם מעם ברכיו וישתחו לאפיו  
 ארצה<sup>13</sup> ויקח יוסף את שניהם את



שפיפן עלי ארח הנשך עקבי סוס ויפל רכבו אחור<sup>18</sup> לישועתך קויתי יהוה<sup>19</sup> גד גדוד יגודנו והוא יגד עקב<sup>20</sup> מאשר שמנה לחמו והוא יתן מעדני מלך<sup>21</sup> נפתלי אילה שלחה הנתן אמרי שפר<sup>22</sup> בן פרת יוסף בן פרת עלי עין בנות צעדה עלי שור<sup>23</sup> וימררהו ורבו וישטמהו בעלי חצים<sup>24</sup> ותשב באיתן קשתו ויפזו זרעי ידיו מידי אביר יעקב משם רעה אבן ישראל<sup>25</sup> מאל אביך ויעזרך ואת שדי ויברכך ברכת שמים מעל ברכת תהום רבצת תחת ברכת שדים ורחם<sup>26</sup> ברכת אביך גברו על ברכת הורי עד תאות גבעת עולם תהיין<sup>1</sup> לראש יוסף ולקדקד נזיר אחיו<sup>2</sup> בנימין זאב יטרף בבקר יאכל עד ולערב יחלק שלל<sup>28</sup> כל אלה שבטי ישראל שנים עשר וזאת אשר דבר להם אביהם ויברך אותם איש אשר כברכתו ברך אתם<sup>29</sup> ויצו אותם ויאמר אלהם אני נאסף אל עמי קברו אתי אל אבתי אל המערה אשר בשדה עפרון החתי<sup>30</sup> במערה אשר בשדה המכפלה אשר על פני ממרא בארץ כנען אשר קנה אברהם את השדה מאת עפרן החתי לאחזת קבר<sup>31</sup> שמה קברו את אברהם ואת שרה אשתו שמה קברו את

ואגידה לכם את אשר יקרא אתכם באחרית הימים<sup>2</sup> הקבצו ושמעו בני יעקב ושמעו אל ישראל אביכם<sup>3</sup> ראובן בכרי אתה כחי וראשית אוני יתר שאת ויתר עז<sup>4</sup> פחז כמים אל תותר כי עלית משכבי אביך אז חללת יצועי עלה<sup>5</sup> שמעון ולוי אחים כלי חמס מכרתיהם<sup>6</sup> בסדם אל תבא נפשי בקהלם אל תחד כבדי כי באפם הרגו איש וברצנם עקרו שור<sup>7</sup> ארור אפם כי עז ועברתם כי קשתה אחלקם ביעקב ואפיצם בישראל<sup>8</sup> יהודה אתה יודוך אחיך ידך בערף איביך ישתחוו<sup>1</sup> לך בני אביך<sup>9</sup> גור אריה יהודה מטרף בני עלית כרע רבץ כאריה וכלביא מי יקימנו<sup>10</sup> לא יסור שבט מיהודה ומחקק מבין רגליו עד כי יבא **שילה** שילו ולו יקהת עמים<sup>11</sup> אסרי לגפן **עירה** עירו ולשרקה בני אתנו כבס ביין לבשו ובדם ענבים **סוטה** סותו<sup>12</sup> חכלילי עינים מיין ולבן שנים מחלב<sup>3</sup> זבולן לחוף ימים ישכן והוא לחוף אניות וירכתו על צידן<sup>14</sup> יששכר חמר גרם רבץ בין המשפתים<sup>15</sup> וירא מנחה כי טוב ואת הארץ כי נעמה ויט שכמו לסבל ויהי למס עבד<sup>16</sup> דן ידין עמו כאחד שבטי ישראל<sup>17</sup> יהי דן נחש עלי דרך

1 BHS has been faithful to the Leningrad Codex where there might be a question of the validity of the form and we keep the same form as BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

למצרים על כן קרא שמה אבל מצרים  
 אשר בעבר הירדן<sup>12</sup> ויעשו בניו לו כן  
 כאשר צום<sup>13</sup> וישאו אתו בניו ארצה כנען  
 ויקברו אתו במערת שדה המכפלה אשר  
 קנה אברהם את השדה לאחזת קבר  
 מאת עפרן החתי על פני ממרא<sup>14</sup> וישב  
 יוסף מצרימה הוא ואחיו וכל העלים אתו  
 לקבר את אביו אחרי קברו את  
 אביו<sup>15</sup> ויראו אחי יוסף כי מת אביהם  
 ויאמרו לו ישטמנו יוסף והשב ישיב לנו  
 את כל הרעה אשר גמלנו אתו<sup>16</sup> ויצוו אל  
 יוסף לאמר אביך צוה לפני מותו  
 לאמר<sup>17</sup> כה תאמרו ליוסף אנא שא נא  
 פשע אחיך וחטאתם כי רעה גמלוך  
 ועתה שא נא לפשע עבדי אלהי אביך  
 ויבך יוסף בדברם אליו<sup>18</sup> וילכו גם אחיו  
 ויפלו לפניו ויאמרו הננו לך  
 לעבדים<sup>19</sup> ויאמר אלהם יוסף אל תיראו  
 כי התחת אלהים אני<sup>20</sup> ואתם חשבתם  
 עלי רעה אלהים חשבה לטבה למען  
 עשה כיום הזה להחית עם רב<sup>21</sup> ועתה  
 אל תיראו אנכי אכלכל אתכם ואת  
 טפכם וינחם אותם וידבר על  
 לבם<sup>22</sup> וישב יוסף במצרים הוא ובית אביו  
 ויחי יוסף מאה ועשר שנים<sup>23</sup> וירא יוסף  
 לאפרים בני שלשים גם בני מכיר בן  
 מנשה ילדו על ברכי יוסף<sup>24</sup> ויאמר יוסף  
 אל אחיו אנכי מת ואלהים פקד יפקד  
 אתכם והעלה אתכם מן הארץ הזאת אל

יצחק ואת רבקה אשתו ושמה קברתי  
 את לאה<sup>32</sup> מקנה השדה והמערה אשר  
 בו מאת בני חת<sup>33</sup> ויכל יעקב לצות את  
 בניו ויאסף רגליו אל המטה ויגוע ויאסף  
 אל עמיו

**50** ויפל יוסף על פני אביו ויבך עליו  
 וישק לו<sup>2</sup> ויצו יוסף את עבדיו את  
 הרפאים לחנט את אביו ויחנטו הרפאים  
 את ישראל<sup>3</sup> וימלאו לו ארבעים יום כי כן  
 ימלאו ימי החנטים ויבכו אתו מצרים  
 שבעים יום<sup>4</sup> ויעברו ימי בכיתו וידבר  
 יוסף אל בית פרעה לאמר אם נא מצאתי  
 חן בעיניכם דברו נא באזני פרעה  
 לאמר<sup>5</sup> אבי השביעני לאמר הנה אנכי  
 מת בקברי אשר כריתי לי בארץ כנען  
 שמה תקברני ועתה אעלה נא ואקברה  
 את אבי ואשובה<sup>6</sup> ויאמר פרעה עלה  
 וקבר את אביך כאשר השביעך<sup>7</sup> ויעל  
 יוסף לקבר את אביו ויעלו אתו כל עבדי  
 פרעה זקני ביתו וכל זקני ארץ  
 מצרים<sup>8</sup> וכל בית יוסף ואחיו ובית אביו  
 רק טפם וצאנם ובקדם עזבו בארץ  
 גשן<sup>9</sup> ויעל עמו גם רכב גם פרשים והי  
 המחנה כבד מאד<sup>10</sup> ויבאו עד גרן האטד  
 אשר בעבר הירדן ויספדו שם מספד  
 גדול וכבד מאד ויעש לאביו אבל שבעת  
 ימים<sup>11</sup> וירא יושב הארץ הכנעני את  
 האבל בגרן האטד ויאמרו אבל כבד זה

הארץ אשר נשבע לאברהם ליצחק  
וליעקב<sup>25</sup> וישבע יוסף את בני ישראל  
לאמר פקד יפקד אלהים אתכם והעלתם  
את עצמתי מזה<sup>26</sup> וימת יוסף בן מאה  
ועשר שנים ויחנטו אתו וישם בארון  
במצרים

---

End of Genesis

# The Westminster Leningrad Codex

Version 4.16

## Genesis

Attributed to:

**Shemu'el ben Ya'akov**  
**Aharon ben-Mosheh ben-Asher**  
*ca 1008*

Active maintenance of machine-readable version:

*Stephen K. Salisbury, Editor*  
**steve@grovescenter.org**

*Kirk E. Lowery, Senior editor*  
**kirk@grovescenter.org**

Transcription to Unicode/XML:

*Christopher V. Kimball*  
**transcriber@tanach.us**

Edition:

**Unicode/XML Westminster Leningrad Codex**

**<http://www.tanach.us/Tanach.xml>**

Transcribed by WLC2XML of 6 Jun 2010 at 01 Jun 2012 @ 10:24.05. Build number:  
23.0. Converted to ODT by XML2ODT.xml dated 22 Dec 2010 on 2012.06.01-10.26.  
Build number: 23.0 . 60 pages. Layout: Full; Content: Consonants.

**This document is in the public domain.**